

ادبیاتی

برہمی

دار الفنون

الاسیاق والکتاب

تاریخی ، اجتماعی ، دینی ، فلسفی

آگستوس — ۱۹۲۶



شہزادہ ہاشمی — اوقاف مطبعہ سی

۱۹۲۶

قبل الاسلام عربلر و تدینلری

محیط طبیعی — تاریخک عربلرک بشیکی اوله رق طائیدیغی شبه جزیره یه آسیا استپلرنده کی بویوک یا بلانک جنوبه متوجه بر استتطالهی نظریله باقه بیلیرز. شمال بادیه سیله صاغدن (عراق) ده، صولدن (سوریه) یه باغلانان بواستطاله، (موآب) طاغلرنده باشلایان (جبل السراة) سلسله سیله بری (تهامه) یعنی ساحل قسمی، دیکری (نجد) یعنی داخلی یوکسک حوالی اولمق اوزره ایکی یه آیر یلقده در. تهامه، بویدن بویه (بحر احمر) منتهی اولدیغی کی (نجد) ده غریدن شرقه دوغرو محسوس بر میل ایله (سماوه) وبصره کورفزی منطقه نه قدر امتداد ایدر.

نجد ایله تهامه آره سنده کی طاغاق ساحی تشکیل ایدن (حجاز) خطه سی تهامه کی (غرانیت) و (پورفیر) دن متشکل طاغلرله مستوردر. حجازک برزه تولوزیک اشکلاتی آره سنده عربلرک [حره] دیدکاری برچوق سونمش و واقانلر موجوددر. بونک ایچوندر که قدام حجازله تهامه نیک طاغاق اقسامنه (حجریه) اسمی ویرمشلردر.

نجد قطعه سی شبه جزیره نیک مرکز یا یلاسی تشکیل ایدر. (جبل السراة) دن (سماوه) یه وبصره کورفزی ساحلارینه قدر امتداد ایدن بومرکز یا یلاسی (نجد حجازی) و (نجد عارض) ناملریله ایکی یه آیر یلشدر. نجد اراضیسنک قسم اعظمی کاسی، بر سردیوه نیک باصا ماقلری شکلنده یا یلا صره لرندن متشکلدر.

نجدک شرقده وبصره کورفزی سواحلانده (یمامه)، (بحرین) و (عمان) خطه لری، جنوبینده ایسه معظم (دهنا چولی) وارددر. ایری دانلی و قرمز رنگده قوملرله مستور اولان (دهنا)، یازین قیزغین کونش آلتنده بر خون و آتش منظره سی عرض ایدر. بدویلری بیله تدهیش ایدن بوجسیم چولده سنه نیک همان هر موسمنده بر برلری آرقه سندن قوشان قوم طاغله لری اراضینک سیماسی دائمی صورتده تبدیل ایتمکده، آسن روز کارلر وولفاندن فیشقیران لولر کی حیوانی، نباتی بوتون عضویتلری یا قوب قاوورمقده در.

عمان خطه سی، غرانیت برطاغله دکز آره سنه صیقیشمش طار بر ساحه اولوب قره جهتی سیاه قایلردن متشکل یوکسک تپه لرله محاطدر. ساحل طرفی ایسه آلچاق و قومسالدره شبه جزیره نیک جنوب حوالیسی (ین) دینیان خطه یی احتوا ایدر. بو خطه هیئت

عمومیه سیله طاخلق بریابیلادن عبارت و محصولدار بر ساحه دره. شرائط ارضیه و اقلیمییه سیله
زراعته بک مساعدر. یمک شرقی تشکیل ایدن (حضر موت) قطعه سیله ده اقلیم اعتباریله
یمنه بک مشاهددر.

نجده و حجازک شمالنده، سویه ایله عراق آره سنده کی کنیش ساحه یه سوریه و عراق
بادیه سی دیلمکده در. بادیه هیئت عمومی سیله واسع و کلسی راستیدر. بو استپ آره صره
بیاضمی کوچوک تپه لرله کسيلمشددر. حجازده اولدینی کبی بوکلسی راستپ دهده آره صره
حرم لرله تصادفی ایدیلکده در. اندفاعات ماضیه بک انقاضی اولان حرم لرک اطرافنی لاور
جریانلری، بازالت قیالری ایله مالیدر. سوریه دن (مدینه منوره) یه کیدرکن (معان) دن
چیفقدن صوکره سیاهک اوکنه آجیلان یکنسق و کنیش صحادهده وولغانی منطقه لرله
صیق صیق تصادف ایدیله بیلیر.

بادیه ده و نجدک شمال و شرقده حرم لر قدر نظر دقتی جالب قرمزی ویا بیاضمی
قوملرله مستور کنیش منطقه لر واردر که یریلیر بونلره [الفوض] نامنی ویریلیر.
نفوضلرک ازمینه ماضیه ده صو یا تاخی اولدق لری ظن ایدیلکده دو. قرمزی قوملی نفوضلر
کونشک تأثیریه خونین ویا آتشین برمنظره آلیرلر. متادیا قاورولان نفوضلر شبه جزیره یه
اکثری یرنده واسع برچول منظره سی ویرمکده در. عربستانک بوکی منطقه لرینه قدما
طرفدن (بادیه) اسمی ویریلشددر.

عربستان شبه جزیره سنده دائمی صورتده جریان ایدن نهر وچای یوقدر. یا غمور
موسملرنده وادیلری طولدوران صولر بو موسم کچر کچمز قیزغین کونش آلتنده تخر
ایدر و قورورلر. فقط بوکا مقابل هبوب ایتدیکی جهندن هوای نسیمی یه قرمزی بررنک
ویرن (بادسموم) همان هر دایم آسر.

بو بوک آسیا استپنک استطاله سی ماهیتنده اولان عربستان بادیه لرینک یکانه محصولی؟
استپده اولدینی کبی؟ اوت دره. فقط عربستانده اوت، هر طرفده مبدول و موجوددکلدر.
یتیشه بیلنلرده یاز کایر گلز قیزغین کونش ویا بس روز کارلرله کاملاً قورور. شبه جزیره ده
حیات نباتی بی احما ایدن بو یابس روز کار آسیانک مرکز یا یلاسندن متادیا آسن قورور
جریان هوادن انبعات ایتمکده در. بو جریان آسیانک یوکسک استپلرینی کچرکن صو
درجه ییوست اکتساب ایتدیکندن بوتون اوتلری اهرک قوروتقمده در. بوندن دولایی
شمالی عربستانده آغاج همان مقفود کیدر. اوتلر و بودور برحاله قالان نباتات آنجق ایلمک

بهار آیلرنده کوروله بیلیرلر. مایس نهایتدن اعتباراً قوراللق بوتون شدتیه باش کوستیرر. اوتلر کاملاً قورور، طوبراق زنکی آیر .

چول منطقه سنه داخل اولان وسطی عربستانکده بعضی منطقه لری بوس بوتون عربان بر حالده در . بورالده اوت و آغاچ نامنه برشی کورولمز . یالکز قیالر اوزرنده ابتدائی شیبیه لره تصادف اولنه بیلیر. فقط ، یوپایانسز چوللر آره سنده نادراً صولاق ویشیل اراضی کورولدیکی ده واقعدر . بورالر ، عربستانک اثر حیات کوسترن مشهور (واحه) لریدر . تهامه دینیلن غرب سواحلی کرچه بوتون بوتون عربان دکدر . فقط بوحوالی ده نباتات ، انواعی اعتباریه پک فقیردر . موجود اولان نباتلرده صحرای کیره مخصوص اوصاف عرض ایتمکده در .

شبه جزیره نک اسکی جغرافیا عالملی طرفدن (سعیده) اسمی ویریلن جنوب اقسامی اقلیم و محصول اعتباریه (حجریه) و (بادیه) دینیلن حوالیسندن بوس بوتون باشقه در . بنی الحقیقه قدماک (سعیده) دیدکاری یمن و حضرموت قطعه لری حیاتدار برمنظره عرض ایتمکده در . یمن ، هیئت عمومی سیله مرتفع و طاغلق بر یایلا تشکیل ایدر . (صنعا) نک سطح بجزدن ارتفاعی ایکی بیک یوز اوتوز متره قدردر . یمنک طاغلق یایلاسی منبت و محصولداردر . بورالده قهوه ، چیوید ، خرما مبدراً ییشیدیکی کبی سبزه وهرنوع میوه آغاچلری ده امنیتله نشو و نما بولمده در . (تورات) ده [حاسار ماوت] دینیلن حضرموت خطه سی ده اقلیم اعتباریه یمنه مشاهدر . بورالده اراضینک قابلیت فیضیه سی زنکین وزراعته پک مساعددر .

شواجالدن آکلاشیه جفی وجهله یمن و حضرموتک بعضی اقسامی استثنا ایدیلک شرطیه عربستان زراعی بر محیط اولدینی کبی راعیلکده او قدر مساعدکدر . حجاز ، نجد و بادیه ده یالکر زراعتله ویا یالکز راعیلکله معیشتی تأمین امکانی یوقدر . بوخال ، شبه جزیره سکنه سنی ، محصولسز مملکتلرک سوق ایستدیکی بداوت حیاته مجبور ایتمش ، اولنری تأمین معیشت ایچون دیگر بر طریق تعقیبی اضطرارنده بولوندرمش ، یعنی تجارتی و پک ابتدائی اولمقله برابر اعمالاتی انکشاف ایتمیرمشدر .

وسطی و شمالی عربستان قابلیت زراعی دن محروم اولمقله برابر شرق شامیدن عراق ، غرب شامیدن سوریه ، جنوب دن یمن و حضرموت کبی خطه لرله محاطدر . بو وضعیت پک ناسکی زمانلردنبری عربستانده تجارتک انکشافه سبب اولمشدر . یمن قطه سی ، ازمته قدیمه ده

اسکی قوملر آره سنده بر شہراہ تجارت ایدی . تاریخث قارا کلق، دورلردنبری عربستانہ ہندستان آره سنده مناسبات تجاریہ موجود اولدینی معلومدر .

ہندستانہ ، قدیم مصریلرک ، آثوریلرک ، فنیکہ ایلرک و بحر سفید حوضہ سندنہ کی دیگر قوملرک محتاج اولدقلری محصوللر پک مبذول ایدی . ین تجارلری بو محصوللری ساحارہ کتیرتیر ، پورالردن ، بدویلردن تشکیل ایتدکلری کاروانلر و قافلہ لرلہ عراقہ ، سوریه یہ ، فلسطینہ ، مصرہ ، کوندہ ریرلردی . بدوی قافلہ لرینک ہند امتعہ سنی بحر سفید سواحلدنہ کی . (صور) ، (غزہ) و سائر لیمانلرہ قدر کوتوردکلری (خر قیال) ک کتابندن آکلاشیلیمقدہ در . قافلہ لر ، نقود مسکوکہ بولونمادینی یوزمانلردہ کوتوردکلری موادی (شام) ، (صور) ، (بابل) ، (نینوا) ، (پترا) و (اورشایم) کی بویوک مراکز تجاریہ دہ کندیلرینہ لازم اشیا ایلہ مبادلہ ایدر ، مملکتلرینہ دوزلردی .

جنوبی عربستانہ سوریه ، مصر و عراق آره سندنہ قافلہ لرک سیر و سفرلری ایچون خصوصی تجارت یوللری واردی . یوللردہ قافلہ لرک ایملری ایچون (محط) دینلن قویولو منزللر بولونوردی . جاہلیہ دورندہ مکہ قریشیلرینک قیشین ینہ ، یازیندہ سوریه یہ اولمق اوزرہ ایکی قافلہ تجاریہ چیقاردقلری معلومدر . بو قافلہ لرہ اوتوزر کوندہ سوریه و یامنہ واصل اولورلردی [۱] .

فقط طبیعتک قیصرلنی قارشوسندنہ قیورانان چول اولدلرینک یاشاماسی ایچون مجاور مملکتلر آراسندنہ واسطہ تجارت اولملری کافی دکلدی . محدود اولان بوتجارت بوتون چول سکنہ سنک معیشت واسطہ سی اولسی امکانی یوقدی . بدوینکدہ محتاج اولدینی موادی مجاور حضریلردن آلمق ایچون مبادلہ ایدہ جک برشیشی اولمق ایجاب ایدیوردی . بولزوم بدویلری ، کندیلرندہ بولونان مواد ابتدائیہ دن حضریلرک ایشنہ یاریہ جق بورتوز ، حصیر ، خالی ، طولوم ، چووال ، ایپ و سائرہ اعمالہ مجبور ایتمش ، بوسورتلہ چولده ابتدائی اعمالات باشلامشدر .

ہرل نمونج اجتماعی . — عربستان شبہ جزیرہ سنک جغرافی وضعیتی سکنہ سنک اجتماعی حیات و تشکلاتنہ بر خصوصیت ویرہ مشدر . جزیرہ نک اطراف ایجنی اردولرک نفوذینہ مانع برطاقم چوللرلہ محاط و احتراصاتی اویاندیردجان ثروتدن محروم اولسی بوقطعہ بی بویوک [۱] قرآن دہ [لایلاف قریش ایلافہم رحلہ الشتاء والصفی . .] سورہ سندنہ بوکا اشارت ایدیلمشدر .

جهانگیر لک استیلا سندن مصون بولوندیرمشدر [۱]. یالکز آز چوق زنگین و محصولدار اولان یمن قطع‌سی بشنجی عصر هجرده موقتاً حبشیر لک استیلا سنه معروض قالمش ، بر مدت‌ده ایران ساسانیلرینک نفوذی آتته دوشمشدر .

عربستانک خارجی بر استیلا دن مصون قالمش اولسی ، بو حظه سکنه سنده کی خصوصیتک هیچ بر صورتله صار صیلماسنی تأمین ایتمشدر . محیط ارضی واقلمک مولودی اولان و شبه جزیره سکنه سنی تمایز ایتدیرن بو خصوصیتلرک باشلیجه لری شونلردر :

۱. — قبله حیاتی
۲. — فردی حیاته سادگی و اطراد
۳. — عالیجنابلق
۴. — جرات ، زندگی و خونریز لک
۵. — تجاری کار و انجیلیق
۶. — ابتدائی صناعت

عربستان سکنه سنی ؛ محیط ارضی نک ایجابی اوله رق ، پک اسکی زمانلردنبری طائلی جماعتلر حالنده یاشامشلردر . فقط اقلیم و محیط ، چول سکنه سنک مجتمعا یاشاملرینه مساعد اولدیقندن بونلر بالآخره پدرشاهی عائله ماهیتنده متفرق غرو بلر حالنده طوبلا نغه مجبور اولمشلردر . اجتماعی تشکلات اعتباریه الک ابتدائی جمعیت انوزجی اولان عائله طبیعی بر ضرور پدر . چول حیاتی مشقت و مجادله دیمک اولدیقندن بو عائله نک ده بدر — شاهیلک انقلاب ایتمش اولسی پک ضروریدر . چونک هم طبیعت هم ده رقیب غرو بلر له مجادله دن عبارت اولان بو حیاته الک مهم رول ارا ککه توجیه ایتمکده در [۲] .

چولک پدر — شاهی عائله سنی موجودیتی محافظه و ایجابنده ده مدافعه ایده بیلیمک ایچون غلبه لک اولمق ضرورتی قارشوسنده در . بو ضرورت چولک پدر شاهی عائله لرنده ؛

[۱] عربستان خارجی بر استیلا دن آزاده قالمقه برابر شام ، فلسطین ، مصر و عراق حوالیسندن کن مهاجرلر له ملجاء اولمق دن قورتوله مامشدر . ظلمکار حکمدار لک تضييقندن قاچانلر ایچون عربستان امین بر مفر اولدیغی کبی حکومتک مجازاتندن صیویشهق ایسته بن جانلرده شبه جزیره په چکیلر لردی . مهاجر تله عربستانه صوقولانلرک الک چوغی یهودیلر اولمشدر . یهودیلر مصر دن چیدقلری زماندن رومالی [تیتوس Titus] دورینه قدر سوریه و فلسطین ده انواع مظالمه معروض قالدقلرندن فرصت بولدقه سوریه چولنی کمرک عربستانه صیفینور لردی . رومالیلرک (پترا) پی ضبط ایچلرینی متعاقب نبطیلردن ده بر چوق خلقک عربستانه چکمش اوللری محتملدر . بو مهاجر تله ازمته اولیه دنبری بداوت حیاتی یاشایان حجاز عربلرینه بعضی آثار مدنیه بی طائفه وسیله اولمشدر .

[۲] عربلرده الک اسکی واک ابتدائی تشکل اجماعینک مادرشاهی ماهیتنده اولدیغی بونک بالآخره ایجابات حیاتیه نتیجه سی اوله رق پدر شاهیلک انقلاب ایتدیکنی ظنی ویرمک بعضی اماره لر وارددر .

۴۰ افراد و بطونک چوغالماسنه رغماً؛ رابطه مک یایدار قالماسنی و نسبک اونوتولماسنی ایجاب ایلشدیر. چونکه چول جماعتی نه قدر غلبهک اولورسه دائمی صورتده هجومه معروض قالان وارلنی ده اوقدر تحت امنیتده بولونه بیلیر. کورولورکه باشقه محیط واقلملرده عائلهیه تحملسوز بر بار اولان افراد غایبهکی چول ایچون بر لزوم، بر ضرورتدر. ایشته بونک ایچوندرکه چول عائلهسی اوزاق قرابتلری ده دائره شمولنده طوتمش، بو صورتله قبیله حیاتی دوغمشدر.

قبیله، چول حیانتک یاراتدینی برانمودج اجتماعیدر: طوبراقدن غداسنی آلامیان، سوروسنی باریندیرده جق اوتلاق بوله میان بدوی، معیشتنی غارتکرلکده ویا کاروانجیلکده آرامق مجبوریتده قالمشدر. حالبوکه کرک غارتکرلک و کرک چول کاروانجیلنی قبیله افرادینک عدوجه چوق اولسنی مستلزمدر. چونکه قارغی و قالقان مجادله سنده غلبه آنجق عدده تأمین ایدیه بیللمکده در. کاروانجیلک امنیتله اجراسی ده ینه عدداً غلبهک اولغه متوقفدر: کاروانجی چول ایچریسندن کچرک اوزون و تهلکلی برسیاحت اجراسنه مجبوردر. حالبوکه بومدید سیاحت اثناسنده غارت آرقاسندن قوشان دیگر بر قبیله نک هجومه معروض قالمق تهلکسی هر وقت ایچون موجوددر. بوندن باشقه بولده دیگر کاروانلره راست کلک و عددلری محدود اولان قویولر ایچون مجادله یه کیریشمک احتمالی ده کاروانجی بی دائما دوشوندیرده چک بر کیفیتدر. دیمک که چولده مجادله حیات بولنده دائمی بر رقابت وارد. بو رقابت قارشوسنده عدداً چوق اولمق اک بویوک عامل موقتیدر. موفقیتک تأمین ده آنجق عائله مجتمه سندن داها کنیش و غلبهک، فقط افرادی عائله قرابتله بر لرینه مربوط دیگر بر مجتمه تشکیل ایتمکه ممکن اوله بیلیر. ایشته اوزاق قرابتلری ده دائره شمولنه آلان بو مجتمه [قبیله] دینلن انمودج اجتماعیدر.

قبیله اوزاق قرابتلری دائره شمولنه آلان بر مجتمه اولدیغندن هویتی اعتباریه بعض خصوصیتی حائز بر متحده در. بومتحده قرابت درجه سنه کوره آیری آیری اسملرله یاد ایدیلن غروب لردن متشکلدر. غروب لرک نومه تشکلات اجتماعیه نک مبدای اولان [عائله] در. ایلك انمودج اجتماعی اولان طائله لرک بیرلشمه سندن ایکنجی درجه ده بر غروب وجوده کلشدرکه بوکا [فصیله] دینلمکده در. فصیله لرک اتحادندن [عماره] لر، عماره ک بیرلشمه لردن [فخذ] لر، فخذ لرک طوبلانمسندن [بطان] لر، بطان لرک تجمندن ده [قبیله] لر تشکیل ایتشدیر. اک اوزاق قرابت رابطه لر یله بیرلشن قبیله لرک اجتماعیه ده بویوک [شعب] لر وجوده کلشدر.

قبیللر آره سنده طوغان داعیه تفوق بونلری سیاستاً برلرلرندن آیرمش ، آره لرندص دائمی مخاصمه و مقاتله یه یل آچمشدر . معیشت طارانی ده بو خصوصده مهم بر عامل اولمشدر . [غزوه] دینیان بو مقاتله لر یغما کرلیکی و شروع بر قازانج شکلنه صوقمشدر . بو اعتبارله قبیله یه افرادی بر برلیله آ ز چوق اوزاق قرابت رابطه لر یله باغلی سفر بر حالندص بر اوردو نظریله باقه بیلیرز .

بو تشکیلات حیاتی اساسلره مستند اولدیغندن اصلا انحلال ایتمز . چونکه قبیله احوال و وقوعات استثنائیه نتیجه سنده وجوده کلش بر محتممه دکل ، محیطک و محیطک مقتضایی اولان طرز معیشتک مولودی اوله رق تشکل ایتمشدر . چونکه قبیله افرادندن هر برینک حیاتی ، دیگر فردلرک حیاتیله علاقه داردر . بو علاقه اولرک اولاد و احفادینه ده شاملدر . قبیله تشکیلاتی توارثی بر ماهیتی حائر اولدیغی کبی ریاستی ده بویله در .

فقط بعضاً قبائل ، بطون ، عمائر و افخازدن هر بری دیگر قبائل ، بطون ، عمائر و افخازه قارشى کندیلرینک مناقی ایله افتخار و دیگر لرینک معاینی ذکر و اظهار ایدرلردی . بو خصوصده شاعرلر اوزون قصیده لر و یا محبوه لر نظام ایدر ، قائلی جدال ره سبب اولورلردی . بعضاً ده عینی قبیله نك افخازه ، اعمار و یا بطونی آره سنده کی نسب عصیقی طارلا شیر ، بونلرک بر بر یله یاقین اولانلری اوزاق بولونانلر عاینه برلشیردی . بو صورتله ده ده عینی قبیله بطنلری آره سنده قائلی نزاعلر ظهور ایدردی .

چول انموذجنی تمایز ایتدیرن دیگر سجیه لر ی ده قبیله تشکیلاتی کبی ینه محیط انکشافه ایتدیرمشدر . ناصیل که شبه جزیره ده طبیعتک یکنسق و محدود بر منظره عرض ایتمی ، افرادک اخلاقنده اساسلی بر ساده کی و اطراد یار آتمش ، احتیاجلرک محدود اولسی ده عالیجنابلیغی ، اخلاقی صافی استلزام ایلمشدر . معیشت مشکلاتی ایسه جسارت ، چویکلک خیرچینلق و خونریزک کبی سجیه لرک تمیه سینه خادم اولمشدر . چول سکنه سی طبیعتک قیصرانی قارشوسنده تأمین معیشت ایچون بالضروره صحرا نوردلرک ، چاپو لیلغه مجبور قالش ، بو مجبوریتک سور و کله دیکی طرز حیات ایسه افرادده چویکلک ، جرئتکارلق و جسارت کبی سجیه لر ی نالاندیرمشدر .

بدویلرده کوروان مسافره اکرام ، ضعفای حمایه ، وعده وفا ، عهدده ثبات و دخلت ایدنلری - دشمن بیله اولسه - حمایه کبی تمیز و مردانه سجیه لرده ینه چول حیاتی نك ایجاباتندره . یاشامق ایچون چولده دائمی صورتده تبدیل مکان اضطرارنده بولونان بدوی ،

بو حیطک ایجاباتنه الوریشللی برواسطه نقلیه یه محتاجدر . بو واسطه [ده وه] در . ده وه اولمیدی ، بدوی ایچون چولده امکان حیات بولنه مزدی . ده وه ، عربستانک قوملق و قوراق بادیه لرینی قطع ایتمک ایچون اقتضا ایدن بوتون اوصافی حازدر . آرز برغدا ، جزئی بر محسوا یله اکتفا و ایجابنده کونلرجه آجلغه تحمل ایدر قناعتکار بر حیواندر . بومتحمل حیوان ذکر اولونان اوصافیه صحرا نورد بدوینک هم قیمتدار بر معاونی هم ده واسطه معیشق اولوق رولنی ایضا ایتمک صورتیله عربستانده بشری حیاتک ادامه سننده الک مهم بر عامل اولمیشدر .

عربىك منشأى . - اجتماعى حيات اعتباريله خصوصى برانموزج تشكيل ايدن عربلر ، آراميلر و عبرانييلر كهي سامى قوملردندر . تاريخىك نفوذ ايدمه بيلديكي دورلرده بونلردن آراميلر مابين النهرين و عراقله سوريه نك برقسمنده ، عبرانييلر فلسطين قطعه سيله سوريه سواحلنده ، عربلر ايسه ناملرينى و يردكلى شبه جزيره او طور بيورلردى .

ساميلرك ايلك مركز انتشارينك تعييني مسئله سنده مورخلر آره سنده اساسلى اختلافلر واردر : (تورات) ه كوره مهد بشريت مه زو بوتاميا اولديغندن ساميلرده بورادن انتشار ايتمشلردر . ايتاليا مستشرقلردن [اغناز بوجويدى] بو احتمالى قبول ايتكمده در . (ريتز) كهي بر قسم معتمشرقلر ايسه ساميلرك منشأى آفريقا و بالخاصه [حبشستان] اولدينى ادعا سنده بولونمشلردر . بوكا مقابل باشده (شپرنكر) (شرايدر) و (روبرتسن شميت) اولوق اوزره ديكر مستشرقلرده جزيره العربى ساميلرك ايلك بشيكى عد ايتمشلردر .

بوصوك ادعايه كوره عبرانييلر ، آراميلر و حبشيلر عربستان شبه جزيره سندن چيقه رق تاريخاً اشغال ايتدكلى مملكتلره طاغيمشلىر يعنى حبشيلر جنوبى عربستان و باب المندب طريقيله آفريقايه كچمش ، عبرانييلر و آراميلر ايسه شماله دوغرى و هجرتله تاريخاً معلوم اولان اولان بوردلرينه كيتمشلردر .

سامى قوملرك ايلك بشيكى ايستر عراق ، ايستر عربستان ، ايستره حبشستان اولسون ؛ شوراسنى محققدركه برلرلردن آيريدقلى زمان عيى لسانى تكلم ايديبورلردى . بو ايلك لهجه سامى لسانلرك آنا سى ايدى . فقط ، بو قوملر آيرى آيرى محيطلره چككده كدن سوكره آنا لهجه تدريجاً دكشمش ، وحدت اصليله ايزلرينى محافظه ايتكمه برابر آرامى ، سريانى ، كلدانى ، عبرانى ، عربى ، حبشى ، هميرى . . . كهي آيرى آيرى لهجه لر شككنده انكشاف ايتلشدر .

ساميلرك مهم برقسمنى تشكيل ايدن آراميلر بدايتمده عراق و شام باديه لرنده كوچه بر حاده ياشيور ، غزوه و آقنلرله ناهين معيشت ايديبورلردى . عراقك سكنه اصليه سى بو همجرا نورد ساميلره (طاغيلر) معناسه اوله رق [آراميلر] نامى و يردكلى كهي (سومه ر) غرده فرات نهرينك غربنده طولاشدقلى ايجون بونلره غربيلر معناسه اوله رق (عمورو) تسميه ايدرلردى . آراميلر ، بو ساحه دن تدريجاً شرقه ياييلاروق سومه رلره خلف اولمش بو (آقادرل) نامى ايتمشلردر . كلدانييلر ، آثوريلر ، سربانييلرده ينه آراميلردن تشعب ايتمشلردر . سامى قوملردن اك اول تمدن ايدن كلدانييلرله آثوريلردر . ميلاد عيسى دن

اوج بیک سنه اول بابلستانک مرکز مدینت اولدینی تاریخی کشفیاتله تحقیق ایتمشدر [۱]. قبل المیلاد اون اوچونجی عصره دوغرو فلسطین ایله سوریه سواخلنده کوردیکمز عبرانیلر ایسه داها صوکرا تمدن ایتمشلردر. لهجه لر آره سنده کی مقارننه نظراً فنیکه لیلرک عبرانیلردن برفرع اولمری محتملدر.

عربله کلنجه بونلر پک اسکی زمانلردنبری اسمنی ویردکلری شبه جزیره ده طولاشیورلردی. عربله، الجزیره نك غربنه تصادف ایتدکلرندن کندیلرینه اسکی سامی لهجه ده (فهرابی) معناسنی افاده ایدن (عرب) اسمی ویریلشدر. عربلرک طولاشدقلمری ساحه بادیه اولدیغندن عرب لفظی بالا حره سامی لسانلرده (بادیه) معناسنده قولانیلمشدر. عربله بیله (اعرابی) لفظی (بدوی) معناسنی افاده ایتمکده در.

السنه سامیه دن الیوم یالکز عرب وحیش لهجه لری زنده در. دیگر سامیلر تماماً عربلشمش اولدقلمرندن بوکون فلسطین و سوریه ده اولدینی کی عراقده ده عربله فونوشولمقده در. ٹولش عد اولنان سامی لهجه لردن اک زیاده معلوم اولان (عبرانی) و (سریانی) لسانلریدر [۲]. صوک عصرلرده کلدا یجه یازیلش بعضی کتب قدیمه و کتابه لر بولونمش اولدیغندن بو لهجه ده بر درجه یه قدر معلوم اولمشدر. عصر اخیره قدر السنه سامیه دن اک آزیلینن آثوریلرله فنیکه لیلرک لهجه لری ایدی. فقط صوک زمانلرده بویکی لسانه عاننده برچوق آثار عتیقه کشف اولومشدر. بو کشفیات بزه سامی قوملرک یازیلری آره سنده پک صیتی بر قرابت بولوندیغنی اثبات ایتمکده در. هپسندنه حرفلرک حصره سی (ابجد) ترتیبه کوره اولدینی کی اسملری ده بر برلینه مشاهددر. یالکز سریانیجه نایله عربله خطلرنده حرفلر بر برلینه متصل دیگرلرنده ایسه منفصلدر.

[۱] (سومەر) ل، مهزو بوتامیاده تاریخک طانیدینی اک اسکی سکنددر. سومه رلر او زمانلرده ساحه مدینتده خیلی ایله مشلردی. بابلستانک اک اسکی کتابه لری سومه رله عاندر. سومه رلرک لسانی سامی اولدینی کی کندیلری ده سامی دکلمردی. بعض آثاره استناداً بونلرک تورانی اولدینی قوتله ادعا ایدیلکده در. سومه رلرک یازیلی خط میخی دنیلن شکل مخصوصدر. بو خطک جنشأی رسم یازیلیدر. سومه رلرک خط میخیسی، آقادرک، بابلرک، آثورلرک و آزامیلرک یازیلرینه اساس اولشدر.

[۲] سریانی و عبرانی لسانلرله یازیلش برچوق آثار و کتابه موجوددر. سریانیجه، امویله و عباسیلر زماننده سوریه و عراق خرسنیانلرینک علمی و ادینی لسانلری ایدی. دور اسلامی ده یونان قدیم فیلسوفلرینک علمی، فلسفی، طبی اثرلری عربله بترجه اولونمازدن اول سریانیجه بترجه ایدیلشدردی. عبرانی و سریانی لسانلرینک لغات و قواعدینک تماماً محفوظ قالماسی بوسایه ده ممکن اولمشدر.

عرب بائمه — عرب باقیم . — تاریخ ، سامی قوملرک اهمیت بر شعبه سی تشکیل ایدن عربلری ، ناملری و یردکاری شبه جزیره نك سکنه اصلیه سی اوله رق طایفه دره . تاریخی آبدلرک زهرلی ایله اعماق اعصاره نفوذ ایدیلدیکی زمان ده بونلرک جزیره عرب ایله شمالنده کی بادیه ده کوچه بر حاله یاشادقلری آ کلاشیلیمقدمه در . تاریخ بومنطقه سکنه سی تدقیق ایدرکن عربلری بری (عرب بائمه) و دیگرکی (عرب باقیه) اولق اوزره ایکی طبقه یه آیرمقدمه در . عرب بائمه اعصار اولیه ده یاشایان و صوکره منقرض اولان عربلردر . عرب باقیه ایسه ظهور اسلامه قدر موجودیتلری محافظه ایدن عربلردر . مورخ ابن خلدون خالص عرب عدایتدیکی عرب بائمه یه بومعنازه اولق اوزره (عرب عاربه) و یا (عرب ماجده) نامی و یرمکده در .

ابن خلدون اسلامک ظهوری هنکامنده موجود اولان عرب باقیه یی ده (عرب مستعربه) و یا (عرب تابعه) اسمیله آیرمقدمه در . اسلامک ظهوردن صوکره مختلف مملکتلری استیلا ایدن عرب اوردولرینک بومملکتلر سکنه اصلیه لریله اتصاللرندن وجوده کان عربلرده (عرب مستعجمه) اسمی و یرمکده در . ابن خلدونک بوقسیمنه کورم اسلامی نشر ایدن عربستان سکنه اصلیه سی (عرب مستعربه) ، اسلامک انتشارندن صوکره کی مصر ، بربرستان ، سوریه و عراق سکنه سی ده (عرب مستعجمه) در . ابن خلدون (عرب عرباء) دیدیکی منقرض عربلری توراتی غننه یه توفیقاً (سام بن نوح) ک (لاوز) و (ارم) اسمنده کی اوغرلرندن اورتمکده ، حکومتلری (بنی یعرب بن قحطان) ک غایه سنه قدر دوام ایتدیرمکده در . اسلامک ظهورندن اول منقرض اولان عرب بائمه (عمالقه) ، (عاد) ، (ثمود) ، (طسم) ، (جدیس) و (جرهم) اسمنده کی عربلردر .

عمالقه . — اسکی عرب مورخلرینه کوره عمالقه دینان عربلر ، حجاز ، نجد قطعه لریله عراق — سوریه بادیه لرنده او طور و یورلردی [۱] . (ابن خلدون) و (ابن اسحق) عمالقه نك

[۱] عمالقه اسمنک منشأی قناعتبخش صورتده معلوم دکدر . عهد عتیق ایله خط میخی کتابه لرنده عربلردن (Amelek) اسمیله بحث ایدیلش اولدیغی معلومدر . بعض مورخار (عمالقه) اسمنی قدیم بابلیره حاند کتابه لرده (عقبه) حوالیسندده ساکن اولدقاری خبر و یریان (مالیق) نامنده کی عرب قبیله سنک اسمیله مناسبتدار عد وشو یولده تأویل ایتشلردر : عبرانیلر (مالیق) اسمنی شمالی حجازک بالجه سکنه سنه تشمیل ایچون اولنه (قوم) و یا (شعب) مناسنی افاده ایدن (عم) لفظنی علاوه ایدرک (عم مالیق) شکلنه قویمش ، بالاخره عربلرده بوشکلر کندی لهجه لرینه کوره (عمالقی) (و عمالقه) طرزنده تلفظ ایتشلردر ،

متعدد قبیلهلردن مرکب اولدقلرینی و بولردن (بنی مطر) و (بنی ازرق) ك حجازده ، (بنی طقار) ، (بنی بدیل) ، (بنی راحل) ك نجدده ، (بنی لف) ، (بنی سعد) ك یثربده ، (بنی ارقم) كده تیماء حوالیسنده طولاشدقلرینی قید ایتشلردر .

اسکی مورخلر عمالقینی عربستان شبه جزیره سینه حصر ایتدکاری حالده یکی عرب مورخلری بوساحهینی پک زیاده کنیشه تهرك بولرك قبل الملاد یکریمی عصر اولندنبری مه زوپوتامیاده و دیگرکی مصرده اولق اوزره ایکی بویوک دولت تشکیل ایلدکارینی ادعا ایتدکه لردر : عربچی مورخلرك اداسنه نظراً مه زوپوتامیاده (حورابی دولتی) دینیان حکومتی قورانلره مصری استیلا واوراده (شاسو) لر ویا (هیکسوس) دولتی دینیان حکومتی تاسیس ایدنلر عمالقهدر [۱] .

عاد قومی — اسمی اطرافنده زنگین بر سلسله مناقب طولانان عاد قومی ، عمالقه بقایاستدن ویا آرامی بدویلردن بر قسمدر . قرآنده بوقومدن (عادرم) اسمیله بحث ایدیلشدر [۲] . عرب مورخلرینه کوره عاد قومی (بنی) ایله (عمان) آره سنده (احقاف) ، (حضر فوت) و (شحر) حوالیسنده یاشامشلردر . یونان قدیم مؤلفلرینک جنوبی عربستان ساکنه سی آره سنده ذکر ایتدکاری (آدرامیته Adramitai) قومنک (عادرم) اولسی محتملدر .

عاد قومنک اسملری عننه ایله تاریخه انتقال ایدن اک بویوک حکمدارلری (عاد) ، (شداد) و (شدید) در . احقافده سلطنت سورن بو حکمدارلر دوری عرب تاریخلرندمه (عاد اولی) اسمیله آیرلشدر . (ابن خلدون) ه کوره عاد قومی بالآخره ایکی یه آیرلهرق رئیسلینه نسبتله (خلجانلی) و (لقمانی) ناملرینی آلمشلردر . بولری ارشاده مأمور ایدیلن پیغمبر (هود) ه یالکنز لقمانیلر قیادا ایتشلردر . (سوره اعراف) ده خبر ویریلدیکی اوزره عاصی خلجانیلر (ریج صرصر) ایله هلاک اولشلردر . (عرب ثانیه) دینیان لقمانیلر ایسه قحطانیلرک ظهورینه قدر دوام ایتش ، احقاف حوالیسی (یعرب بن قحطان) طرفندن استیلا [۱] بو خصوصده فضلہ تفصیلات آلتق و دیگر مورخلرك استناد ایتدکاری دلیلری کورمک ایچون [اسلام تاریخی] عنوانلی اثرمک برنجی جلدینه مراجعت .

[۲] ارم قبیله اسمیدر . عربلر قوم هودی عاد ارم اسمیله یاد ایدیورلردی : فقط بعض مفسرلر (ارم) ی (عاد) قومی طرفندن انشا ایدیلش معظم بر شهراسمی ظن ایتدکلرندن قرآنده کی (عاد ارم ذات العمد) ی ایضاح ایدرکن (ذات العمد) تمیزینی (ارم) ك صفتی عد ایتشلردر . ابن خلدون بوظنک خطا اولدیغه اشارت ایتدکه در .

ايديلديكي زمان (حضرموت) حواليسنه چكيلهرك اورالرده كي قيله لره قاريشمش، بوضورتله حجة ناريخندن چكلمشلردر .

ثمود قومي . — عمالقه بقاسندن اولدقلىرى ظن ايديلان ثمود قومي، مدينه ايله شام آره سنده كي (وادي القري) و (حجر) حواليسنده اقامت ايديبورلردى . آثوريلره عائد بركتابده آثوريه حكمدارلرندن (صارغون) ك قبل الميلااد [۷۱۵] تاريخنده ثمود قومي بوحوالى ده بولدينى تصریح ايديلكده در . يونان مورخلى ده ميلاد عيسى سنه لرنده (ثمودنى Thamudeni) ديدكارى ثمود قومك حجر حواليسنده اوپورددقلىرى قيد ايلشلردر .

قرآن كرم دهده قوم ثمود (اصحاب حجر) ناسيله ياد ايديلش و پيغمبر (صالح) ك يونلرى ارشاده مأمور اولدينى خبر و يريلشدر . فقط بو پيغمبرك يكرمى سنه دوام ايدن ارشاداته رغماً اصحاب حجر دوشدكارى ضلالت بولندن آيريلدقلىرى نهايت برآفت سماويه ايله هلاك اولمشلردر . ثموديلر، حجر حواليسنده وبالخاصه مدائن صالح ده قبالايخنده اوپولش برچوق مسكن براقشلردر . بونلك اك مهيمى (قصر البنت) دينيان اوپولش بر قيادر . ثمود قومك يوردي اولان حجر حواليسى ميلاد عيسى دن بك آز زمان اول (بتر) ده ساكن اولان انباطيلرك اداره سنه كچمشدر . مدائن صالح ده كي اطلال اوزرنده متقوش كتابلر بونى مؤيددر .

طسم و همبسى قوملرى . — عرب تاريخلرنده اسملرى دائماً برابر ذكر ايديلان طسم و جديسلر مبدأى تعين ايديله مين زمانلرده نجدك شرقنده (يمامه) حواليسنده اوپوريبورلردى . بدايته هكهمونىالق طسملرده بولونبوردي . فقط طسم رؤساسندن (عمليق) زمانده جديسلر حقنده بك آغير و حقارتكارانه مظالم روا كورولديكندن ايكي قوم آره سنده كي مناسبت بوزولشدر . عرب مورخلرينك افاده سنه نظراً (عمليق)، جديسلرك تاهل ايدجك قيزلريه زوجلرندن اول همبزم وصال اولق هوسانته طوتولش، يونلردن (اسود) نامنده برينك (غفيره) اسمنده كي همشيره سنى ده عيني فضاخته قربان ايلشدر . اسود، همشيره سنك ناموس بكارتنه وقوعبولان بو تجاوزه تحمل ايدمه رك (باناموس) يا اولوم ...) و اوبلاسيله جديسلرى انتقام آلمغه سوق ايلشدر . اسودك تربتييله طسملر برضافته دعوت ايديلش، بيك انسانده بر ذره اوزرلرينه هجوم ايديله رك (عمليق) ده داخل اولق همبسى قيليچدن كچيريلشدر . فقط، ين حكمدارى (حسان) ويا بدرى بواختلالى خوش

کورم دیکندن جدیدلر اوزرینه یوروپه رک اوده بونلری قیلیجدن کچر مشدر . بوضورتله کرک طسم و کرک جدیدلر عربلری تاریخه قاریشمشلردر .

عرب قحطانیه - عرب عدنانیه

اسلامک ظهوری تاریخلرینه قدر موجودیتلرینی محافظه ایدن (عرب باقیه)، محیط ارضی و اقلیم ایجابی اوله رق باشلیجه ایکی انموذج عرض ایدرلر . بونلردن بری حجاز، نجد، تهامه و بادیهده طولاشان قبیلهلر، دیکریده یمن و حضرت موت طرفلرنده یاشایان عربلردر. لسان و هرق اعتباریه تک برملته منسوب اولان بوایکی انموذج برچوق خصوصده بربرلردن تمایز ایدرلر : قابل زراعت اولان یمن و حضرت موت سککنسی تاریخک نفوذ ایده بیلدیکی دورلدنبری حضری برحیات یاشامشلردر. شبه جزیره نک دیکر منطقه لرنده کی خاق ایسه حیات بداوته محکوم قالمشلردر. شمال و جنوب سککنسی آره سنده کی بارز فرقلردن ناشی بونلر (عرب قحطانیه) و (عرب عدنانیه) ناملریله بربرلردن تفریق ایدیلشلردر. عربستان شبه جزیره سی سککنسی قحطانی و عدنانی دیه ایکی به ایران فرقلرک اک مهملری شونلردر :

۱ - اجتماعی حیات .

قبائل شمالیه نک اکثریسی اونه دنبری خیمه نشین اولدقلرندن کوچبه برحیات کچیر پیوره غزوه لرله اوغراشیورلردی. یمن و حضرت موت حوالیسندمه ساکن اولان جنوب عربلری ایسه بالعکس شهرلرده اقامتله قصرلر و محفلر انشا ایدیور، زراعت و تجارتله مشغول اولورلردی .

۲ . - لهجه فرقی : دیکر عربلردن حمیری نسبتیله آریلان جنوبی عربستان سککنسی لهجه سیله شمال و حجاز لهجه سی آره سنده؛ عین اصلدن اولملرینه رعمما؟ مهم فرقلر واردی. بوفرقت، اعرابلرده، ضمیرلرده، اشتقاقده و تصریفده موجود ایدی .

۳ . - دین فرقی : جنوب و شمال عربلرینک دینلریده بربرلردن فرقلی ایدی . کرچه هر ایکی قسمده کی عربلر اشکال عبادتدن بر چوغنده و بعض صنملره طابینمده متحد بولونیورلردی. فقط اساس اعتباریه معبودلری آری آری ایدی . یمن معبودلری (عشتار)، (ایل) و (بعل) اسملرنده ایدی. بومعبودلرایسه قدیم مه زوبوتامیاسکنه سنک معبودلریدر . شمال قبیله یینک معبودلریده (لات)، (عزی)، (منات) و (هبل)

اسملىرنده در. شمال و جنوب عربلرينك معبودلری آری اولدينى كې عبادتلىرىنىك اشكالى ده برلرندن فرقلی آیدی .

۴ . — اسماء اعلام فرقى : شمال و جنوب عربلرينك تاريخاً مضبوط اولان اسملىرى آره سنده اشتراك يوقدر. ينده كشف ايدىلن كىتابلرده (معين) و (سبأ) رؤسائىك (ابيدع)، (اليفع)، (شع ايل)، (معدى كرب)، (ابوكرب)، (علمهان)، (الديسرح)، (ذمرعلى)، (وهپ ايل)، (ياسرائم) و (شمريرعش)... اسملىرنده اولدقلى كورولمكده در. بواسملىر قديم مهزوپوتاميا ليارك اسملىرىنه مشاهيدلر. شمال عربلرنده ايسه بونلره بكتزر اسماء اعلام كوروله من. بونلرده اسم علملر. بداوت حيانيله مناسبتدار و اكثريسى (اسد)، (نمر)، (ثعلبه)، (كالب)، (بكر) و (ثعبان) كې حيوان اسملىرىدر. بعضلىرى ده (عبداللات)، (عبدالغزى)، (عبدمناة) كې مركب اسملىرىدر. بونلردن اولكيلرده توتهميزم ايزى سچلمكده ايكنه چيلرده ايسه معبودلره نسبت كورولمكده در. شمال قبيله لرنده برده (عامر)، (حسان)، (سعید)، (على)... كې اوصاف و مناقبدن آلمش اسملىر واردلر.

۵ . — اخلاق و عادات فرقى : شمال سسكنه سى اخلاق و عادات اعتباريله تصوير ايتديكمز چول انموذجك حقيقى برتمالى آیدی. حالبركه جنوب عربلىرى طوراغه مربوط و زراعت و حرانته مألوف اولمق اعتباريله برچوق خصوصلرده شمال سسكنه سندن آيريلدورلردى. قحطانيلر — اسكى عرب مورخلىرى ، قحطانيلر ناميله آيردقلىرى جنوب عربلىرى (يعرب بن قحطان) دن اورده ممشلردلر : كويا سربانى لهجه سيله قونوشان (قحطان) كندى قبيله لريله جنوبى عربستانه ايمش، عاد قومنه غلبه ايدرك يمن و حضر موت حواليسنى ضبط ايلدشلردلر. بونلر مرور زمانله يرليرك اساسنى آلمش اولدقلىرى كنديلرينه (عرب مستعربه) دينلدشدر .

يمن و حواليسنده تاريخاً معلوم اولان الكاسكى حكومت ، معينه دوليدلر. (صنعا) نك شرقنده (جوف جنوبى) ديزلن منطقه ده خرابه سى اخيراً كشف ايديلن (معين) شهرنى مركز آتخاد ايدن معينلرك اصلاً عراق عمالقه سندن يعنى بدوى آراميلردن اولدقلىرى ظن ايديلمكده در. بونلرك دينى ، سياسى و اجتماعى حياتلريله حكمدار و معبودلرينك اسملىرىنه دائر كشف اولونان كىتابلردن آلمان معلومات بونظنى تايبيد اتمكده در .

معينه دولتى ، تجارى برحكومت ايدى . موفقيت و سلطه سى عسكرى فتوحاته دكل تجارى استيلايه استناد ايدىوردى . نفوذى بمرسقيده ، بحر احمر و بصره كورفرى قبيلىرينه

قدر شاملدی . بونلر عراقدن یمنه کلدکن صوکره بورلرده عراقده اولدینی کبی
 قصرلر ، محفلر تشکیل ایتشلردی . هر محفده بر ویا متعدد قصرلری احتوا ایدیلوردی .
 قصرلر ، اطراف سور ایله محاط بر قلعه ایدی . هر محفده ویا قصر صاحبی او محفده ویا
 قصر اسمنه نسبتله یاد اولنوردی . منلا (معین) قصرینک صاحبی (ذومعین) اسمیه
 آیدیلردی . معینلر بدایتده کوچوک کوچوک محفلر تشکیل ایتشلردی . فقط بالاخره
 (معین) محفلینک صاحبی مجاور محفلریده تحت اتقادینه آلهرق (قیل) عنوانی آلمش
 و بر (مخلاف) تشکیل ایلشدر [۱] .

معینلر ، یمنده بیرلشدکن صوکره لسانلری قانون تکامله کوره توسع وانکشاف
 ایتش ، فقط بابل لهجه سیله اولان مناباتی کلیاً زائل اولمامشدر . بابللرده اولدینی
 کبی معینلرده غائب ضمیری اولهرق (س) حرفی محافظه ایتشلردر . عربجهده اونک
 اوی معنسانده (ینه) دینلدیکی حالده معین لهجه سنده بومعناده (یتس) دینیلوردی .
 اون سکزنجی عصر دنبری جنوبی عربستانده وقوع بولان کشفیاله اله ایدیلان
 کتابلردن معینه حکمدارلردن یکریمی آلتی سنک اسمی معلوم اولمشدر . فقط کتابلرده ؛
 مع التأسف ؛ بودولنک حیات تاریخیه سفی تنور ایده جک تفصیلات بولونمدیغندن نه زمان
 شکل ایتش ونه قدر مدت یاشامش اولدینی صورت تطعیده تعیین ممکن اولامامقدهدر .
 بودولنک سیایلر طرفدن یقیلمش اولدینی ظن ایدیلدیکندهدر .

سبایلر — عرب مورخلرینه کوره عرب باقیه دن یمنده ایلك دولت تشکیل ایدن
 سبایلردر . بونلر ؛ سبایلرک (قحطان بن یعرب) دن ایندکلینی ادعا ایدرلر . فقط ،
 صوکره کشفیات یمنده سبایلردن اول معینلرک بر حکومت تشکیل ایتش اولدقلینی اثبات ایلشدر .
 کشف اولونان کتابلردن سبایلرک قبل المیلاد سکزنجی عصرده بر دولت حالنده
 یاشادقلی آ کلاش . ایلدیدهدر . آتوری حکمدارلردن ایکنجی (صارغون . ق . م
 ۷۲۶ - ق . م ۷۰۵) ه عاند بر کتابهده کندیسنه ویرکی ویرن اقوام و حکمدارلردن بحث
 ایدیلرکن برده سبأ حکمداری (یشعر Itamara) اسمی ذکر ایدیلشدر . کتابه نک
 سیاق و سباقی بحث ایدیلن (یشعر) ک یمنده کی سبأ حکمداری اولدیغنه دلالت ایتدیکندهدر .
 اساساً (مأرب) ده کشف ایدیلن بر کتابهدهده سبأ حکمدارلری آره سنده (یشعر)
 اسمی کورولدیکندهدر .

[۱] مخلاف ، بر (قیل) ک یعنی امیرک اداره سنده کی محفلرله اونزه مربوط قرا و مزروعلرک

حیثت مجموعهی یعنی قیلک قلمرو حکومتی دیمکدی .

سبأیلرک مرکز حکومتی خرابه سی یمن ده حالا موجود اولان (مأرب) بلده سی ایدی . اعصار اخیرده کرک (مأرب) ده و کرک ینه سبأیلره غاند بربلده خرابه سی اولان (صرواح) ده کشف ایدیان آئاردن سبأ حکمدارلرندن برچوغنک اسملری اوکره نیله بیامشدر . آکلایشیلدیغنه کوره سبأیلرده بدایتده معینلر کی (اذواء) یعنی (اصحاب محمد) حالده پاشامشیلردر . بالا آخره (سبأ) امیری (صنعا) نک شرقنده کی (صرواح) محفدینی آلمشدر . بو صورتله اکتساب قوت و سطوت ایتدیکنندن دیگر محفدرده کندیسنه التحاق ایلشدر . سبأ دولتنک توسمی ده معینلر کی تجاری استیلا صورتنده اولشدر .

اخیراً کشف ایدیلن کتابه لردن سبأیلرک باشلیجه دورت دور کچیرمش اولدقلری آکلایشیلور . برنجی دورده حکمدارلرده (سبأمکرپ) ی دینلن امیرلر بولونمش ، ایکنجی دورده بو عنوان (سبأ ملکی) شکلی آلمشدر . اوچونجی دورده بو عنوانه (ریدان) اسمی ده علاوه ایدیلرک (سبأ و ریدان ملکی) شکلنه قونولمشدر [۱] . دردنجی دورده ایسه حکمدارلره (سبأ ، ریدان ، حضرموت ... ملکی) عنوانی ویریلشدر .

بو دورت دوردن ایکی اولکیسی عرب مورخلرک (سبأ) دیدکلری دولته ، صوک ایکی دور ایسه عربلرک (حمیریه) نامیله آیردقلری حکومته عانددر . شمدییه قدر کشف ایدیلن کتابه لردن سبأ دولتنک یکریمی یدی حکمدارینک اسمی معلوم اولایلیمشدر . بو دولتنک قبل المیلاد (۱۱۵) تاریخنه قدر یعنی یدی عصردن زیاده دوام ایش اولدیغی تخمین ایدلمکده در . عربلر آره سنده منتشر اولان بره منقبیه کوره سبأ دولتی (سبیل العرم) دینلن مدهش برسیلابه نک (مأرب) سدینی بیقمه سی اوزرینه منقرض اولمش وقیلهلر عربستانک حوالی مختلفه سنه طاغیلمشلردر [۲] .

حمیریه -- عرب مورخلرینک (حمیریه) و (تبابعه) دیدکلری بو دولت شمدیکی ظفار حوالیسند (ریدان) محفدنده شکل ایشدر . بو دولت قبل المیلاد (۱۱۵) تاریخندن بعد المیلاد (۵۲۵) تاریخنه قدر یعنی (۶۴۰) سنه دوام ایلشدر .

حمیریلر ، سبأیلره نسبتله دول فاتحه دن عد اولونه بیلیلر . حمیر حکمدارلری آره سنده

[۱] (ریدان) او وقتلرده ینک اک بویوک محفدرلندن برینک اسمیدر . بو محفد ، ایوم (ظفار) دینلن منطقی تشکیل ایدیوردی .

[۲] بو منقبیه کوره سبیل العرم حادثه سی اوزرینه قحطانلردن (بنی ضحان) سوریه یه ، (بنی لخم) عراقه ، (بنی اوس) ایله (بنی خزرج) یثربه ، (بنی ازد) منایه ، (بنی خزاعه) ده مکه یه کیشمش ، بورالرده بیرلشمشدر .

عربستانده برچوق مواقع فتح ایدن ، ایرانیلر و حبشیلرله محاربه لرده بولونان حکمدارلر واردر . حمیره دولتی ، بربرینه مساوی ایکی دور کچیرمشدر . برنجی دورده حکمدارلر (سبأ و ریدان) ملوکی ، ایکنجی دورده ایسه (سبأ ، ریدان و حضر موت) ملوکی القابله یاد ایدیلشلردر . برنجی دورک ایلك حکمداری کیم اولدینی صورت قطعیه ده معلوم دکلدره . فقط ایکنجی دورک (شمر یرعش . م ۲۷۴ - م ۲۸۲) ایله باشلا دیغنی بیابورزه (شمر یرعش) برنجی طبقه نك صوك و ایکنجی طبقه نك ایلك حکمداریدر . حمیره دواتی ، یونانیلرک (دامیانوس) دیدکلری (ذونواس . م ۵۱۵ - ۵۲۵) دورنده حبشیلرک استیلاسنه معروض قالمش و بودولت متقرض اولمشدر .

جنوبی عربستان خارجنده قحطانیلر

عرب منبعلرینه کوره (سد مأرب) ک انهدامنی متعاقب قحطانیلر آلتی قوله آیره لر . شمال مناطقه چکلمشلردر . بونلردن (عمران بن عامر) قولی (عمان) حوالیسنه کیده رک (عمان ازد) لرینی تشکیل ایلشلردر (اوس) و (خزرج) قبیله لرندن متشکل اولان (ثعلبه العنقبن عامر) قولی (یثرب) چکلمشلردر . (خزاعه) لری احتوا ایدن (حارثه بن عمرو بن عامر) قولی (مکه) به ، (ازدشنوة) قولی تهامه یه کیتمشلردر . (جفنه بن عمرو بن عامر) قولی سوریه یه چکلمش ، اوراده تاریخاً بویوک بر شهرت آلان غسانیلری تشکیل ایلشلردر . (بنی لحم) قولی ده عراقه چکیله رک (منذره) و یا (آل نصر) دینیلن حکموتی قورمشلردر .

فقط عرب عنعنه سنک شو روایتی تاریخی انتقاده او قدر متحمل کورونه مه مکده دره . چونکه قحطانیلردن صاییلان (بنی غسان) و (بنی لحم) دولتری حقنده ویریلن معلومات ، لهجه ، حیات اجتماعی ، عادات دینه و اسماء اعلام اعتباریه قحطانیلردن زیاده عدنانیلره نوافق ایتمکده در . بنی لحم و بنی غسانه عائد کشف اولونان کتابه لرده کی لهجه بونلرک لغت حمیره ایله دکل لغت عدنانیه ایله تکلم ایتدکلرینی کوسترمکده در . بوندن باشقه یمن قحطانیلرینک کندیلرینه مخصوص (خط مسند) دینیلن بریازیلری واردر . حالبوکه نه غسانیلره نه ده منذره یه عائد کتابه لرده بویازی کوروله مه مشدر . بالعکس شمالده کی دیگر عربلر کی بونلرده کتابه لرینی آرامی خطیله یازمشلردر .

غسانیلر . — اسکی عرب منابعده آل جفنه نامنی طاشیان غسانیلر اولجه تهامه ده

حجاز حدودی اوزرنده واقع (غسان صوبی) کنارنده اقامت ایتدکری زمان بونامی
 آلمش، بالآخره یعنی بشنچی عصر میلادی ده سوریه به کیره رک (حوران) و (بلقاء)
 حوالیسنده بونام آلتنده بر حکومت قورمشلردر. مرکز حکومتلری (حوران) ده
 الیوم خرابه سی (اسکی شام) اسمیله یاد اولونان (بصری) شهری ایدی. حیات محمدی به
 حاند وقوعات آره سنده اسمی یکن راهب (بحیرا) نک صومعه سی ده (بصری) ده ایدی.
 غسانیلر میلادی آلتنچی عصرده بویوک بر نفوذ قازانمش و دورت عصر قدر دوام
 ایلشلردر. ایرانله شرقی روما ایمپراطورلنی آراسنده باشلایان رقابت و مجادله غسانیلره
 بویوک بر موقع ویرمش، عراقده کی (بنی لحم) عربلرینی کندی لهلرینه استخدام ایدن
 ایرانیلره قارشى بیزانس ایمپراطورلری ده غسانیلردن استفاده ایلشلردر. غسانیه دولتنک
 اک مشهور حکمداری (حارث بن جبله) در. شرقی روما ایمپراطورلردن (فیلارک)
 یعنی امیر عنوانی آلان حارث، میلادی بش یوز تاریخنه دوغرو فلسطین اوزرینه بر
 سفر اجرا ایتدیکی کبی (حیره) حکمداری (المنذر بن ماء السماء) ی ده ۵۲۸ تاریخنده
 مغلوب ایلشدر. میلادی ۵۲۹ تاریخنده فلسطین ده (ساماریتهن) لرك اختلالنی باصدیرمش
 بوخدمته مکافاناً استانبول ایمپراطوری طرفدن کندینه (باسیلیوس) یعنی (ملک) عنوانی
 توجیه اولونمشدر. میلادی ۵۳۱ تاریخنده ایرانیلره قارشى یوروین شرقی روما قوماندانی
 مشهور (بهلیزر) ک اک قوتلی مظاهری حارث اولمشدی. جاهلیه دوری شاعرلرینک باشنده
 بولونان (امری القیس) ک استمداد ایچون استانبول ایمپراطوری نزدینه کتیمه سنه
 وساطت ایتک صورتیله عرب تاریخ ادبیاتنه ده کیرن حارث میلادی ۵۶۹ تاریخنده
 وفات ایلشدر.

فقط، اناطولی قوتی (موریس) طرفدن میلادی ۵۸۰ تاریخنده غسانی امیری
 (مندرک) ک توقیف وسیجلیایه نفیندن سوکره چول بدویلرینک او قدر مشکلاتله تحقق
 ایتمش اولان اتحادلری جو زولمش و غسانیلرک سطوتی قیریلشدر. بونلر، سوریه ده
 بیرلشدکن سوکره خرستیانلنی قبول ایده رک (دیرالکھف)، (دیرهناد) (دیرحالی)
 و (دیرالنبوه) ناملرنده برچوق کلیسالر انشا ایتمش اولدقلری کبی (قصر الابيض)،
 (قصر الماشی)، (قصر النماره)، (قصر الصفا)، (قلعة الزرقاء) کبی برچوق ده آثار مدنییه
 وجوده کتیرمشلردر.

ایران کسرانی (خسرو پرویز) میلادی ۶۱۳ - ۶۱۴ تاریخنده شرقی روما ایمپرا-

طور لفظی مغلوب و سوری بی‌استیلا ایتدیکی زمان ، استانبول حکومتک واسسالی موقعنده بولونان غسانیه دولته نهایت ویرمشدر . فتوحات اسلامیه ائسانده بولردن (جبهه بن ایهیم) اسمنده بری ، بر قاج قبیله‌نی تحت ریاسته آل‌هرق غسان امیری عنوانی طاشیمقده ایدی . سردار اسلام (خالد بن ولید) ک قطعی ضربه‌سی قارشوسنده اهتدا ایدن (جبهه) بالآخره بر حادته اوزرینه ارتداد ایده‌رک مدینه‌دن استانبوله قاجش و بوراده تولمشدر .

بنی ظم عرب‌ها . — آل تنوخ نامی آئنده عراقه کیده‌رک فرات کنسارنده کی تاریخی (انبار) شهرنی مرکز اتخاذا ایدن بنی ظم عرب‌ها ، بالآخره فراتک صاع ساحلنده هندیه قولنک صولنده الیوم (نجف) نامی طاشیان قدیم (حیره) یه چکلمش و بر حکومت قورمشلردر . بو حکومت عرب تاریخلرنده (آل نصر) ، (آل ظم) و (منازره) ناملریله یاد ایدیلکده در .

میلادی اوچونجی عصر نصف اخیرنده تشکیلی ایتدیکی تحمین ایدیان بنی ظم حکومتی ۳۶۳ سنه قدر یاشامش و بولردن یکر می‌ایکی قدر حکمدار کلشدر . آل لخمک الک مشهور حکمداری میلادی ۲۸۸ تاریخنده موقع اقتداره کچن (امری القیس بن عمرو بن عدی) در . فرانسز مستشرق قلردن (روسو) طرفدن (حوران) ده (نماره) خرابه‌سنده بو پرسنه حاند بر کتابه بولونمشدر . بنی ظم دن [نعمان الاعور . م ۴۰۳ - ۴۳۱] ده تاریخده قهر و شدتک تمثالی اوله‌رق نام براقشدر . عرب ادبیاتنده مشهور اولان (خورنق) قصرنی انشا ایدن (سنمار) اسمنده کی رومالی معماری باشقه‌لرینه بویله بر بنا یا پاماق ایچون خورنقک سققدن آشاغی آتدیره‌رق اتلاف ایدن (نعمان الاعور) در .

بنی ظم دیگر شمال عرب‌ها کی یت پرست ایدیلر ایدیلر . بو خاندان حکمدارلردن (منذر بن امری القیس) ک اسیرلری معبود (عزی) نامنه قربان ایتدیکی مشهور در . فقط جاهلیه شعراسندن (عدی بن زید) ک تشویق و (جاثلیق صبریشوع) ک غیرتیه بنی ظم حکمدارلردن (نعمان بن منذر) خرسیتیاننی قبول ایتمش و تبعه‌سنی ده بودنی قبول ایتدیرمهک چالیشمشدر . فقط ایران حکمداری (خسرو پرویز) ک امریله نعمان میلادی ۶۱۳ تاریخنده قیلرک آیاقلری آلتنه آتیه‌رق اتلاف ایدیلدکن صوکره خرسیتیانلق حرکتیه طبعیهله طورمشدر .

بنی ظم دولتی ، بدایت تشکیکندن بری ایران کسرالرینک نفوذی آئنده بولونیوردی . ایران شاهلری بولری بیزانس امپراطورلغنه فارشی آقینجی اوله‌رق استخدام ایدیور ،

سوریه و حوالیسنی یغما ایتدیر بیوردی . نعبانک و فاندق صوکره (حیره) بوتون بوتون ایرانک تحت نفوذینه دوشمش ، آل لخم تختندن اوزا قلاش دیر یله رق حکومتک باشنه (ایاس بن قبیصه) نامنده بریابانجی کتیر یلشدر . فقط آل نصره مربوط اولان عربلر بو وضعیتیه تحمل ایده مدکلرندن عصیان چیقاره رق (ذی قار) نام محله (ایاس بن قبیصه) ایله حامیسی اولان ایران اردوسی تارومار ایلدیلر . هجرت نبویه نك اوچونجی سنه سنده وقوعبولان (ذی قار) ظفری اوزمان بوتون عربستانده تجیل ایدیلشدی .

اسلام اردولری شرقه دوغرو فتوحانه باشلاقلری انشاده (حیره) ده کسرالره تابع اوله رق نبی لخم دن (المنذر المغرور) بولونیوردی . حیره حکمدار لرینک صوکنجیسی اولان (منذر) ، میلادی ۶۳۲ - ۶۳۳ ده (جوانا) ده وقوعبولان محاربه ده مقتول دوشمش و (حیره) اسلام اداره سنه کچمشدر .

عدنانیلر . - اسلام تاریخنده اک زیاده حائز اهمیت اولان عربلر عدنانیلردر . عدنانیلر حقیقده کی اک اسکی معلوماتی (تورات) ، مدیونز ، تورات ده بونلردن بعضاً اسماعیلر ، بعضاً قیداریلر ، بعضاً عدنانیلر اسملریله بحث ایدیلشدر . اسماعیلر اسمی عربلر آراسنده اوتهدن بری شایع اولان بر منقبه ایله مناسبتداردر . بومنقبه یه کوره کلدانیهدن فلسیطنه هجرت ایدن حصرت (ابراهیم) ، زوجسی (ساره) نك قیصقانجانی یوزندن مصرلی بر جاریه اولان مستقر شهسی (هاجر) له بوندن تولد ایدن اوغلی (اسماعیل) ی فلسطیندن اوزا قلاش دیر مق مجبوریتده قالمش و بونلری حجازه کوتوره نك (مکه) موقعنده اسکان ایلشدر . بو انشاده مکه حوالیسی عرب باندده دن (جرهم) قبیله سنک ساحه جولانی اولدیغندن (اسماعیل) بو یودکدن صوکره بونلره قاریشمش ، رئیس لری (مضاض بن بشیر) ک کریمه سی (سیده) ایله صوکره ده (علیه بنت عمرو) ایله ازدواج ایتمش ، بونلردن اون ایکی اولادی دنیا یه کچمشدر . (بئرزمنم) حولته یرلشن اولاد اسماعیل مرور زمانه چوغاله رق هر برندن بر بطن اوره مشدر .

منشأی (تورات) ه طایانان بومنقبه عربستان تاریخی حقیقده کی معلومات ایله قابل توفیقدر . فی الحقیقه ازمنه اولیه ده شمالی عربستانده طولاشان (عمالقه) متحده سی طاغیلد قدن صوکره بونلردن بعضی قبیله لرك - که جرهمیلر اولق ایجاب ایدیور - حجاز خطه سنده بیرلشمش اوانالری ممکندر . شوخالده حضرت اسماعیل حجازه کلدیکی زمان بو قبیله لری مکه حولنده بولمش ، اولنره قاریشمش دیمکدر . سامی قوملر آراسنده بویوک بر نفوذ و شهرتی حائز اولان

بیغمبر (ابراهیم) ک اوغلی اولمق اعتباریه مکحولنده کی قبیله لک سیادتنی آلمش ، اولاد واحفادینک تشکیل ایلدکلری بطنلره اسماعیلیر نامی ویریلشدر .

اسکی عرب مورخلری اسماعیلک عربجه بی جرهمیلردن اوکرشمش اولدینی قناعتنده بولوندقلردن اسماعیلیر یعی عدنانیلری عرب مستعربه دن عد ایلشدر . تاریخ ، اسماعیلیرک قبل المیلاد اون دو قوزنجی عصر دنبری شمالی عربستانده طولاشدقلرینه واقفدر . (سفر التکوین) ک اوتوزیدنچی بابنده حضرت (یوسف) ک قارداشلری طرفندن قویویه آیلدینی نقل ایدن سطرلری متعاقب شو آیتلر کورواکددر : « بعده طعام ایتمه که او طور دقلرنده کوزلرینی قالدیروب (جلعاد) طرفندن کلکده اولان اسماعیلیرک بر کاروانی کوردیلر . بونلرک ده وهری بهارلر و بلسان و مرصافی ایله یوکللو اوله رق مصره کیدیورلردی . او وقت (یهودا) برادرلرینه دیدی که قارداشمزی قتل ایله قانی کیزله مه مزندن نه فائده وار . کلکز اونی اسماعیلیره صاتم . اناز اوکاد کسون . زیرا قارداشمز و تیزدر . برادرلری ده سوزینی دیکله دیلر . یوسفی چیقاردیلر و اسماعیلیره یکر می قطعه کوموشه صاندیلر . اونلرده یوسفی مصره کونوردیلر . »

قبل المیلاد اون سکزنچی عصره طاند اولان بو حادثه دن بش عصر صوکره (حاکلر) سفرنده اسماعیلیردن بردها بخت ایدیلشدر . بش عصر صوکرده (سفر اشعیا) ده اسماعیلیر (قیدار) نامیله ذکر اولونمشدر . (کتاب ارمیا) ده ده میلاددن آتی عصر اول (بخت نصر) ک (بختی قیدار) ه غلبه سی یازیلشدر .

اسماعیلیرک میلادعیسی به قدر اون دو قوز عصرلق حیاته قدر تاریخی معلوما تمز سفر تورات ده کورولن سطرلردن عبارتدر . بو اوزون عصرلرده بونلرک بر دولت تشکیل ایده میهرک متفرق و مخاصم قبیله لر حالنده یاشادقلری آکلاشلمقده در . اسفار توارث ده بونلردن بخت ایدن آیتلرده کوچه حیاتی یاشادقلری و عراق سوریه ، مصر آره سننده کروانچیلق ایدهرک آرزوق قازاندقلری تصریح ایدیلکده در .

(بخت نصر) دورندن میلادعیسی او ائنه قدر کچن زمان طرفنده اسماعیلیرک حیات تاریخیلری مجهولدر . آکلاشیلدینه کوره (بخت نصر) ک اسماعیلیرلری قتل عام ایدرجه سنه ضرر به له مش اولسی بونلری پک چوق ضعیف دوشورمش اولدینغدن متفرق قبائل انقاضی بر متحده حالنده طویلا تمق اضطرارنده قالمشدر . بخت نصر ایله معاصر اولدینی تحمین ایدیلن (عدنان) بو متحده نک یاشنه کچهرک اوکا کندی نامنی ویرمشدر . فقط بابل

حکمدارینک ضربه سی پک مدهش اولدیغدن عدنانیلرک تکرار سخنه تاریخه حقیقه بیلمه سی ایچون دورت بش عصر بکله مک ایجاب ایلمشدر . میلاد عیسی اوائلنه دوغرو عدنانیلری هر بری متغد فخذ و بطنلردن مرکب اولمق اوزره (قضاءه) ، (ربیعہ) ، (مضر) ، (آمار) و (ایاد) ناملریله بش بووک قبیله یه آریلش اوله رق کوریورز . بوقیله و بطنلر ، (تہامه) (نجد) ، (حجاز) و (سوریه - عراق) بادیه سنده کوچه برحالدہ طولاشیولردی .

قضاءلر ، نجد ، بحرین و مشارف شامه طاغیلمش ، بعضیلری عراق و سوریه حوالیسنده بر امارت بیله تشکیل ایتمشلردی . برچوق بطنلره آریلان قضاءلردن اک مهملری (تنوخلر) دی . آمار و ایادلر سواد عراقده طولاشیولردی . بونلردن بر قسمی بالاخره (تکریت) حوالیسنه ، بر قسمی ده (موصل) طرفلرینه قدر یاییلمشلردی .

اوتوزی تجاوز ایدن ربیعہ بطنلری باشلیجه نجد و حجاز حوالیسنده طولاشیولردی . طبعاً خشین ، جنکجو ، غارتکر و بی امان اولان ربیعلر ، بداوت حیاته پک زیاده مربوط بولونیولردی . نه نامده اولورسه اولسون هیچ برسلطه آنته کیرمک ایسته میورلردی . بر طرفدن حریتلرینه اولان آتشین مربوطیت ، دیگر طرفدن قاعتلرینه قارشى بسله دکاری جاهلانہ وقویو تعصب ، دوراسلامده بونلری بر عنصر شورش حالنده یاشاتمشدو . دین اسلام تاریخنده مهم روللر اوینایان خوارج ، ارتحال نبوی هنکامنده سخنه یه حقیقان (مسلمة الکذاب) ی یتشدیرن (بنی حنیفه) ایله (بنی عجل) ، (بنی شیبان) ، (بنی تغلب) ربیعلرندن چیقمشلردر .

عدنانیلردن تاریخ اسلامده اک مهم اولان قبیله لر مضر یلردر . بونلر ، عیلان - قیس) و (خندف) حی لردن اوره مشلردی . بداوت حیاتی یاشایان مضر یلردن یالکنز مکه چولته یرلشمش اولان (بنی فھر) نیم حضری یاشیولردی . اسلامیت بونلر آره سنده ظهور ایتمشدی . بدایتده اسلامه قارشى اک مدهش دشمن کسیلان بنی فھر قریشیلری بالاخره تأسیس ونشر اسلام خصوصنده برنجی درجه ده رول اوینامشلردر .

مکه و بنی قریش

میلاددن اون دو قوز عصر اولدنبری عدنانیلرک ساحه جولانی اولان مکه ، آکلاشیلدیغنه کوره بو عصر لردده ینه عربلر آره سنده مقدس بر موقع اوله رق طانیلیوردی . (مکه) اسمنک عراقدن کان قدیم (عمالقہ) طرفدن و یریلش اولمسی محتملدر . بو اسمک .

بک اسکی اولسی بواحتمالی تأیید ایتمکده در . کلدانیه دن هجرتله عربستان شبه جزیره سنه کیرن عمالقه اوزون بادیه لر قطع ایتدکن صـ و کره (کعبه) جوارینه کلدکلری زمان ایلاک دفعه اوله رق قارشیلرنده کوردکلری طاش بنایه (مکة) نامنی ویرمش اولملری مستبعد دکلدر . چونکه (مکة) بابل لهجه سنه کوره (بیت) یعنی (اُو) معناسنه در . اساساً عربلر جهده کعبه نك اسمی (بیت) در .

بک اسکی زمانلرده مکة حوالیسینک عراق دن کان عمالقه دن (بنی ازرق) طرف دن اشغال ایدیلدیکی روایت ایدیلکده در . بوروایته کوره مکة نك ایلاک سکنه سی عمالقه اولوق ایجاب ایتمکده در . مکة عمالقه سنه یمن دن کان قحطانیلردن (جرهم) لر، بونلرده اسماعیلر خلف اولمشلردر . مکة بالاخره (بنی کهلان) قحطانیلردن اینن (ازد) لردن (خزاعه) لر، متعاقباً عدنانی هضریلردن (کنسانه) لر، واک صـ و کره ده قریشلره انتقال ایشلدر .

قریش قبیله سی هضریلردن و (بنی کنسانه) شعباتندن اولوب اوتهدنبری (مکة) حوالیسینده طولاشیورلردی . بونلره ویریلن (قریش) اسمی لغتاً (کوپک بالینی) معناسنه در . (ابن الکلبی) نك (قریش) لفظنک شخصی دکل سمیوی بر اسم اولدینی حقتده کی افاده سنه نظراً بو اسمی ، پس - زنده بر توتهمیزم خاطرده سی عد ایده بیلیرز .

بوتاریخده قریش ، اسملری اشاغیده ذکر ایدیلن اون بطندن مر کبدي :

- ۱ . — بنی حرث بن فهیر
- ۲ . — بنی محارب بن فهیر
- ۳ . — عامر بن لوئی
- ۴ . — عدی بن کعب
- ۵ . — ۴۳ بن عمر
- ۶ . — بنی جمع بن عمر
- ۷ . — بنی تیم بن مره
- ۸ . — بنی مخزوم بن یقظه
- ۹ . — بنی زهره بن کلاب
- ۱۰ . — بنی اسد بن عبدالعزی

بالاخره بونلره (بنی عبدالدار) و (بنی عبدمناف) بطنلری ده انضمام ایده رک

عددلری اون ایکی به بالغ اولمش ، مکه داخل ویا خارجنده او طور دقلرینه نظراً (قریش بطاح) و (قریش الظواهر) ناملریله ایکی به آیریلشدر .

قصی به کلاب

مکک بنی قریشه انتقالی میلادی دردنجی عصر نهایتنده ویا بشنجی عصر اوائلنده وقوعه کیشدر . حادثه مک قهرمانی ده اجداد محمدین (قصی بن کلاب) در . ظهور اسلامدن برعصر اول شمالی عربستان تاریخنده بویوک برانقلاب یاپان (قصی) ، اوائلده حجازده طولاشان قریش آرهسنده دوغمش ، کندیسنه (زید) اسمی ویریلشدی . بوتون بدوی چوجوقلری کی برقیل کچ آئنده قوملر اوزرنده بویون (زید) ، چوجوق ایکن پدرینی ده غائب ایدرک یتیم قالمشدی . والدهسی (فاطمه بنت عمرو) برالشامده متوطن اولوب حج ایچسون (مکه) به کلش اولان قضاءلردن (ربیعہ بن حزام) ایله اولندیکندن اوغلی (زید) ی ده برابرنده سوریه حوالیسنه کوتورمشدر . زید بوراده قضاءلر آرهسنده بویودی . فقطنسبجی عربلر کندیسنی بنی قریشدن صایوره ، قضاء کنجلیری بوکا بریابانجی نظریله باقورلردی . مدنی برحیطک تأثیراتی ایچنده بویون (زید) فطرة دهائی برذکایه ، صارصیلمز براراده به مالک ، طبعاً پک مغرور ایدی . قضاء کنجلیرینک حقاتیکار معاملهرینه تحمل ایدهمدی . والدهسندن مأذونیت آلهرق حجازه ، باباسنک قبیلهسنه دوندی . مجاور قبیلهلرله دائماً غزوه ایتمک مجبوریتنده بولونان بنی قریش بو کوربوز وتوانا کنجی حرارتله قارشولادیلر . قبیلهسندن اوزاقده بویومش اولمسنک خاطرهمی اولهرق کندیسنه (قصی) نامنی ویردیلر .

بوائلنده مکه (خزاعه) لرک ائنده بولونیور ، قریشده مکه جوارنده سیار برحالده طولاشیوردی . قصی ، ذکامی ، شجاعتی وارادهسیله یکی محیطده کندیسنی پک چابوق سودیردی . قبائل آرهسنده خیلی نفوذ قازاندی . حتی ، مکه به حاکم اولوق اعتباریله پک نفوذلی اولان بنی خزعه رئیس (حلیل بن حبشیه) نک بیله توجهنی قازانمه موفق اولدی . (حبی) اسمنده کی قزیله تزوج ایلدی . بو ازدواج ، اراده واحتراسنک تجلیسنه مساعد برساحه آچمش اولدی .

حج زمانلرنده مراسمه ریاست ، اک مهم و نفوذلی بروظیفه ایدی . بووظیفه کعبه تولیتی حائر اولان (حلیل بن حبشیه) طرفندن ایضا ایدیلیوردی . قصی ، حبی ایله ازدواجندن سوکره بعضاً بووظیفه لرک ایفاسنده قان پدرینه وکالت ایدیوردی . ذکی

هو محترص (قصی) بوضوئته آله کچن فرصتدن اعظمی استفاده ایدهرک مختلف قبیلهرک
آماللرینی آکلامغه، کندیسینی اونلره طایئدیرمغه و سودیرمکه چالیشیوردی. فقط قان
یدرینک وفاتندن سوکره کعبه مفتاحی خزاعهلردن (ابو غبشان) ه انتقال ایلدیکندن
قصی بوفرستی قاچیرمش اولدی.

ابو غبشان، سرخوش و لیاقتسز برآدمدی. مراسم حجه ریاست و مختلف قبیلهرک
حرمتی جاب ایدهبیله جک درایتی حائر دکلدی. ذوق ریاسقی طأمش اولان (قصی)،
بوآدمک اهلیتسز لکنندن استفاده به چالیشدی. مکه حوالیسنده طولاشان بنی فهر اوتهدن
بری خزاعهلره غاصب نظریه باقیور، مکه سیادتک کندیلرینه غائد اولدیغنی ادعا
ایدیورلردی. قصی، بنی فهرک بو حالت روحیه سندن کندی لهنه استفاده ایتک فرصتی
قاچیرمدی. سرخوش (ابو غبشان) ک ریاستنی قبول بنی فهر ایچون برذات اوله جغندن
بخله اونلری غصب ایدیلان حقوقک استرداد ایچون آیقلا ندیردی. بوتون بنی فهر
بطوننی کندی اطرافنده طوبلادی. فقط خزاعهلر رقیب قبیلهره قارشی مکه ریاستنی
یالکن^۳ باشلرینه محافظه ایدهمیه جکلرینی بیلدکلرندن ربیعه لردن محارب و خونریز بنی بکر
ایله اتفاق ایشلردی. حالبوکه بنی فهر یعنی قریش بطوننک قوتی، بو ایکی قبیله ایله چاریشمغه کافی
دکلدی. قصی، بنی بکره قارشی سونمز برعداوت بسله بنی کنانه ایله اتفاق ایتدی.
والده سنک قارده شی اولان (رزاح بن ربیعه) نک دلالتیله ده بنی قضاعه نک اتحادینی تأمین
ایلدی. آرتق هدفته یورو به بیله جک قدر قوت قازانمشدی. مراسم حجدن عرفانده
اجازت و یرمک امتیازینی حائر اولان (بنی صوفه) نک حجاجه اذا ایتدیکندن بو امتیازک
اساساً قریشه غائد اولدیغندن بحث ایله (بنی صوفه) به هجوم و مغلوب ایتدی. متعاقباً
«بنی خزاعه» ایله متفقلری اولان (بنی بکر) اوزرینه یورودی. خونین بر مجادله دن
سوکره اونلری کعبه تولیتک جهت غائدیتنی تعیین خصوصنی حکمه تودیعیه مجبور ایتدی.
قان پدیری (حلیل) ه وکالتی ائناسنده کعبه بی زیارته کان عربلره اولجه عدنانیلره غائد
اولان کعبه تولیتک غاصبلردن آلهرق اونلره ویریلدی، عدنانیلر آراسنده بو وظیفه به
ایک زیاده اهل اولانلرکده اوتهدنبری کعبه حولنده یورد طوتمش اولان قریش اوله جتی
یولنده واسع نسبتده پروپاغاندا یامش اولدیغندن حکمک کندی لهنه قرار ویردجکنه شبه
ایتمیوردی. فی الحقیقه طرفینک موافقتی و مجاور قبیلهرک تکفلی ایله حکم انتخاب ایدیلان
(یعمر بن عوف) کعبه و مکه امورینه قریشک خزاعهدن اولی واحق اولدیغنه و خزاعه

ایله بنی بکرک، قریشله متفقلری اولان کنانه و قضاعدن مقتول دوشنلرک دینلرینی ویرملرینه حکم ایلدی. بوقرار، مکهنی (قصی) ک تحت ریاستنده اولهرق قریشه تأمین ایتمش اولدی...

سوریهده مدنی حیاته الفت ایدن قصی، مکهنی تخلیه ایدهرک چکیان بنی خزاعیه. حاند مناطق بادیه نشین قریشه توزیع و مکه شهرینی تأسیس ایتمه قرار ویردی. عربلر بوتاریخه قدر کعبه نك مقدس حریمی حولنده بنا یاغمه جسارت ایدهمه شلردی. کعبه نی کوندوزلری زیارت ایدر، آقشام یا قلاشیر یا قلاشماز کال حرمتله چکیلیرلردی. قصی، کعبه حولنده بر شهر تأسیسی فکرنده اولدیغندن اولا کندینه دائمی بر اقامتگاه تأسیسنه باشلادی. فقط عربلر، حرم شریفه رطیتسزلکدن قورقارک وادی نی ستر ایدن آغاچلری. کسمکه جسارت ایدهمدیلر. قصی اولا آغاچلری بالذات کسدی. کندینه مخصوص اولمق اوزره ایلك بنای قوردی. قریش بطنلرینی ده بر قسمی مکه داخلنده بر قسمی ده مکه حولنده اولر انشاسنه مجبور ایلدی. بوصولته بوکونکی مکه شهری تأسس ایتمش اولدی. قصی، حجازک لاولی حرملری آراسنده طولاشان قریش بطنلرینی شهر حیاته آیشدیرمق، آره لرنده کی نفاق و محاسده نی ازاله ایدهرک و حدتلرینی تأمین ایلك صورتیله حجازده بویوک بر انقلاب آچدی. اوتهدنبری شمالی عربلر نظرنده محترم طانیلان کعبه خادم و محافظلکینی قریشه تخصیص ایدهرک اولنلری عربان نظرنده بویوتدی و موقع سیادته چیقاردی. قریشده، منتدارلق نشانه سی اولهرق کندیسنه (مجمع) عنوانی ویردیلم. قصی، قریشی مکهده اسکان ایتمهکله حیاتلرینی کعبه نك مقدراتنه باغلامشدی. نه زراعت، نه ده راعیلکه مساعد اولمان مکهده آنجق تجارتله تأمین معیشت ممکن ایلدی. مکه نك تجارتگاه اوله بیلیمسی ده عربلرک کعبه یه قارشى بسلیکاری قدسیت حسنک انکشافه متوقف ایلدی. بو حس نه قدر انکشاف ایدر و نه درجه عمومیله شیرسه مکه زوارینک عددی ده اونسبتده آرته جق، قریشک تجارت و استفاده سی ده اودرجه چوق اوله جقدی. بوخصوصی پک آبی تقدیر ایدن (قصی) کعبه نك قدسیتنی آرتیرمق اوزره اوتهدنبری موجود اولان مناسکه یکیدن یکی به بعض مراسم علاوه ایلدی. عینی زمانده بو مناسک و مراسمدن کرک قریش و کرک قبائل سائر اوزرنده روحانی و یا جسمانی بر سلطه تأسیسنه مساعد بولونانلرک ریاستنی ده کندیسنه و اولادینه تخصیص ایتکی اونوتدی...

عربلر، اوتهدنبری کعبه یه صاحب اولان قبیله لر ایچون بعضی وظائف و حقوقی

طایفورلردی . عنعنہ بو وظیفه لری پیغمبر اسماعیلدن اولکی زمانلره قدر چیقاریوردی . قصی ، مکه جوارنده طولاشان قریش بطنلرینک سیاسی وحدتلرینی تأمین ایدهرک اولنری مکهده اسکان و برحکومت تشکیل ایدر ایتمز بووظائفی ؛ ریاست کندیسنه عائد اولوق اوزره قریشه تخصیص ایتمشدی . کرک اوتهدنبری موجود اولان و کرک بالذات (قصی) طرفندن تأسیس ایدیلن بووظیفه لره باشلیجه لری شونلردی : ندوه ، حجاب ، سقایه ، رفاده ، اجازه ، افاضه ، نسی ، لواء ، قیاده .

ندوه ، شوری دیمکدر . بوشوری قریشه عائدصالحی مذاکره ایتمک اوزره شیخلردن متشکل بر مجلس ایدی . بو مجلس (قصی) ک قابوسی مکهیه متوجه اوله رق انشا ایتدیردیکی امارت دائره سنک بویوک سالوننده و (قصی) ک ریاستی آلتنده انعقاد ایدردی . اجتماع سالونته (دارالندوه) دینلمشدی . حرب اعلانی ، شهر حریمک تعیینی ، تجارت قافله لرینک سوقی کبی امور دارالندوده مذاکره ایدیلدیکی کبی قریش کنج لرینک نکاحی بوراده عقد ایدیلیر ، سن بلوغه واصل اولان قیزلره (دارالندوه) ده کوملک کیدیریلیردی [۱] . قصی نسلندن اولیانلر دارالندویه کیره من ، قرق یاشنه کله مش اولانلرده اجتماعه اشتراک ایدمه زلردی .

حجاب و یا سدانن دینلن وظیفه ، کعبه یه نظارت و آناختارینی محافظه ایتمک مأموریتی ایدی . قصی بووظیفه یی تأسیس ایتمکله کعبه یی آچوب قیامق ، حجاب زیارت ایتدیرمک صلاحیتی کندیسنه و اولادینه حصر ایتمشدی .

سقایه ، موسم حجه زواره صوتدارک و توزیعی وظیفه سی ایدی . قصی حرا طاعی وادیلرندن برنده کی طاطلی قویونک صویینی ده وه لرله کتیرتیر ، کعبه یاننده کی دری حوضلره طولدورتیر ، حجاجه توزیع ایدردی .

رفاده ، موسم حجه فقیرلره ارزاق توزیعی وظیفه سی ایدی . قصی ، هر سنه کرک مکه زنکینلرندن و کرک زیاده کان زنکینلردن اعانه طوبولانه رق فقرانک اعاشه سنه صرف ایدردی [۲]

لواء ، زمان حربده قریش علمدارلغنی ایفا ایتمک ، صالح انساننده ده (عقاب) دینان [۱] عربلرده برقیز اولنه جک چاغه کادیکی یعنی ابلک حیض علامتی ظهور ایلدیکی زمان بر مراسم یابیلیردی . بومرسمنده قیزک بلوغه ایرمه دن اول کیمکده اولدیغی کوملک ییرتیلیردی . [۲] فقیر حاجیلری اعاشه عادتته دور اسلامی ده ده رعایت ایدیلشدر . مورخ ازرق کندی زماننده [هجری ۳۵۰ تاریخلرینه دوغرو] بوماتک محافظه ایدیلدیکی قید ایتمکده در .

سنجایی محافظه ایلمکدی . بو وظیفه بی ده قصی کندی اولادینه تخصیص ایتمشدی . غزوه زمانلرنده عقابی دارالندوه نك قاپوسی اوکنه رکز ایدر و محاربیلر اطرافنه طوبلانیرلردی قیاده ، تجارت قافله لرینه ریاست وظیفه سی ایدی . عربستانده قافله برنوع سیار اورده ماهیتنده اولدیغندن قصی بو وظیفه بی ده خاندانه حصر ایتمشدی .

اجازه ، حجاجه عرفاندن حرکتله رمی حجاره باشلايه بيلمك ایچون مأذونیت و یرمک حتمیدر . قصی دن اول و بلك اسسکی زمانلردنبری موجود اولان اجازه دینی ماهیتی حائر اولمقله برابر قبائل اوزرنده برنوع سلطه بی تأمین ایدیوردی . مکدن عرفانه کیدن حجاج ، وقفه دن سوکره حرکت رخصتی آله منلرسه قیزغین کونش قارشوشونده یانارطورور ، برآدیم آته منلردی . یورو مک ایچون بهمه حال مراسم مخصوصه ایله اجازه آلمغه مجبور ایدیلر . قصی دن اول اجازه و یرمک حتی (بنی صوفه) به عائد ایدی . حجاج قیزغین کونش قارشوشونده وقفه ده ایکن بنی صوفه دن بری قالقار « اجیزی صوفه » - ای بنی صوفه مساعده ایدیکز ! .. « ديه ندا ايدر آرقه سندن ديكر بری قالقارق » « اجیزی خندف - ای بنی خندف رخصت و یریکز ! .. » دیردی . بونک اوزرینه بنی صوفه شیخی ایستره حرکت امرینی و یرر ، باشده کندیسی اولمق اوزره قبیله سیله برابر یورور ، آرقه دن بنی خندف بونلری متعاقبده دیگر حجاج حرکت ایدرلردی . بنی صوفه شیخی بو مراسمه حرکت رخصتی و یرمزسه هیچ تمام اولمز ، برچوق محن و مشاقه کوکس کره رك مکیه کلش اولان زوار بهوده یورولش اولورلردی .

افاضه ، قربانلر کسیدیلکی کونک صباحنده حجاجی (مزدلفه) دن (مئی) به سوق ایتمک تولیتیدر .

قصی دن اول بو تولیت (آل عداون) ه عائد ایدی . مراسم مخصوصه ایله (آل عداون) دن رخصت آلمدقچه حجاجدن هیچ برفرد وقفه مزدلفه دن حرکتله عرفانه چیقمه من ایدی . قصی ، اجازه کبی افاضه تولیتی ده کندی عابله سنه حصر ایلدی .

نسی ، شهر حرم دینیلن رجب ، ذی القعدة ، ذی الحجه و محرم آییلرینک زمانلری تعیین صلاحیتی ایدی . بو صلاحیت ، دیگر وظیفه لره نسبتله داها مهم ایدی . چونکه شهر حرم دینیلن بو آییلرده غزوه و حرب ممنوع ایدی . حجاج ایفاسی ده آنجق شهر حرمده اولورلردی . بو آییلرده غزوه لر ، یاغمال طورور ، بوتون عربستان باشده برساحه امن و امان اولورلردی . سوق العکاظه پانایری قورولور ، هرکس آلیش و یریش ایدر ، شاعرلر

پارلاق منظومه لری ، خطیلر هیجانلی لفظلریله جمعیتی شنبلدیرر ، مراسم مخصوصه ایله کعبه زیارت اولتور یعنی وظیفه حج ایفا ایدیلردی .

حالبوکه عربلر حسابلرینی اوتهدیبری شهر قریه یه کوره یورتورلردی . آیلری رؤیت هلال ایله تعداد تعیین ایدرلردی . فقط شهر قریه یه کوره حج و پانایر موسمی یعنی شهر حرم هر سنه بوموسمه کله مزدی . بعضاً قیشک صوغوق کونلرینه ، بعضاً ده یازک قیزغین زمانلرینه تصادف ایدردی . بوموسملرده ایسه عربان مکه یه کله من ، سوق العکاظ پانایری قوروله من ، بالنتیجه آلیش و یریش ایدیله مزدی . بو وضعیتیه میدان و یرمه مک و حج موسمی معتدل ، میوه و محصولک بول اولدینی زمانه تصادف ایتدیرمک ایچون هر اوج سنه بر دفعه هر قبیله دن بر آدم آله رق بر مجلس ملی قورولور و اوسنه شهرینه بر آی علاوه اولونمق صورتیله حج زمانی محصولاتک بتشدیکی موسمه آتیلردی . نسی تولیق اوتهدنبری (القلمس) عائله سنه تاند ایدی . محاسب و منجم طانیلان بو عائله عربلرک کاهنلرینی تشکیل ایدیولردی . عربستانده صلح و یاحرب قرارینی و یرمک کبی پک بویوک بر نفوذ تامین ایدن بوتولیته قصی طبیعی دیکر لرندن داها چوق اهمیت و یره رک بوصولی کندیسنه آلدینی کبی شهر حرمک تعیینی ایچون انعقاد ایدمک مجلسک ده (دارالندوه) دم اجماعی تقریر ایلشدی [۱] .

قصی ، چولک جاهل ، آیین و مراسمه منهمک سر آزاد بدویلرینی حضری حیاته آلیشدیرمق ایچون بو حسارندن استفاده اتمک مهارتی موقتیه کوسترمش ، اولنری صوقدینی حضری حیاته یغما کرکک یولنه صاعق سزین کچن دیره بیلیمک ایچون ده کعبه نک عربان نظرنده کی قدسیتنی آرتیره جق هیچ بر شیشی اهمال اتمه مشدر . قریش بطونی آره سنده محاسبه یه میدان و یرمه مک ایچون ده آز اهمیتلی برسورو مراسم و وظائف داها احداث ایدمک هر برینی بر بطنه تخصیص ایلشدر .

مکنک حقیقی بانسی اولان قصی ایلریله مش بر یاشده وفات ایدمک (الحجون) ده دفن اولونمش [م ۴۸۰] ، مزاری بر مدت صوکره مکه سکنه وزارلری ایچون زیارتگاه اولشدر . قریش ریسنک زوجه سی (حبی) دن (عبدالدار) ، (عبد مناف) ، (عبدالعزی)

[۱] قرآن کریم [انمالنسی] زیاده فی الکفر یضل به الذین کفروا یحلوته حاماً و یجرمون حاماً لیواطوا عدة ما حرم الله زین لهم سوء اعمالهم والله لایهدی القوم الکافرین] آیتیه بت برستلک دورینک بر سینه سی اوله رق قشیح ایلدیکی نسی اصولنی قالدیرمش ، جاهلیه نک (قری - شمس) شهری برینه صورت مطلقه ده شهر قریه یی اقامه ایلشدر .

و (عبد قصى) تاملرنده دورت اوغلى اولمشدى . اواخر حياتنه دوغرو حجابت، سقايت، ندوه، لوا ورفاده كې قريش و كعبه يه عائد مصالحو عامه نك ايفاسنى بويوك اوغلى (عبدالدار) براقشدى . وفاتندن سوكره عبدالدار پنه بووظيفه لرك ايفاسنه دوام ايلدى .

فقط ثروت و نفوذ اعتباريله قارداشنه فائق اولان (عبد مناف) جسمانى رياسته عائد امور و صلاحيتلرى عبدالداردن آلمقده تردد ايتدى . عبدالداره يالكنز رياست روحانيه يي براقدى . ايكي قارداش حياتده ايكن بوتقسيمه راضى اولديلر . فقط وفاتلرندن سوكره [۱] اولادلى آره سنده مدھش برر قابت و تفوق مجادله يي باش كو ستردى . عبد منافك (عبد شمس) ، (هاشم) ، (مطلب و نوفل) اسملرنده كې اوغوللارى ثروت و نفوذجه عبدالدار اوغوللرينك فوقده بولوندى قارندن جسمانى رياست كې روحانى حتموق ووظائفى ده كندى اللرينه آلمق ايستديلر . عبدالدار اوغوللارى بوكا رضا كو سترمدكلرندن آره لرنده شدتلى بررودت ظهور ايلدى . اون ايكي بطندن مركب اولان قريش ده بويوزدن بررلرينه خصم ايكي غروبه آيريلديلر . يالكنز بطون قريش دن (عامر بن لوى) و (محارب بن فهر) بطنلرى بو مجادله يه قارشى بي طرف قالدیلر . عبد مناف اولادينه طرفدار اولانلر تاريخده (مطيبون) ، [عبدالدار] اولادينه مظاهر اولانلر ده (احلاف) ناملر يه مشهوردر . ايكي غروبه ويريلن بو اسملر ، اتقاقلرينى تقدیس ايچون ياپيلان مراسمله علاقه داردر : عبد مناف قادينلرى متفقلى اولان (بنى اسد) ، (بنى زهره) ، (بنى تيم) ، (بنى حرب) بطلرينك كندى لهلرينه اولان اتقاقلرينى تقدیس ايچون مسك ايله طولو برقاب كتيره رك كعبه نك ياننه قومش ، متفق بطونلر ده منسوب فردلر ، برر برر اللرينى بوقاب ايچنه صوقارق (حجر اسود) ي مس و دعوالرندن صرف نظر ايتمه جكلرينه يمين ايلدكلرندن كنديلرينه (مطيبون) نامى ويريلشدر . (عبدالدار) اولادينك حقوقى مدافعه ايتمه عهد و پيمان ايدن (بنى مخزوم) ، (بنى سهم) و (بنى جمع) بطنلرى ده قانله طولو برچناقله عين مراسمه ايضا ويميلرنده تحالف ايتمه يه جكلرينه عهد ايلدكلرندن بونلر ده (احلاف) دينا مشدر . مطيبون و احلافك بو عهد و پيمانلرى قريشى خونين بر مجادله داخله قارشوسنده بولوندرمشدى . هر ايكي طرف قانلى بر حربيه حاضر لانير كن بي طرف بطنلرك توسطى ايله مصالحو عامه و وظائفك ايكي عانله آراسنده تقسيمى تقرر ايلدى . حجابت ، لوا ، ندوه عبدالدار اوغوللرنده ابقا ايديلدى . سقامت ، رفاده ووظيفه لرى ده عبد مناف اولادينه ويريلدى . بو طرز تسويه اسلامك ظهورينه قدر دوام ايتمشدر .

[۱] عبدالدارك ميلادى ۴۹۰ تاريخندن سوكره وفات ايتمش اولدينى تخمين ايديلكده در .

عبد شمس حیانتک قسم کلیسی سیاحتله مکه خارچنده کچیردیکندن ، حجاجه صو تدارک ایتمک و فقرای اعاشه ایلمک کبی ثروته محتاج اولان سقایه ورفاده وظیفه لرینی کندیسندن . داها زنکین بولونان قارداشی (هاشم) ه ترک ایتدی . (هاشم) ک اصل اسمی (عمرو) ایدی . برحقط اسناسنده فلسطیندن کتیردیکی اونلردن اعمال ایتدیردیکی اکملرله ترید یاپدیره رق هر کسی اطعام ایلدیکی ایچون کندیسنه (هاشم) لفی ویریلشدی . هاشم ، کندیسنه ترک اولونان وظیفه لری مهارت و پک بویوک بر عالیجنابلقه ایفا ایدرک هر کسک همتدارلغنی قازانغه موفق اولدی .

هاشم ، سوریه یه کیده رک قریش کاروانلرینک صیاتی حقدنه غسانلرله برمقاوله عقد ایلدی [۱] . هر سنه مکه دن بری یاز و دیکری قیش موسمنده ایکی بویوک تجارت قافله سی چیقارمغه باشلادی .

یاز قافله سی سوریه یه کیدردی . بعضاً فیسطه قدرایلرله دیکی اولوردی . قیش قافله سی یمنه کیدردی . بو قافله نک بعضاً حبشستانه کتیدیکی ده اولوردی . هاشمک بو فعالیت مکه ده تجاری حیاته برانکشاف ویردی . مناقلات و مبادلات چوغالادی . هان اکثریسی بو قافله لره اشتراک ایدن قریشلرک ثروت ورفاهی آرتدی

قصی دن اعتباراً عربان کعبه نک محافظ و خادمی اولان قریشه قارشو درین بر حس حرمت بسله مکه باشلامشلردی . بوسایه ده قریش کاروانلری او اوزون یوللری هیچ بر تجاوزه اوغرامقسزین سر بستجه قطع ایده بیلورلردی

عرب عنعنه سی ، دوراسلامده (بنی هاشم) ایله (بنی امیه) آره سنده کی منافرت واستر حقای هاشم دورینه قدر چیقاره رق بر منقبه یه ربط ایتمکده در . بومنقبه یه کوره کویا (هاشم) ایله قارداشی (عبدشمس) ایکیزوبرر پارماقلری بتیشک اوله رق طوغمشلرمش . بعدالولاده بونلری تفریق ایدرکن پارماقلرندن قان آقش ، عربلر بونی هر ایکی قارداش سالاله سی آراسنده قان دو کوله جکنه بر اشارت عد ایشلرمش .

(عبدشمس) ک اوغلی (امیه) تجارتله خیلی ثروت قازانه رق قریش آره سنده اشهار ایتدیکندن سیادتک سموجه سی (هاشم) ده قالماسنی ایسته میور ، اورتالنی قاریشیدیریوردی . نهایت شرفچه هانکیسنک صرحیح اولدیغنی تعیین ایچون منافره ایسته دی . بطون قریش

[۱] عنعنه یه کوره هاشمک برادرلرندن (عبدشمس) حبش حکمداری (نجاشی) ایله بویله برمقاوله تجاریه عقد ایلمش ، (نوفل) ده ایران کسراندن قریش کاروانلرینک سر بستجه عراقه کللرینه مساعده آلمش ، (مطلب) ده جنوبی عربستانده کی حمیرلرله بر معاهده یامیشدر .

برجاده له میدان ویرمه مک ایچون محکوم طرف بعدالمنافره الی دوه ویرمک ، اون سنه مدتله مکدن چیقیمق شرطیله مسئله نک حکمه حواله سنه قرار ویردیلر . (عسفان) نام مجلده کی (کاهن خزاعی) بی حکم انتخاب ایتدیلر . حکم شرفجه هاشمک مرجع اولدیغنه قرار ویردی . مسئله ده قاپاندی .

هاشم ، هر سنه برای تجارت سوریه یه کیدیوردی . صوک سیاحتنده مدینه ده (بنی نجار) دن (عمر بن لید خرزجی) نک کریمه سی (سلمی) ایله اولندی . صوکر سوریه یه کیتدی فقط عودت ایده مدی . هنوز بک کنج ایکن (غزه) ده وفات ایلدی .

هاشمک (یثرب) ده تزوج ایتدیکی (سلمی) دن برارکک چو جوغنی طوغمش ، ولادتنده باشنده بیاض توپلر کورولدیکندن کندیسنه (شیبة الحمد) نامی ویریلشمدی . شیبه مدینه ده بویودی . یدی سکز یاشنه وارنجی عموجه سی (مطلب) کندیسنی مدینه دن آلهرق مکیه کورتوردی .

(شیبه) مکیه کیررکن عموجه سی (مطلب) ک ترکیسنه بینمشدی . مطلب کندیسنه بوجو جوق کیمدردیسه سؤال ایدنلره آلی طرزنده (کوله م) دیه جواب ویردیکندن مکله لیرجه آدی (عبدالمطلب) قالدی [۱] . عموجه سنک وفاندن صوکر منسوب اولدیغنی بطنک سبادتی ، اشغال ایلدی . بوئاننده درکه جرهمیلر زماننده قبادیلهرق موقعی اونوتولمش اولاز (بئر زمزم) ی بولدی . بو صورتله بین العرب شرف و شانی آرتدی . عبدالمطلب زماننده حبشیلر مکیه ، ضبط ایتمک اوزره حجازه یورودیلر . فقط (وقعه فیل) دینان بوسفر ، حبشیلرک خیت ، و خسرانیله نتیجه لندی .

عبدالمطلب بئر زمزمی کشف ایتدیکی زمان ریاست رقیبی اولان (عدی بن نوفل) بن عبدمناف) کندیسنی ، « اوزون مدت قریشه ریاست ایده رم امیدنده بولونیورسه ک الدانیورسک . سنک براوغلک وار . حالبوکه بزم اولاد واتباعمز بک چوقدر . سیادتک برکون بزه کچه جکته شهبه ایتمه ! . » دهرک تهیدید ایدیلش ، عبدالمطلب ده ؛ « بنی اولاد آزلغیله می قورقوتتمق ایسته یورسک . تمی ایدرم که اون اوغام اولور ، بن ده برینی کعبه یه قربان ایدرم . » بولنده مقابله ده بولومشمدی .

[۱] قله مان هوار ، له ئونه قاتانو کچی غربلی مؤلفلر حضرت محمدک بویوک باباسنی مجهول برنسبدن کوسترمک ایچون کندیسنه ویریلن (عبدالمطلب) اسمندن استفاده ایتش ، (شیبه) نک هاشمک اوغلی ذکل (مطلب) ک حقیق کوله سی اولدیغنی ادعا ایشلردر . فقط عبدالمطلبک قریش سیادتنه انتخاب ایدیلش اولسی بوادطایی اساسندن چوروتتمکده در . چونکه نسب و شرفه اودرجه اهمیت ویرن قریشیلرک نسبی مجهول برکوله نک سیادتنی قبول ایتمه یه جکاری شهبه سزدر .

مرور زمانه (عبدالمطاب) ك اون ایکی اوغلی اولدی . بونلر يتشدكدن صوركم نذری خاطرینه كلدی . اوغوللارنی آلهرق كعبه یه كیتدی . هبل صنمنك او كنده ازلام او قریله تقأل ایلدی . قرعه ، اوغوللارندن عبداللهه اصابت ایتدی . عبدالله ، نراهت اخلاقیه سی ، علوجانی ، صفوت وملاحتی ایله پدرینی كندیسنه محبوب ایتشدی . عبداللهی قربان ایتمهك بردلو قیه مدی . قریشیلرده ؛ عادت اولور قورقوسندن ؛ بویه بر شیئه رضا كوسترمیدیلر . بر چاره بولمق ایچون خیر كاهنه سی (قطیه سجاج) ه مراجعت ایلدیلر . قطیه ، قرعه نك عبدالله ایله قریشیلرجه حر بر آدمك دیتی اولان اون ده وه آره سنده یاییلماسنی و ده وه لرك اسمنه تصادف ایدنجه یه قدر ؛ هر دفعه اون ده وه آرتیرمق صورتیله ؛ قرعه یه دوام ایلدیسنی توصیه ایتدی . دو قوز دفعه عبدالله نامنه اصابت ایدن قرعه او تنجی ده ده وه لره اصابت ایلدی . عبدالمطاب یوز ده وه قربان ایدهرك بوتون قبائل قریشه ضیافت ویردی .

عبدالمطلبك ، بو صورتله قربان اولمقدن قورتولان اوغلی عبدالله ، تاریخ بشریته یکی بردور آچمش اولان حضرت محمدك پدریدر . عبدالله ، بنی زهره شیخی (وهب) ك كریمه سی (آمنه) ایله اولنشدی . حضرت محمد بو ازدواج متیمك محصولیدر . فقط عبدالله تجارتله شاهه كیدهرك عودتده (یرب) ده خسته لاش و بو خسته لقدن وفات ایلش اولدیغدن حضرت محمد هنوز منیمه مادرده ایكن ، یتیم قالمشدر .

قبل الاسلام عربلرک تدینی

اسلامدن اول عربلرک شمالی و جنوبی تعییر دیکرله عدنانی و قحطانی اولمق اوزره ایکی انوزج اجتماعی عرض ایتمكده اولدقلرینی ایضاح ایلشك . اجتماعی حیاتك اك جانلی بر عنصری اولان (دین) خصوصنده بو ایکیلك كوزه چاریمقده در :

اقلم و محیط ایجابی اولهرق تمامیه بداوت حیاته ساحه اولان شمالی عربستان ، اجتماعی مرحله لر کی دینی مراحلیه ده بك بطی بر صورتده قطع ایتش اولدیغدن اسلامك ظهوری هنكامنده عرض ایتدیکی وضعیت دینه ده متعاقب تكامل دورلرینك ایزلری واضحاً سجلیه بیلمكده در . جاهلیه دورینك دینی حقنده تاریخك ضبط ایده بیلدیکی عنعله بوتون ابتدائی قوملر کی شمال عربلرینك ده توتبه میزم ، آیمیزم و فیه تیشیزم کی مراحلیه کچیرمك صورتیله یت پرستلکه قدر چقمش اولدقلرینك درین ایزلرینی محافظه ایتمكده در .

عربستانده پدر شاهلك شكل اجتماعیسنك ظهور اسلام تاریخلرینه دوضرو نسبتاً

يېڭى بىر مۇسسە اولدېنى محققدر. عرب هېئت اجتماعيه سنك منشأه دوغرو چيقيلدېنى صورتده ايلك شكل اجتماعينك مادر شاهي وتوته مى اساسه مستند اولدېنى آ كلاشيلمقده در. عرب نسا بلرينك نسبتاً مؤخر زمانلرده موجود بر رشخص وقهرمان حاله قلب ايلدكلى قبيله اسملرندن برچونخى اوزلرلنده توتهم تمغاسنى محافظه ايتمكده در.

ديمك كه قبيله لك ايلك (توه) سى سميه در. ابتدائى انسانلر ك ايلك كومه سى اولان سميه نك ايكي وصف يمىزى واردر كه بونلر اسكى عرب قبيله لرلنده كورولمكده در: اولاهر سميه ده، اوسميه يي تشكيل ايدن فردلر كنديلرينى بر رابطه قرابتله يكدىكرلرينه مربوط ظن ايدرلر. بوقرابت اولنر ك عىنى اسمى طاشيدقلىرندن نشأت ايدر. سميه افرادى كنديلرينى اقربا طاشيدقلىرى ايجون بر برلرينه قارشى معاونت، اخذناره، ماتم... كى وظائفك ايفاسنى مجبورى كورورلر. سميه نك بو ايلك وصف يمىزى نك ايزلىرى اسكى قبيله لرده واضحا سچيله بيلمكده در.

ثانياً هر سميه نك كندينه مخصوص بر توته مى واردر. عىنى قبيله نك مختلف ايكي سميه سى عىنى توته مه مالك اوله مزلر. عرب قبيله لرلنك مختلف بطلىرى آره سنده كى مناسبانه دائر تاريخك وريدكى معلوماب بو ايكنجى وصف يمىزك وجودى ده تصديق ايتديره چك بر ماهيته در. دور جاهليه ده ياشايان عرب قبيله وبطنلرينك طاشيدقلىرى توتهم تمغاسى، طاشيدقلىرى اسملر در. اساساً توتهم، بر سميه نك طاشيدىنى اسم ديمكدر. توتهملر حيوانى ويانباتى اولورلر. فقط اكثر احوالده حيوانيدر. جامدشيلر نادراً توتهم اولمقده در. بو حاله، عىناً عرب قبيله لرلنده كورولمكده در. فى الحقيقه عرب قبيله وبطنلرندن برچونغك اسمى حيوانى، بر قسمك نباتى ويك آزينك ده حيوان ونباتدن آيرى شيلردر.

تونه يمىزم، بدايته سميه نك طوپلانما سى وتشكيلاتى ايله علاقه داردر. بواعتبارله هم اجتماعى هم ده دىنى بر ماهيتى حائزدر. اساساً ابتدائى جماعتلرده اجتماعى ودىنى مسأله لر بر برلرله صيقى بر صورتده متسانددر. توتهمى سميه برعائله كومه سى اولدېنى قدرده توتهمى بر منظومه دينيه نك ساحه انكشافيدر. آ كلاشيلمقده كوره آنا اوزرينه مؤسس اولان اسكى عرب هېئت اجتماعيه لرلندن معين بر موقعده ساكن اولان برويا متعدد موضعى غروبلر عىنى توتهمه مربوط اولدقلىرندن اولنك اسمنى آلمش بو واسم بالاآخره او كومه لك قان اعتباريله ايلك جدلرى تلقى اولومشدر. قبيله يه اسمنى ورن توتهم يا بر حيوان يا بر نبات و خود سائر طبيعى بر شيدر. فقط اكثر يا بوتوتهم بر حيواندر. فى الحقيقه قبيله اسملرينى

تدقیق ایتدیگمز زمان بونلرک (آرسلان ، قاپلان ، کویک ، کویک بالغی ، کلر ، چقال ، صرتلان یاوروسی ، تلکی ، ییلان ، آطه طاوشانی ، مسهل اوتی ، ابوجهل قارپوزی ، چاقل طاشی ، کسکین سرکه. .) معنلرینی افاده ایتدکلری. کورولمکده در . دیمک که بونلردن (بنی اسد) قبیله سنک توتهمی آرسلان ، (بنی نمر) قبیله سنک قاپلان ، (بنی کلب) قبیله سنک کویک ، (بنی قریش) قبیله سنک (کویک بالغی) ، (بنی ضبه) قبیله سنک دیشی کلر ، (بنی دئل) قبیله سنک چقال ، (بنی بهدل) قبیله سنک صرتلان اُنیک ، (بنی ثعلبه) قبیله سنک قانجیق تلکی ، (بنی وبره) قبیله سنک آطه طاوشانی ، (بنی صعصعه) قبیله سنک مسهل اوتی ، (بنی حنظله) قبیله سنک ابوجهل قارپوزی ، (بنی فهر) قبیله سنک کوچوک بر طاش ، (بنی ثقیف) قبیله سنک ده کسکین سرکه در .

فقط عربلرده اجتماعی حیات انکشاف ایتدکجه توتهمجیلک تشکیلاتی ده تدبیرجاً بوزولمش توتهمی آیینلر غائب اولمش ، موقعلرینی پس زنده ایزلرینی طاشیان یکی آیینلره برافشلردر . بوایکنجی مرحله دینه ارواحجیلق در .

آیمیزم دینیلن بوشکل دینی کائناتک ارواح ایله مالی اولدیغنه و بوتون طبیعی تحاده لرک ارواحک اثری بولوندیغنه ایناتمقدر . ابتدائی انسانلر انکشاف دینی نك بودوره سننده هر حادثه بی اسناد ایلدکلری ارواح ایچون برطاقم آیینلراویدورمش ، تدبیرجاً کونی برماهیت آلان ارواحه قارشلی برحس حرمت و اطاعت بسلمکه مجبور اولشلردر . چونکه یاشامق ایچون محتاج اولدکلری اشیایه جان ویرن واونلرده تحولات مختلفه به سبب اولان عواملاک ارواح اولدیغنه اعتقاد ایدیلوردی . آیمیزمک انکشافی ناآوریزم یعنی طبیعت پرستلک ایله نتیجه لشمدر .

جاهلیه دورینه عاند بزّه واصل اولان معلوماته کوره قبیله ، فصیله و بطن اسملریله توتهمیزم تمغاسقی طاشیان عربلر تون بر آدمک روحی ، جسد بنی ترک ایدره لک قبردن چیقدیغنه اینانیرلردی . حتی بو آدم شاید مقبولاً تولور و قاتلندن انتقام آلمزسه قوش سکلنه کیرن روحی مزارینک باشنده دائماً (اسقونی ! .. اسقونی ! ..) یعنی (بنی صوارک ! ..) دیه باغیره جغه اعتقاد ایدرلردی . روحک استعجاله ایتدیکی بو قوشه (هامه) دیرلردی . جاهلیه عربلر تده ارواحدن بر قسمتک خیرکار ، بر قسمتک ده شریر اولدیقی حقیقه کی عقیده نك عمومی اولدیغنی تأیید ایدن برچوقق اماره لر زاوردر . ارواح لطفه و ارواح خبیثه عقیده سنک عرب مخیله سنده سائر قوملرده اولدیغندن زیاده انکشاف ایتمش اولسی سبب سز دکلدر . عربستان اقلیمک

شرائط خصوصیه سی، وضعیت جغرافییه سی، شبه جزیره نك ابوی پایان، قورقونج نوساكت چوللری بو عقیده نك انكشافی ایچون اك مهم عواملدر . جاهلیه دورنده پك نفوذلی اولدینی آکلاشیلان (کهانت) مؤسسهلری بو عقیده نك خارجی برافاده سی اولدینی کبی شاعرلره عطف ایدیان خارق العاده لکلرده بو عقیده ایله مناسبتداردر .

عربلرجه پایانسز چوللری طولدوران ارواح موضعی بر الوهیت اولوب هر بری خصوصی بر وادی ده اقامت ایدرلردی . بونك ایچون اثنای سیاحتلرنده بر طاقم فلا کتله اوغراماق فکریله موقعلرک خصوصی ارواحنه دخالت ایدرلردی [۱] .

جاهلیه عربلرینک توتهمیزم و آتیمیزم اشکال دینه لرینک پس زنده انقاص آره سنده برده فه تیشیم ترسباتی سچلمکده در . آفریقا وحشیلرنده کورولن بوشکل دینی طاش . وقوم کبی مادی شیره طاشمندن عبارتدر . طاینیلان طاشلره (فه تیش) دینلیدیکندن بوشکل دینی یه ده فه تیشیم نامی ویریلشدر .

فه تیش ، علی العاده طاش دکلدر . بونلر ابتدائی انسانلرک نظر دقتلرینی جاب ایده بیله جک مجلا طاشلردر . فه تیشیم شکل دینیسی ، ارواح عقیده سیله یاقندن علاقه وارددر . تعبیر دیکرله فه تیشیم ، آتیمیزم طوغمشدر . ارواحه معین مواقع تخصیصی حقنده کی قناعت ، تدربجاً بونلره بر مقرر قبولی ایله نتیجه لشمس و بو صورته فه تیشیم ظهور ایتشدر . فی الحقیقه فه تیش بذاته بر ماهیت تعبدیه یی حائر دکلدر . فه تیشه عطف ایدیان قدسیت ، اونک ارواحدن برینه مقرر اولسی عقیده سندن نشأت ایلشدر . دیمک که فه تیش بذاته بر معبود دکل بلکه الهی قوتک یعنی ارواحک مقرریدر و فه تیش عینی زمانده سحری بر ماهیتی ده حائردر .

آفریقا وحشیلرینک دینی حیاتلرینی نافذ بر نظرله تدقیق ابدن (شارل دو بروس) دیورکه « وحشیلر آره سنده فه تیشلرک مقداری پک چوقدر . اشخاصه ، عائله لره ، قبیله لره یوردلره عائد فه تیشلر اولدینی کبی موقت فه تیشلرده وارددر . بو صوکنجیلر بر مقصد مخصوصه کوره بر زمان ایچون فه تیش اتخاذ اولنور وضو کره ترک ایدیلرلر . »

جاهلیه عربلرینک تددینی حقنده موجود اولان معلومات آره سنده بونلرک آتیمیزم ایله برابر فه تیشیم شکل دینی سفی ده یاشامش اولدقلرینی تأیید ایدر و نائق پک مبذولدر . حتی عربلرک احجاره (فه تیشلره) عبادت لری حقنده شو یله بر منقبه بیله روایت ایدلمکده در : « عربده ابتداء

احجاره (فه تیشلره) عبادت ایتک ابنای اسماعیل نسلنده وقوعه کلمشدر . سببی ده شودر : اسماعیللر دشمنلرینک تسلط و تصدیق ایله مکده بارینه میه جق بر حاله کلدکارندن بالمجبوریه اطرافه هجرت ایتش و کیدرکن برابرلنده درین برحس جرمت بسلدکاری کعبه دن برز طاش کوتورمشلردی . اسماعیلر ، یکی یوردلرنده کعبه بی طواف ایدرکی بو طاشلری طواف ایلکی عادت ایدنمشلردی . فقط بو عادت کیت کیده هر بکندکاری طاشه عبادت عبادت ایتمکله نتیجه لشمشدر .» [۱]

عربلرده فه تیش پرستلک بو منقبه ده نقل ایدلدیکی طرزده وقوع بولوب بولدیغی مسئله سی او قدر حائر اهمیت دکلدرد . حتی دییه بیلیرزکه منقبه نک عبادت احجاری تعلیل ایچون ضوکره دن ترتیب ایدیلش اولسی احتمالی ده اچوق قوتلیدر . فقط ، منقبه برواقعه دن دوغمشدرکه اوده اسلامدن اول عربلره فه تیش پرستلک عمومی برشکلده بولونماسی در . هجرتدن اون بر سنه اول تولد ایدن (ابورجا عمران العطار) ک (مسند دارمی) ده نقل ایدیلن افاده سی ادعایری تأیید ایدن یک قوتلی بریلیدر . (ابورجا) دیورکه « بز ، قبل الاسلام طاشلره سجده ایدردک . دها کوزل بر طاش بولدیغمزده اولکنی ترک ایدردک یکی بولدیغمزده طاپاردق » . هجری ۲۵۵ سنه سننده ارتحال ایدن (ابو محمد عبدالله بن عبدالرحمن بن بهرام الدارمی) نک ، (ابن حجر) کبی بی امان بر حدیث منقدهی طرفدن (سنن ابن ماجه) یه ترجیح ایدیلن مسندنده کی بوسط لر ، اسلامک ظهورینه یاقین دورلرده بیله بر قسم عربلرک فه تیش پرست اولدقلرینی اثبات ایتمکده در .

مورخ ابن الانیر ، بدایت اسلامده حضر محمد ایله چوق استهزا ایدنلردی بری اولوب والده سنه نسبتله (ابن العنطله) دییه آنبلان (حارث بن قیس بن عدی بن سعد السهمی) دن بحث ایدرکن شویله بر فقره علاوه ایتمکده در : « بو آدم دها کوزلی بولنجه یه قدر برطاشه طاپاردی . دها کوزلی بولنجه اسکینسی بر اقیبر ، بکندیکی بو یکی طاشه پرستش ایدردی . . . » بو فقره ظهور اسلام اثناسنده بیله ارکان قریش آره سننده فه تیش پرستلر بولوندیغی کوسترمک اعتباریله شایان اهمیتدر .

الک اسکین و شایان اعتماد بر مورخ اولان (ابن اسحاق) دن نقلاً ابن هشام ، (بنی ملکین بن کنانه) بطنتک کندی اراضیلرنده واقع (سعد صخره) اسمنده بر قیایه تعبد ایتدکلرینی خبر ویرمکده در . بو قیامک بر فه تیش اولدیغی شهبه مزدر . ینه عینی مؤلف (دوس) ،

(ختم) و (بحیه) قبیله لرینک ده (تیاله) دینیلن محله (ذوالخصله) دینیلن بیاض رنگده سراج برقیاهه طابندقلرینی قید ایلکده در. آفریقا فه تیشیستلرینک یاپدینی کبی بونلرده (ذوالخصله) یه دهوه قوشی بومورطه سندن قلاده لر تعلیق ایدرلر مش. (ابن اسحاق) جاهلیه عربلرینک تدینندن بحث ایدرکن شو سطرلری یازمشدر: «جاهلیه عربلرنده هر خانه نك کنده مخصوص برویا متعدد فه تیشلری واردر. ایچلرندن بری سفره کیده چک اولورسه فه تیشی مسح ایدر، عودتنده هرشیدن وهرکسندن اول ایلک ایشی ینه فه تیشی مسح ایتک اولوردی.»

شمال عربلری کرک سوریه و عراق بادیه لرنده کی عرفد اشلریله و کرکدها مدنی اولان جنوب عربلریله تماسلری نتیجه سنده تدریجاً فه تیش پرستلکدن صنم پرستلکه یوکسلمشلر یعنی فه تیشلرینی آز چوق منتظم شکلده یونته رق انسان صورتنه صوقشلردر. معبودی انسان شکلنده تخیل ابتدائی قوملو ایچون بویوک بر مرحله تکاملدر. عنعنه عربلرده بو مرحله نك خارجی تأثیر تحتند. قطع ایدیلدیکنی کویستمکده در. بو عنعنه یی قید ایدن «ابن هشام» دیورکه: (کعبه بنی خزاعه یدینه کچدکن صوکره رئیس لری اولان (عمر بن لحنی) بعض امورینک تسویه سی ایچون سوویه یه کیتدی. شام اعمالندن (بلقا) قصیه سنده خلقک صنملره عبادت ایتدکلرینی کوردی. بو عبادتلرینک سببینی صوردی. اولرده، «بو پوتلر هیاکل علویه و صور بشریه اوزره یاپیلمش معبودلردر. بونلره عبادت ایدیوزر. چونکه نه وقت یا غمور ایسترسه ک یاغدر لرلر. بر خصوصده استعانه ایتسه ک یازدم ایدرلر.» جوانی و یردیلر. عمرو، بو پوتلری پک بکندی. مکه یه کونورمک اوزره اولردن بر صنم ایسته دی. بلقالیلرده کنده یسه (هبل) اسمده بر صنم و یردیلر. عمرو بن لحنی، هبلی مکه یه کونوردی. بئر زمزمک اوست طرفنده کعبه یه قریب بر محله وضع ایدرک هر کسی بوکا عبادت ایتمه تشویق ایتدی. روایته کوره (هبل) انسان شکلنده یونتموش قرمنی عقیق طاشی ایدی. فقط صاغ الی قیریلشدی. عمرو اوکا آلتوندن برأل طاقدی. خلاقده عبادته باشلادی و حجر اسود درجه سنده احترام کوستردی. یالاخره قصی (هبل) ی کعبه داخلنه نقل ایلدی.)

ابن هشامک نقل ایتدیکی بومنتبه نك تفصیلاتی شبه لى کوروله بیلیر. فقط منقبه عربلرک هبل معبودینک خارجدن و بنی خزاعه دورنده کلدیکی حقدنه کی قعاتلرینک محصو لیدر و بو، حقیقه مطابق کوروله بیلیر. فی الحقیقه عنعنه خزاعه لرک یمندن کلدکلرینی یعنی قحطانیلردن

اولدقلربی ناطقدر . اخیر ایمن حوالیسنده وقوع بولان کشفیاتدن بوحوالی سکنه قدیمه سنک .
السهلری آره سنده (عشار) ، (بعل) و (ایل) اسملری بولوندینی آکلاشیلمشدر .
(بعل) اسکی سامی قوملرک تورات ده اسکی کچن مشترک معبودیدر . بوکا قدیم بابیلر
(یل) « فیکه لیلره عبرانیلرده (بعل) دیبورلردی . عربلرک (هبل) ی ده عبرانیلرک
(هابعل) افاده سنک بر شکل محرفی اولدینی شبهه سزدر . دیمک که هبل مکه به منقبه نك
تصویری کی بلفادن کلمش دکلدر . بلکه یمن دن هجرتله مکه به کیده رک اوراده توطن ایدن
خزاعه لرک یلکده کتیرمش اولدقلری اسکی (بعل) معبودلریدر [۱] .

حضرت محمد نسر دینه باشلادینی ائنده قریشک اک بویوک معبودی (هبل) ایدی .
(هبل) ک اوکنده قریان ذبحنه مخصوص بر خزنه واردی . هبل نامنه کسیله جک قریانلرک
قانی بو خزنه به آقیتیاوردی . (هبل) ک اوکنده دائما بر طاقم اوقلر بولونوردی . بو اوقلر
عربلرک (میسر) دیدکلری تقال اوقلری ایدی . عربلردن برینک مشکل برایشی اولسه
در حال کعبه به کیدر بو اوقلره تقال ایدردی .

حجازک یرلی عربلرینه نسبتله داها مدنی اولان خزاعه لرک شمال قبیله لری اوزرنده
قولتی تأثیر براقش اولدقلری تخمین ایدیله بیلیر . احتمالک مکه خارچنده کی قبیله لره عائد
پوتلر (هبل) دن صوکره رکز ایدیلشلردر . قریشک هبل دن باشقه (اساف) و (نائله) ،
ناملریله ایکی صنملری داها واردی . بونلردن (اساف) ارکک (نائله) ده قادین سکلنده
ایدی . قادین اولدینی قبول ایدیلان (نائله) نك معبودلر آراسنده بولونمسی شایان اهمیتدر .
(اساف) ایله (نائله) حتمده روایت ایدیلن ماجرا شایان قبول کوروله من . [۲] بونک
بالاخره اویدورلمش اولمسی احتمالی پک قوتلیدر . (نائله) نك معبود صنملر آراسنده
بولونمسی ، عربلرده اجتماعی تشکیلاتک مادر شاهیلکله باشلامش اولدینی ادعاسنی تأیید
ایدن بروقیقه عد اولونه بیلیر . عربلرک اسمی تاریخه انتقال ایدن (قادین) معبودلری
یالکز نائله دکلدر . (هذیل) قبیله سنک قرآن ده بحث ایدیلن (سواعه) اسمده کی
صنملری ده قادین سکلنده ایدی . زمزم قویوسی جوارنده اولان (اساف) و (نائله) (۱)

[۱] بن عربلرینک ایلاک جدلری عراق عمالقه سندن اولوب مزو بو توامیادن کلمش اولدقلربی تأیید
ایدر بر چوق قرآن واردر . بو خصوصده (اسلام تاریخی) عنوانلی اثرلرک بزرک برنجی جلدنده
تفصیلات ویریلشدر .

[۲] (اساف) ک ارکک (نائله نك) ده قادین اعتبار ایدیله سی بونلر حتمده بر منقبه
دوغورمشدر . «کویا اساف ایله نائله جرهم عربلردن ایمشلر . برکون کعبه داخلنه کیره رک اوراده

صنملری نامنه ده قربانلر کسپیلردی . اشهر حرمده کعبه زیارتی مراسمی اجرا ایدیلرکن بویکی صنم داها چوق اهمیت قازانیرلردی . چونکه کعبه بی طوافه (اساف) دن باشلامق و (نائله) ده اتمام ایتک اصول آیندن ایدی . مکه معبودلری آره سنده بونلردن باشقه (ذوالکفین) و (ذوالشمی) اسملرنده ایکی معبود واردی .

یثرب (مدینه) ده کی اوس و خزرج قبیله لرینک معبودی (منات) ، (بنی عبدالاشهل) ک (اشهل) ، (بنی کلب) قبیله سنک (وده) اسملرنده اولدقلری تاریخاً معلومدر . روایت کوره (منات) ساحل بخرده (مشال) طاغنده بولونیوردی .

جاهلیه عربلرینک سورو سورو صنملری آراسنده اسکی توتهملرک تمثالی ده بولوندیغنی کوربیوروز . قرآن ده بحث ایدیلان (یغوئ) ، (یعوق) و (نسر) صنملری بو ماهبتده ایدی . برتوتهم خاطرهمسی اولان بوسنملردن (یغوئ) آرسلان سکلنده اولوب (طی) قبیله سنک معبودی ایدی . (یعوق) ده آت صورتنده ایدی . بوکاده همدان قبیله سی طایپنیوردی . قارتال سکلنده کی (نسر) ایسه ذوالکلاع قبیله سنک معبودی ایدی .

عربلرده کرک اسکی توتهمجیلک و کرک چول حیاتنک ایجاباتی اوله رق قبیله جیلک بیرلشمش اولدیغندن ، هر قبیله نک معبود صنمی آری ایدی . بر صنم هانکی قبیله نک معبودی ایسه آنجق او قبیله افرادینک حامیسی تلقی اولونوردی صنملر بر الّه خاص اولدقلری ایچوندرکه مکه نک حین فتحنده یالکز کعبه داخلنده مختلف قبیله لره عائد (۳۶۰) صنم بولونمشدی .

جاهلیه دورینک بوتلرندن باشقه برده او بوتلرک محافظه ایدیلدیکی مقدس (بیت) لر واردی که بونلره (طاغوت) نامی ویریلوردی . آله خاص سیستمک جاری اولدیغنی عربستانده صنملر قدرده طاغوتلر بولوندیغنی خبر ویریلنکده در . هر قبیله افرادی کندی طاغوتلرینی مقدس بر بقعه طانیر ، اطرافنی حرمتله طواف ایدرلردی . طاغوتلرک محافظ و حاجبلری بولونوردی . بونلر ، طاغوتلری بکلر ، کن هدیه لری آلیر ، ویریلان

مجامعتده بولونمشلر . مقام مقدسه قارشى کوستی دکاری حرمتسزلکک جزاسی اوله رق طاشه قلب ایدیلشلر . . . فقط بونقبه نک بالآخره اویدورولش اولسی ظن اولونهبیلیر . چونکه مقام مقدسه قارشى حرمتسزلکارندن ناشی طاش اولدقلرینه اعتقاد ایدیلان ایکی کناهکارک صوکره دن معبود تلقی ایدیللری ایچون بر سبب کوستریله منر . (نائله) نک مادر شاهیک دورینک بس زنده خاطرهمسی اولسی احتمالی ده قوتلی کوروله بیلیر .

عربانلری کسرلردی . طاغوتلر مقدس اولدقلری ایچون اطرافنده حرب و جدال ایدیلزدی .

طاغوتلر حقیقده اسکی عرب منابعنده کورولان معلومات مرکزی (آووستریا) ده توتهمیزم تشکیلاتی ایچون اک مساعد تدقیق ساحه سی اولان (آروناتا) لرك (نهرت ناتولونغا Ertnatulunga) دیدکاری مقدس یرلری آکدیرمقدهدر . نهرت ناتولونغالر اوزرلرینه توتهم ترسیم و حک ایدیلش اولان طاش ویا آغاچدن معمول (شورینغا) لرك حفظ ایدیلدیکی مقدس بقعه لردر . دشمن طرفندن تعقیب ایدیان بر فرد (نهرت ناتولونغا) یه التجا ایدرسه ثولومدن قورتولمقدهدر . چونکه نهرت ناتولونغا جوار و اطرافنده حرب ممنوعدر . بوحوالی حقیقی برملجأ حضور و اماندر . نهرت ناتولونغانک دائماً قلان رئیسک تحت نظارتنده بولونان محافظ و حاجلری واردر .

جاهلیه عربلرینک طاغوتلریله آووستریا آروناتلرینک نهرت ناتولونغالری آره سنده کی شو اساسلی مشابهنله نظراً عرب طاغوتلرینک ده برنوع نهرت ناتولونغالر اولدیغنه حکم ایدیله بیلیر . اسکی مؤلفلرک جاهلیه طاغوتلرینک عدیدنی بش یوزه قدر حیقاردقلرنی کوریورزه . بولردن اک مهملردن بری قریش ایله بنی کنانه نك مکه خارچنده (بطن نخله) دینیلن محله ده ایچنده کی صنمه نسبتله یاد ایدیلن (عززی) طاغوتی ایدی [۱] . بو طاغوتک یعنی (عززی) نك ایچنده بولوندینی (بیت) ک اصل اسمی (بس) ایدی . عززی طاغوتنک سدانن و حجابی (بنی سلیم) دن (شیبان) قبیله سنده ایدی .

طائفده مقیم بنی ثقیف قبیله سنک طاغوتی ده مشهوردی . بو طاغوت ده (لات) اسمنده برصن واردی که اسمنی طاغوت ده ویرمشدی . (لات) صنمی حقیقده ویریلن معلوماتدن بونک اجمار سماویه دن بر صخره اولدینی آ کلاشیلیمقدهدر . لات طاغوتنک سدانن و حجابی ثقیفلردن (بنی مغیث) ه عائد ایدی .

بو ایکی مشهور طاغوتدن صوکره (بنی ربیعہ) نك (رضاء) ه یمن عربلرینک (رثام) ه (بنی بکر) و (بنی تغلب) ایله (ایاد) قبیله لرینک (ذوالکعبات) اسملرنده کی طاغوتلری عربلر آراسنده شهرت قازانمشدی .

[۱] قاموسده لغتاً عزیز و شریف قادین معناسنی افاده ایدن (عززی) نك برصن اسمی اولدینی سونله یلیدکن صوکره (سمره) دیدکاری برشجر اولدینی ده علاوه ایدلشدر . بو ایکی روایت کوره (عززی) نك (سمره) آغاچدن معمول اوزرنده توتهم تصویری محکوک برصن اولدینی قبول ایدیله بیلیر .

عربستانده پیغمبرلر

توتهمیزم ، آنیمیزم ، وفه تیشیمز کبی ابتدائی وقابا دینلرک کشف قارا کلقلری آئنده قالان عربستانک وقت وقت دین مبشرلرینک آچدقلری شعله لرله یریر آیدینلان دینی کتب مقدسه ده خبر و یریلکده در . فقط بو آیدینلقلر ماضی به کومولن اعصار بیغینلری آره سنده آنجق قوتلی بربرقک ایشینی قدر دوام ایتش، مبشرک اوتخالیله تکرار سونمش، واسع چوللری . ینه کشف ظلمتلر قابلامشدر .

قرآن کریم ده ده خبر و یریلدیکنی اوزره ازمئه قدیمده عرب عاربه ایچنده ظهور ایدن . پیغمبر (هود) ، یمن وحضر موت جهتلرنده ساکن اولان (عاد) قومنه بعث ایدلش اولدینی کبی پیغمبر (صالح) ده شام ایله مدینه آره سنده کی (وای القری) و (حجر) حوالیسنده کی خلق ارشاده مأمور بوورلمشدی . بوکون (مداین صالح) دینان بوحوالی ده اوزمانلر (ثمود) دینان عربلر اوطور بیوردی .

پیغمبر (هود) ک رسالتدن (سوره اعراف) و (سوره هود) ده تفصیلاً بحث ایدلشدر [۱] .

سوره هودده شوصورتده بحث ایدلکده در: «عاد قومنه قارداشلری هودی کوندرک آئلرده دیدی که: قوم! الله عبادت ایدیکیز . سزک اوندن باشقه آلهکیز بو قدر . سز آنجق مفتریسیکیز . قوم! تبلیغ رسالت ایتدیکم ایچون سزدن بر اجرت ایسته مم . بنم اجرتم . آنجق نبی یارادانه عاؤدر . عقلکیز ارمیورمی؟

قوم، ربکزدن مغفرت ایسته ییکیز و اوکادونکیز که اوزرینه یاغوربولوتی کوندرسون . وقوتکیزه قوت ضم ایتسون . مجرم اوله رق یوز چورمیکیز !

دیدیلر که ، هود . سن مدعاکی اثبات ایچون بزه حجت کتیرمدک . سنک سوؤکلله آلهلریمزی ترک ایدمه یز وسکا اینانما یز ! یالکیز سکا دیرز که معبودلرمنک بعضیسی سنی چارمیش! هود دیدی که الهی اشهاد ایدرم ، سزده شاهد اولیکیز بن سزک آلهدن غیری . شریک قیلدقلر کزدن برییم . هیکیز هلاکمه تصد ایدیکیز . و آرتق مهات و یرمه ییکیز !

[۱] پیغمبر (هود) ک بعثتدن سوره اعرافک آلتش اوینجی و متعاقب آیتلرنده سوره هودکده الهی آلتجی و متعاقب آیتلرنده بحث ایدلشدر . هرایکی سوره ده کی اخبار مآلاً متحد کییدر ، آیتلرده هودک زمان بعثته دائر هیچ برشی بو قدر . یالکیز پیغمبرلرک عنعنوی سلسله تعاقبه نظراً پیغمبر (ابراهیم) دن اول کلش اولدینی آکلاشیلماقده در .

بن سزك و بنم اولان الله توكل و اعتماد ايتشم . ير يوزنده كزن بوتون جانيلرك مالكي اللهدر . البته ربم ، عدل و حق اوزره در اكر يوز چويرسه كز سزيبيليرسكيز . بن مأمور اولديغم شيليری سزه تبليغ ايتدم . الله سزى هلاك ايدر و يريكزه باشقه بر قومی كتيرير . سز اعراضكيزله الله بر ضرر و يرمش اولمازسكيز . ربم هر شيتك حافظيدر . اونلر حقنده كي حكمنز تجلی ايديجه هوده و اونكله برابر ايمان ايديلز ه فضل و رحمتيزله نجات و يردك و شدتلی بر عذابدن قورتاردق . ايسته بو عا د قوميدر كه ربليرنك آيتلرني انكار ايتديلر و پيغمبرلرينه عاصی اولديلر و هر جبار عينك سوزينه اويديلرده دنيا ده و عقبا ده لغته هدف اولديلر بيلكيز كه عا د قومی ربليرني انكار ايتديلر و هود قومی اولان عا د بو صورتله رحمت اللهيه دن اوزاق دوشديلر .

پيغمبر (صالح) ك اهل حجره بعثدن ده ينه سورة اعراف ايله سورة هودده بحث اولومشدر . هرايكي سورة ده كي اخبار ، عینی مألده در . سورة (هود) ده دينليوره كه : « بزئمود قومنه قارده شلری (صالح) ی كوندردك . اونلره ديدی كه : قوم ! اللهه عبا دت ايديكيز سزك ايجون اوندن بشقه اله يوقدر . سزى يردن يار ائدی و سزه يري اعمار ايتديردي . سزه اوندن مغفرت ايسته يكيز و او كا دونكيز ! ربم يقين و محبيدر . ديديلر كه صالح : سنك بوندن اول ايجيمزده بويوك اولاجك مأمول ايدى . سكا نه اولدى كه با بالرمزك عبا دت ايتدكلرينه پرستشدن بزى نهی ايديليورسك ! بزء بزى دعوت ايتديك شي ده بويوك بر شبه ايجنده يز ! صالح ده جواباً ديدی كه قوم ! كوريبورميسكيز ؟ اللهدن برهانه نائل اولمشكن امر تبليغ ده عصيان ايدرسه م اللهك عذابندن بنی كيم قورتاراييلير . حقمده آنحق خسرا نی آرتيرر . قوم ! بو ناقة للهدر . سزه بر آيتدر . براقكيز يريوزنده اوتلاسون او كا بر فئالق ايمه بيكيز . صوكره عذاب عاجله او غرا رسكيز . حالبو كه اونلر ناقة نك بجاغتك دامارني كسوب اولديرديلر . صالح اونلره اولرپكيزده اوچ كون ياشاپكيز . بو وعدده خلاف يوقدر . ديدى . اونلر حقنده كي امر يمز صادر اولتجه صالحی و اونكله برابر ايمان ايدنلری فضل و رحمتيزله خلاص ايلدك . الله امرنده قوی و عز بزرر . ظالملری شدتلی بر صيحه ياقالادی . اولدقلى رده ييقلوب هلاك اولديلر . بيلكيز كه نمود اللهه كفر ايتمشدى . او ده رحمت رحماندن اوزاق قالدی . »

سوريه - حجاز ده مير يولى اوزرنده كي (تبوك) ايله بحر احمر آره سنده (عقيبه) كوروزينه قدر امتداد ايدن و قديماً (مدين) دينيان ساحه ده ساكن اولان (اصحاب ايكة)

یهدده پیغمبر (شعیب) ك مبعوث اولدیغی ینه کتب مقدسه ده خبر ویریلدیکده در [۱]. حضرت (موسی) ایله معاصر اولان (شعیب) ، (تورات) ده (پترو) نامیله یاد ایدلمشدر. قرآن کریم ده کندیسندن (سورہ اعراف) ك سکسان دردنجی و متعاقب آیتلریله (سورہ هود) ك سکسان اوچنجی و متعاقب آیتلرنده بحث ایدلمشدر . هرا یکی سورده کی آیتلر مآلاً متحد اولدیغندن یالکیز (سورہ هود) ك اخباراتی بروجہ آتی قید ایدیوروز :

« بز ، مدینه قارداشلری شعیبی کوندردك دیدی که قوم ، الله عبادت ایدیکنز ! سزك ایچون اوندن باشقه اله یوقدر . کیله و ترازیکیزی نقصان یامایکنز بنده سزی خیرده (نعمت ورفاهده) کوریوروم و بن سزك اوزر کزه عذاب آخردن قورقوروم . قوم ؛ کیله و ترازیی انصافله تاماملایک . خلقه اشیا لینی نقصان ایریشدیرمه بیکنز . ریوزنده فساد ایدمه رك کوتولک ایتمه بیکنز . اگر مؤمن ایسه کز اللهك مباح قیلدینی شنیلر سزك ایچون دها خیرلیدر . بن سزی قنالقدن صیانت ایدمه نم . دیدیلر که ، شعیب ! بابالریمك عبادت ایتدیکی اونانی ترك ایتمکی و مالزده ایسته دیکنز کی تصرف ایتمکی سکا قیلدیك نمازی امر بیویور ؟ سن نه قدر حایم و دوغرو معاملهلر سزك ؟ ... شعیب دیدی که قوم ! سزنه دیرسکنز ؟ بکا ربك برهانی کلش و ربم نبی رزق حسن ایله مرزوق ایلمش ایکن اونك امرینه مخالفت ایدمه بیلیرمی ؟ سزی برشیدن نهی ایدوبده کندم خلاقدنه بولونمق ایسته تم . قدرتمك یتدیکی قدر اصلاح ایتمك ایسترم . نائل موقعیت اولمقلم آتجق اللهك هدايته وابسته در . بن هر ایشمی اوکا تفویض ایتمم . دائماً اوکا مراجعت ایدهرم . قوم ، بکا اولان عداوتکنز سزی نوح قومك ویا هود قومك ، ویا خود صالح قومك دوچار اولدقلری مصیبتنه سورو کله مه سون . حالبوکه ، لوط قومی سزدن يك اوزاق دکلدر . ربکنز دن مغفرت ایسته بیکنز و اوکا دونکنز . ربم اسیر که یجی و دوست طویحیدر دیدیلر که ، شعیب ! سو بیلدیك شیلردن چوغنی اکلایوروز .

سفی آرازنده بك ضعیف کوریوروز . اگر قبیلهك اولسیدی سنی طاشلار ایدك . سن آرازنده قدری یوکسك دکاسك ، شعیب دیدیکه قوم ؛ عندکنزده قبیلهم اللهدن دها عزیز میدرکه ، اونك امرینی آرقهیه آتدیکنز . بنم ربم ایشله دیککنز شیلری محیطدر . قوم ؛ طوریکز وجهله ایشله بیکنز [هلاکه وابطال دیخه چالیشکنز] بنده ایشلیورم [چالیشیورم] . یاقینده کیمک رسوای ایدن عذابه دوچار اوله جغنی و کیمك کاذب اولدیغنی

[۱] اصحاب آیکه خورماق و قورولق خلقی دیمکدر .

او کره نیرسکیز . منتظر اولکنز بنده سزکه برابر انتظار ایده جکم . امریمز کلنجه ، شعبی و کندیسیله برابر ایمان ایدنلری لطف و کرمزله خلاص ایتدک . ظلم ایدنلری ده صیحه یا قالادی . اولرنده جانسز یوز اوستی یره دوشمش اوله رق صباحلادیلر . صانکه اودیارلره هیچ کله مشلردی . بیلکنز که نمود قومی ناصل رحمت الهیه دن اوزاق دوشدی ایسه مدین قومی ده رحمت الهیه دن اوله جه اوزاق دوشدی . .

مدین ، یمن دن فلسطین ، مصر و بحرسفید سواحلنه ایشله بن تجارت کاروانلرینک کذرکاهی اوزرنده بولونمق اعتباریله ایشلک بر مرکز تجارت زنکین بر عملکت ایدی . یمن ده کی معینلر ، سیایلر دورنده اولدینی کبی انباطیلر زماننده ده (مدین) تجارتگاه برشهره ایدی . نقل ایتدیکمز ایتلرده بونلره کیله و ترازیلرینی دوغرو طوئالرینک ، اموال خلقی ضیاعه اوغرا تمسزین تمامیله صاحبیرینه و یرمه لرینک امر ایدیلش اولسی شایان دقتدر . چونکه بو ایتلرده مدین خلقنک تجارت خصوصنده پک ایلری کیتدیکنه دائر تاریخک و یردیکی معلوماتی تأیید ایتمکده در .

عربلره مبعوث اولان پیغمبرلر حقنده زمان رسالته دوغرو عربستان سکنه سنک خاطره سنده قالان شیلرک پک مهیم و پک محدود اولدینی آ کلاشیلدور . بو مهیم خاطره نک ده آنجق (مکه) و (یترب) کبی نیم حضری منطقه لره منحصر اولدینی قبول ایدیله بیلیر . احتمالکه (مکه) و (مدینه) نک نیم حضری سکنه سی بومهم خاطره بی اجدادی بر مقبیه اوله رق دکل یهودیلره تماس نتیجه سنده ایدینه شلردی . مکه نک تجار سکنه سی طرفدن صیق صیق تجارت قافله لری کوندربلدیکی بو قافله لرک یهودیلره مسکون اولان مدینه طریقیله کیدوب کلدکاری دوشونیلیرسه بو احتمال داها زیاده شایان قبول کوروله بیلیر . عربلرک هود ، صالح و شعیب حقنده کی خاطره لری اجدادی بر عنغه بقیه سی اولسیدی بو خاطره آره سنده اولنرک نشر ایلدکاری دینک بعض ایزلری ده محافظه ایدیلش اولمق ایجاب ایدردی . حالبوکه مضبوط خاطره لرده بویله بریز بولمق ممکن دکلدور .

پیغمبر (ابراهیم) ایله اوغلی (اسماعیل) ده دائر جاهلیه قریشلری آره سنده منتشر اولدینی روایت ایدیلن خاطره بی ده بوماهیته عد ایده بیلیرز . قرآن کریم ده پیغمبر (اسماعیل) ک یالکنز رسالتدن بحث اولونمش ، روایت ایدیلن مقبیه تماس ایدیله مشدر [۱] دور رسالته نسبتله مؤخر زمانلرده یازیلش اولان بعض مؤلفانده عربستانده اسملری قرآن کریم ده مذکور اولیلان دورت پیغمبردن داها بحث ایدیله مکده در . (خالد بن سنان

العربی) ، (حنظله بن صفوان حمیری) ، (شعیب بن ذی مہرم) و (موسی بن میشا) اسمارندہ اولان بویغمبرلردن برنجیسنک زمان رسالته قریب بردورده گلش اولدیفنی روایت ایدیلکده در [۱] . فقط ، پیغمبر عیسی ایله آره لرنده هیچ برنجی اولدیغنه دائر حضرت محمدہ اسناد ایدیلن حدیثہ نظرأ (خالد بن سنان العبسی) نك رسالتی مسئلہ سی شہہ یہ دوشمکده در [۲] . حضرت محمدك نشر دینیہ باشلامش اولدیفنی زمانلرده برحیات اولسی ویا خاطرہ سی اونوتولیمہ جق قدر یاقین برتاریخده وفات ایتسی ایجاب ایدن برپیغمبر اسمنك بدایت اسلامہ عائد وقوعات آرسنه قاریشمامش اولسنہ امکان یوقدر . حضرت محمدله معاصر دیکر برعرب پیغمبری گلش اولسیدی ، رسول اکرمك رسالتی بردزلو آکلایہ میان قریش ، بونی ده (خالد بن سنان) کی هیچ برایز برافامادن سونوب کیده جک بر شخصیت عد ایدر و او قدر تلاش واندیشہ یہ دوشمزلردی . بالکس حیات رسالتی مرفقیتمزلکله سونن (خالد بن سنان) دن صیق صیق بحث ایتک صورتیله حضرت محمدی نومیدی یہ سوروکلمکک چالیشہ جقلردی . حالبوکه بدایت اسلام وقوعانی آره سنده پیغمبر (خالد بن سنان) کی براسمه هیچ تصادف ایدیلہ مکده در .

(حنظله بن صفوان) ایله (شعیب ذی مہرم) و (موسی بن میشا) یہ کلنجه ؛ بونلرک زمان رسالته نسبتله داها اول دورلرده گلش اولدقلمری آکلایشلمقدمه در . روایت کوره (قحافه) اسمیلده یاد ایدیلن (حنظله) ، نمود قومی بقیہ سندن (اصحاب رس) دنیان قومه ، (شعیب بن ذی مہرم) بن ده (حضور) بلده سی سککنہ سنہ ، (موسی بن میشا) ده ینہ بن ده (سحول) اها لیسنه بعث ایدیلشلردر . فقط بوروایتک ده بالآخره ظهور ایتش اولدیفنی تخمین ایتدیره جک قوتلی سبیلر واردر . هر حالده جاهلیہ دوری عربلری آره سنده بویله برعنتمہ موجود اولدیفنی قناعتنی ویره جک هیچ برقید یوقدر .

[۱] روایت ایدیلن بوحدیث [انا اولی الناس بعیسی بن مریم فانه لیس بینی وینہ نبی] در . خالدك رسالت خبرنی دوغرو کوسترمک ایستہ یئلر حدیث ده کی (نبی) بی (خالق الله دعوت ایدن نبی شارح) دیہ تأویلہ قیام ایتشلرسده بوتأویلك معاضلنی بک واضحدر .

[۲] محی الدین عربی (فصوص) ده (خالد بن سنان العبسی) نك کریمہ سی حضرت محمدی زیارت ایتش اولدیفنی ورسول اکرمک کندیسینی [مرحبا یا بنت نبی اضاعه قومه = قومی کندیسینی ضایع ایدن پیغمبرک قیزی ، خوش کلدک !] التفاتیلہ قبول ایدیلکنی قید ایتمکده در . فقط بوروایتی قبول ایتک ایچون قوتلی هیچ برسبب یوقدر . بالکس (محی الدین) ک روایتک منشأندن سکوت ایتسی و عربستانک زمان رسالته قریب وضعیتی روایتک صکره دن اوبدورولمش اولدیفنی ادعا یہ قوتلی برسببدر .

یوکا کوره ، روایتک منشانی دور اسلامده ونسبتاً مؤخر برزمانده آرامق ایجاب ایتمکده در .
 بوروایتک (حظه) به عائد قسمی (سورة قاف) ک اون ایکنجی آیتک [۱] تفسیرندن
 ﴿ شعیب بن ذی مهرم) ایله (موسی بن میشار) ه عائد قسمی ده (سورة انبیا) ده کی
 برآیتک [۲] تفسیرندن چیقمش اولدینی شه سزدر .

حنیقلر

اسکی مورخلردن (ابن اسحق) ه اسنادله (ابن هشام) ک نقل ایتمدیکی حنیقلر
 منقبه سی اسلامک ظهور و خارقه تما موفقیتنی بردرلوا حاطه ایده مهین بر قسم ضرب مورخلری
 ایچون کوزل بر وسیله تغلیط اولمشدر . اسلام تاریخنه عائد مشهور بر اثر یازمش
 اولان (سپه نکر) بومنقبه یی اساس اتخاذا ایده رک اسلامک منشانه دائر اورتیه غریب
 بر نظریه آمشدر . بونظریه تک قیمتق تدقیق ایتمدن اول مسلمان مؤلفلری طرفندن
 صافدلانه نقل ایدیلمن واک بسیط برانتقاده بیله تحملی اولیمان بومنقبه تک ده منشای (دس
 بن اسحق) نامنده برذاته منتهی اولمقده در . (دس بن اسحق) ک نقل ایلمدیکی بومنقبه یی
 (ابن هشام) شو صورتله قید ایتمکده در . « قریش ، هر سنه معین بر کونده صنم لرندن
 برینک اطرافنده طویلانه رق شلک یپار ، شرقنه قربانلر کسر ، درین بر حس تعظیم ایله
 اطرافنی طواف ایدرلردی . قریشک بر معتاد بو آیینی اجرا ایتمکلی کونلردن برنده
 (ورقه بن نوفل) ، (عبدالله بن جحش) ، (عثمان بن حویرث) و (وزید بن عمر)

[۱] سورة قاف ده کی آیت شودر : (کذبت قبلهم قوم نوح واصحاب الرس و نمود و عاد وفرعون
 و اخوان لوط واصحاب الایکه و قوم تبع کل کذب الرسل فحق وعید) بو آیتده بحث ایدیلمن قوملره
 عبوث پیغمبرک اسملری قرآن ده مصرحدر . یالکنز (اصحاب رس) ه بحث ایدیلمن پیغمبرک اسمی
 مذکور دکدر . تک کوزل آکلاشیلورکه مفسرلر (اصحاب رس) ه عبوث پیغمبرک اصحاب اسمک
 مجهول قالماسنی موافق کورمه مش واحتمالکه اسرائیلی بعض تلقیات تأثیرله بو پیغمبرک حظه اسمنده
 اولدینی و قومک بوذاتی دیری دیری قویو ایچنه آتهرق آغزینی طاشله اوردوکلری حقدنه کی منقبه
 بو صورتله ظهور ایتمشدر .

[۲] سورة انبیاده کی (وکم قصمنا من قریه کانت ظالمة وانشأنا بعدها قوماً آخرین - ظلم
 وتمدی ایدن نیجه ممالک اهلینسی محو واننا آیتک واونلرک مقامنه باشقه نسلدن قوملر خاکی و اقامه
 آیتک) آیتی تفسیر ایلمدیکن احا ایدیلمن قریه لک سبب احاسنی ایضاح ایچون بونلره بوایی پیغمبرک عبوث
 اولدینی وعدم اتقیادلری اوزرینه احا ایدلکلی منقبه سی علاوه اولومشدر . بوراده کی (موسی
 بن میشا) اسمک عبرانی براسم اولسی و منقبه تک ابن عباسه عطف ایلمه سی اسرائیلی منشأنک قوتلی
 عشانه لیدر .

اسمنده دورت ذات برلشوب برکناره چکلدیلر . یكدیگرینه « کوریمورسکنزیا ، قوممز ضلالتده قالمش ، بابالری ابراهیمک مذهبنی اونوتمشلر بزده اونلرکی کوروب ایشتمهین ، هیچ براییلک و فئالقه قادر اولیان برقا پارچه سنک اطرافنده دونه بیلمیری بز ؟ بزکندیزمه بر دین آرایلم ! » دیدیلر بونک اوزرینه مملکتلرنی ترک ایده رک هربری بر طرفه طاعیلدی .

دین حنیفی آرامغه کیتدیلر ۱۲۰۰ [۱]

منقبه بی تنقیده لزوم کورمکسزین عیناً قید ایدن اسکی مسلمان مورخلر بونلره (حنفاء اربعه) دیورلر . بوهؤلفلره کوره حنیفلر دین اسلامک مبشرلریدر . کویا بونلر آره سنده محف ابراهیمدن بعض شیلر محفوظ قالمش اولدیغندن موسویت و عیسوتی رد ایده رک دین حنیفی تحری ایدرلر مش ! .

(سپره نکر) مسلمان مورخلردن بعضیلرینک شو روایتلرینه استناداً حضرت محمددن اول عربستانده دینی بر حرکت اولدیغی و حضرت محمدک ماهرانه بر قورمازلق و شدتلی بر عزم و اراده ایله خلقک عمومی اولان بویولده کی حسیاتی کندی شخصی منافعی لهنه چویوره رک اوکا محروم بولندیغی شکل واستقامتی و یردیکنی ادعا ایلمشدر . (سپره نکر) کوروپاده پک زیاده تعمیم ایدن مطالعه سنه کوره حضرت محمد حنیفلرک تمثیل ایتدکاری بوعومی حسیات دینه یه معین بر شکل واستقامت و یره رک اونو بویوک بر سیاسی قوته قلب ایش ، الهی اسباب عالیه پرده سی آلتنده آمال سیاسی و دنیوییه توجه ایلمشدر . بناء علیه عربلره ایران ایمراطورلغنی سر ننگون ، شرقی روما ایمراطورلغنی پریشان ایتدیرن حمله رک سرینی اسلامیتده دکل ، اسلامدن اولکی بوعومی حرکات دینه ده آرا میدر . سپره نکرک شو نظر به سنه کوره حضرت محمد بر شارع دکل ، وضعیتدن استفاده ایتمکده بویوک بر مهارت کوسترن علی العاده بر سرگذشتجودر . معاصر ی بولونان حنیفلرک افکار و قناعتلرنی بنمسه یره رک عربلر آره سنده عمومی حرکت دینه یه قوتلی بر انکشاف و یرمش ، متصف اولدیغی عزم و اراده سجیه لری سایه سنده مدینه ده دینی بر سلطنت قورمشدر .

(سپره نکر) ک بوکوانسچ نظر به سی اسلامک ناشرینه قارشى سونمز بر کین و خصومت بسله ین محیطلرده بر آراتق بویوک بر رغبت قازانمش ایسه ده صوک زمانلرده (غولدیهر) و (له ثونه قانتانو) کبی مشهور مستشرقلرک ایندی ردکاری ضربه لرله بر دنبره ییقلمش ، وماهیقی میدانه حنیقمشدر .

[۱] شایان دقتدرکه محمد بن جریر الطبری بومنقبه دن هیچ بحث ایتمه مشدر: بوده منقبه نک شایان اعتماد اولدیغنی کوسترن بر سیدر .

اسلامدن اول عربستانده دینی بر حرکت باشلامش اولدینی حقیقده کی سوزلر، بالآخره رواج بولمش افسانه لردر . عربستانک اسلامدن اولکی احوال و شرائطی حقیقده کی تاریخی تدقیقات (سپرنکر) ک بوغریب نظریه سنک هیچ بر اساس تاریخی به استناد ایتدیکنی اثبات ایلشدر . بوتاریخلرده وسطی و شمالی عربستان قبیله لری درین بر جهالت او یقوسنه طالمشلردی . یوکسک بر تکامل فکری به مقترا اولان مابعد الطبیعیات ساحه سنده بر حرکتک بوجاهل عربلر آره سنده انکشافی ادعا ایتک ، بشریتک حرکت فکریه تاریخی انکار ایتک دیمکدر . حنفاء اربعه منقبه سی کی صوکره دن ترتیب ایدیش اولدینی پک واضح اولان بر منقبه به استناداً مطمئان نظریه لر قورمغه قالمش ق تاریخله استهزادن باشقه نه اوله بیلیر؟ .

اسلامدن اول مکه سکنه سی و یادیکر عربلر آره سنده دین ابراهیم دیه پوت برستلکدن آیری بر دین طانیلمش اولسیدی حضرت محمد صنملره و مشرکلیکه هجوم ایتدیکی زمان قریشلر او قدر متأثر اولمز ، اسلامیتده کندیلرینه او قدر یابانجی کورونمزدی . عربلرده پوت برستلکدن باشقه بر دین احتیاجی بولومش اولسه ایدی ، حضرت محمدک مکه ده اون سنه دوام ایدن نشریاتی ، مدینه به هجرت مجوریتله نتیجه لشمش اولمزدی . بوتون وقوعات اثبات ایدیورکه عربستانک دیگر اقسامنده اولدینی کی (مکه) ده ده پوت برستلکدن باشقه بر دین احتیاجی طوبولموردی . مادیت پرست و تجارتنجی قریشلر مابعد الطبیعی موضوعلری خاطر لرینه بیه کتیر میورلردی . بناء علیه آره لرنده (دین حنیف) دیه مشرکلیکدن آیری بر جریان دینی یوقدی . حنیف لفظنک معین بر شکل دینی بیرولیکی معناسنده ایلک دفعه قرآن کریمده ایراد بویورلمش اولدینی قطعی عد ایدیه بیلیر . بوکله قرآن کریمده آلتی دفعه مکی و آلتی دفعه ده مدنی سورهلرده اولوق اوزره اون ایکی دفعه ذکر ایدیلشدر . فقط آیتلردن هیچ برنده بوندکه جاهلیسه دورینه عائد بر جریان دینی قصد ایدیله مشدر . بلنکه بوکله آیتلردن سکزنده ملت ابراهیمی و یا دین ابراهیمی تصویر ایچون ایراد بویورلمش ، دیکرنده ایسه یا حضرت محمد قصد و یا (مسلم) مرادنی اوله رق ذکر ایدیلشدر [۱] .

[۱] حنیف لفظی ، سامی لهجه لردن آرامی ، عبرانی سریانی و عرب لسائلرنده موجوددر . اوج اولکی لهجه لرده معنای ده بر برینک عینی کبیدر . (له تونه قائلانو) نک افاده سنه کوره آرامی و عبرانی لسائلرنده حنیف ، اخلاقسز و دینسز ، سریانی لهجه لرنده ایسه مردار معناسنده در . بالآخره یالانجی ، مرانی و مشرک معناسنده قوللانیلمشدر . خرسیتیان سریانیلر (حنیف) و صغیله خرسیتیان مذاهب معتزله سنی قصد ایلشدر . عربجه ده ایسه حنیف ، ضلالتدن استقامته میل معناسه اولان الهیات مجموعه سی صافی ۳

قرآن كرىمده پېغمبر ابراهيمه (حنيف) وصفى ويزبايركن مشارالېك يهودى ، نصرانى و مشرك اولديغى تصريح ايديلك صورتيه بولفظ آريجه توضيح ايديلمشدر . يوتوضيح ، حنفاء اربعه منقبه سنك بالاخره و دوشونولكسزىن تصنيح ايديلمش اولديغى كوسترمكده در . چونكه حنفاء اربعه دينلن ذواتده بوسلبي و صفلىر موجود دكلدر . كرىجه منقبه ده بونلك بوتلره برستشى معناسز كوردكلرى ذكر ايديلكده در . فقط بونلردن اوچك خرسىيان ديننده اولدقلىرى تاريخاً معلومدر [۱] . (زيد بن عمرو بن نفيل) ك حنيفةكى حنفيه نقل ايديلمن منقبه ايسه عرض ايتديكى منظره تضادله كندى

(حنف) دن مشتهدر . بوتلردن اوزافلاشهرق آله واحده ايتانان كيسه ديمكدر . قرآن كرىمده حنيفة ايله قصايدېلمن ذوات يا پېغمبر ابراهيم ويا حضرت محمد ويا خود آله واحده برستش حصوصنده اونى تعقيب ايدن مسلمانلردر . بوخصوص حنيفة لفظى احتوا ايدن بوجه آنى ايتلردن اكلاشيلمقده در .

۱ . — ماكان ابراهيم يهودياً ولا نصرانياً ولكن كان حنيفا مسلماً [سورة آل عمران ، ۶۶]

۲ . — قل صدق الله فأنبعوا ملة ابراهيم حنيفا وما كان من المشركين [سورة آل عمران ، ۹۵]

۳ . — ومن احسن ديناً ممن اسلم وجهه لله وهو محسن واتبع ملة ابراهيم حنيفا واتخذ الله ابراهيم خليلاً [سورة نسا ، ۱۲۳] .

۴ . — انى وجهت وجهى للذى فطر السموات والارض حنيفا وما انا من المشركين [سورة انعام ، ۷۹] .

۵ . — ان ابراهيم كان امة قانتاً لله حنيفا ولم يك من المشركين [سورة نحل ، ۱۲۰]

۶ . — ثم اوحينا اليك ان اتبع ملة ابراهيم حنيفا وما كان من الشركين [سورة نحل ، ۱۲۳] .

۷ . — وقالوا كونوا هوداً او نصارا تهتدوا قل بل ملة ابراهيم حنيفا وما كان من المشركين [سورة بقر ، ۱۳۶] .

۸ . — قل انى هدانى ربى الى صراط مستقيم ديناً قيماً ملة ابراهيم حنيفا وما كان من المشركين [سورة انعام ، ۱۶۱ - ۱۶۲] .

۹ . — فاقم وجهك لادين حنيفا [سورة روم ، ۳۰]

[۱] حنفاء اربعه دينلن ذواتدن (ورقه بن نوفل) رفيقه نبوى حضرت خديجه نك عم زاده

سيدر . مورخلر بوذاتك شامه كيدرك خرسىيانلى قبول ايتمش اولديغى خبر ورمكده در . حضرت محمدك بعثته يتشمكك برابر خرسىيان ديننه صادق قالمش ، مسلمانلى قبول ايتمه مشدر . منقبه نك توصيفى كى ورقه حنفا دن اولسه ايدى ، ثلث تلقين ايدن خرسىيانلى قبول ايتز ، ايتسه ده حضرت محمدك آله واحده دعوته باشلا ديغى كورنجه در حال اسلامى قبول ايتمش اولسى ايجاب ايدردى . منقبه بى نقل ايدنلر ورقه نك ناصيل اولوبده اسلاميت قبول ايتديكى وخرسىيان ديننده ترك حيات ايتديكى ايتضاح ايدمه مشلدر .

عبيدالله بن جحش ده حضرت محمدك عمه سنك اوغلى ايدى . بوده بعثت نبويه دن اول خرسىيانلى

قبول ايتشدى . بعثتى متعاقب اسلامه كيردى . زوجه سى (ام حبيبه بنت ابى سفيان) ايله برابر

کندیسه قیمتدن دوشمکده در . فی الحقیقه منقبه ده دینیلورکه : « زید ، زوجہ سی صفیہ بنت حضرمی) بی معاتبه ایدردی . اوده زوجنک دین ابراهیم اولان حنیفیتی تحری ایچون سیاحتہ نه وقت حاضر لانسہ عموجہ سی (خطاب بن فوفل) ه خبر ویرردی . خطاب ، قومنک دینی ترک ایتدیکی ایچون دایما (زید) ه عتاب ایدردی . نه وقت بر آشبت ده بولونه جق اولورسه خبر ویرمک اوزره (صفیہ) بی توکیل ایتشدی . حتی (خطاب) قومندن برینی کندی مسلکنه اقناع ایتسون دیرهک اونی مکہ خارجه چیقاردی . عودتنه بماعت ایچون مککنک آباق طافنی تسلط ایتدی . زید ، بونلردن نه وقت فرصت بوله بیلیرسه همان مکبه داخل اولوردی . شاید کلدیکنی کورورلرسه (خطاب) ه بیلدیرلر وینه اذا وجفا ایله اخراج ایدرلردی . . . »

حالبوکه بو منقبه ده بک واضح ایکی تضاد کوزه چاریمقده در . اولاً ، (زید) ک حنیفیتی تحری ایتک اوزره سیاحتہ چیقمسنه یعنی مکدن آریلانسہ بماعت ایدیلدیکی خبر ویریلکده در . فقط بر آرز صوکره بو سطرلر اونوتیلهرق (زید) ک قبیله سی افرادی کندی مسلکنه جویرمه سی ایچون مکدن چیقاریلدینی سویله نیلمکده در . حنیفلر روایتی نقل ایدنلر بو ائناده عربلر آره سنده بر انتباه دینی باشلامش و پوترله عبادتک معناسزلنی آکلاشلمش اولدیغنی آریجه تصریح ایتکده درلر . اکر بویه اولسیدی ، (زید) ک

حبشستانه هجرت ایتدی . فقط حبشستانه کیتدکن صوکره مسلمان اولدیغنه پشمان اولدی . زوجہ سنه « بن دینلری تدقیق ایتدم . خرسیتیانلی مرهج کوردم . اولجه ده بو دین ده ایدم . شمدی ینه بودینه دونه حکم « دیرهک ارتداد ایلدی . بک چوق سودیکی سرخوشلغنه آتیلدی . حتی (ابن اسحق) ک روایتنه کوره بو آدم تنصر ایتدکن صوکره حبشستانه کیتمش اولان مسلمانلره تصادف ایتدیجه « فقحنا و صأصأتم » یعنی بز کوزیمزی آچدق ، سز حالا کوزلریکزی قیرپشدریورسکز . لکن ضیایی کورمیورسکز . « دیرهک استمزا ایدرمش . عبدالله مهاجرینک مدینه یه عودتدن اول حبشستانده فرط عشرتدن تولدی . زوجہ سی (ام حبیبه) اسلام دیننده ثبات ایتشدی . حضرت محمد ، عودتنده کندیسی تزوج ایلدی .

همان بن حویرث ، اسمی کچن (ورقه) نک عم زاده سی ایدی . کندیسی مختص بر آدمدی . سوریه یه کیدرک تنصر ایلدی . صوکره استانبوله کیتدی . جنوبی عربستانک ایران کسراسی طرفندن ضبط ایدیله سنه مقابل امپراطورکده شمالی عربستانی ضبط ایله سی فکرینی نشره باشلادی . عثمانک ملت و وطننه قارشلی بو اهااتی ارتکابنه . سبب برکلام قایمقدی . امپراطوردن سوز آلدی . فقط املنه نائل اوله مدی . زهرلنهرک تولدی .

زید بن عمر بن نفیل ، حضرت عمرک عم زاده سی وعشره مبشره دن (سعید بن زید) ک پدری در . حنفادن صاییلانلردن خرسیتیان اولیان یالکز (زید) در . بو آدمده سوریه یه ، عراقه کیتمش فقط خرسیتیانلی قبول ایتهمش بالاخره حجاز حدودنده قتل ایدیلشدر .

بونلره عبادتدن استنکاف ایدرک حقیقی آراماسی عموجه سی خطاب طرفندن طبیعی کورولمک ایجاب ایدردی .

بوتون بونلر کوستریبورکه سیر و تاریخ کتابلرینه کچمش اولان حنفاء اربعه منقبه سی صورکه دن ترتیب ایدیلشدره . منقبه لر بزه یالکنز شونی آکلاتیورکه حضرت محمد دعوی نبوته باشلامادن اول و صکره وطنداشلرینک اعتقاد و عبادت لرینی بکنمه یین بعضی آدملر بولونیوردی . بونلر . بت پرستلکی بکنمه دکلی ایچون یا خرسستیان اولمش و یا خود دین و آیین خصوصنده قوملرندن آریلشلردی . بعضی مفسرلر ایسه قرآن ده کچن و پیغمبر ابراهیمی توصیف ایدن (خیف) گلگه سی تفسیر ایدرکن بودوات حفته کی روایتلری نخطره ایشمش ، بوتلره عبادت ایتمکدن چکینن بو آدملرکده خیف یعنی دین ابراهیم پیروی اولدقلرینه حکم ایتشلردر .

قبل الاسلام خارجدن عربلر آره سنه کیرن دینلر

عربستانک وسط طرفلریله حجازک مکه حوالیسی ، وضعیت ارضیه اعتباریله اقوام سائر ایله تامسه مساعد بولونمدیغندن بورالرده ساکن اولانلر باشقه دینلرک تاثیر آلتنده قالماملشدره . فقط شبه جزیره نک شمال غربی و شمال شرقی منطقه لریله جنوب طرفلرینک دینی مقدراتی بویله اولمامشدر . بورالرده اوطوران عربلر ، صابئیلک ، یهودیلک ، خرسستیانلق ، مجوسیلک و براهانیزم کبی مجاور قوملره عائد خارجی دینلرک تحت تاثیرنده قالماملشدر :

صابئیلک . — صابئی مذهبی اسکی بابیلره ، ایرانلره ، یهودیلره و خرسستیانلره . عائد افکار دینه نک عجیب برخایطه سیدر . قرآن کریم ده صابئه دینلن بومذهب پیرو لرینه (ماندائیلر Mandéens) دینلمکده در . بواسم ، (علم و عرفان Science) معناسی افاده ایدن و یونانجه (غنوسیس Gnosis) لفظنه مرادف اولان (ماندا Manda) گلگه سندن . آلمشدر . دینک که صابئیلر ، غنوسیتیکلردر .

صابئیلر حفته مؤلفات اسلامیه ده خیلی معلومات ویریلشدر [۱] . بدایت اسلامده .

[۱] کتب اسلامیه ده صابئه مذهبنک منشأی حفته مختلف روایتلر کورولمکده در . بونلردن علمی بر قیمت و بر مک امکانی یوقدر : صابئیلرک پیغمبر (نوح) دیننده اولدقلری بولنده کی روایتله ، بونلرک (شیت) ک اوغلی (صابی) دن کلنکاری و الازنده کی کتابلرکده صحف شیت اولدیفی روایتی بوقیلهدر . بر قسم مؤلفلرده صابئی اسمنک عبرانجه (کوکب) معناسنه کنن (صبا) لفظندن کلدیکنی یازماملردر . زمحشری ، صابئیلرک اهل کتابدن بر فرقه

بونلرک باشلیجه مرکزی (اورفه) نك اوتوز بش کیلو مترو جنوبنده و (جلاب) شهرى اوزرنده کی قدیم (حران) شهرى ایدی . الیوم (بغداد) ک جنوب حوالیسینده و (حله) ، (کر بلا) جهتلرنده صابئه مذهبنه تابع انسانلر واردر . بونلرک (چیزا Ginza) دینیلن بر طاقمه مقدس کتابلری موجوددر . بو کتابلرک اساسی ساسانیلر دورینه قدر چیقمقدهدر . (چیزا) ده بونلره (نازوراجه Nāsōsājé) اسمی ویریلکدهدر .

ماندائیلرک باشلیجه عبادتلری و افتیزلکدر . بو سیدن بونلره و افتیزجی صابئیلر دینیلمکدهدر . ماندائیلر ، و افتیزه رعایتکار اولقله برابر خرستیانلرک دشمنیدرلر . بونلرجه حقیقی پیغمبر (یحیی) در . عیسی ایسه یالانجی پیغمبردر . نظرلرنده بکارلق مذموم ، هر نوع رهبانیت منفوردر . اکمهکه بر نوع قومونون یاپار و بعضاً اکمهکه شراب قاتارلر . معدلرینی دائماً (جوردن Jourdain) دیدکاری آقارصولر کنارنده انشا ایدرلر . بومعدلره آنجق راهلر کیره بیلیر .

صابئه مذهبنده (یحیی) نك تلقیناسدن بعضی شیلر بولونسی مستبعد دکدر . فقط عذهبک ادوار تاریخیه ده عرض ایتدیکی شکل ، ذکر ایتدیکمزدینلردن مقتطف برخلیطه دن باشقه برشی دکدر . موجود کتابلری ده بونقطه نظر دن شایان تدقیقدر . چونکه بو کتابلر ده میلاد عیسی دن اول بابلده ، ایرانده و سوریه ده کی دینی تلقیلرک رسوبلرینی بوله بیلیمک امکانی واردر . بر زمانلر کلیسا نك مدهش هجوملرینه معروض قالان غنوستیکلرک صابئه مذهبندن ماهم اولدقلری شهبه سزدر . حتی میلادی ۲۴۲ تاریخلرینه دوغرو ایران حکمداری برنجی (شاپوری) ماندیخه نیزم دینیلن دینی قبوله دعوت ایدن مشهور (مانی) بیله بدایتده صابئه مذهبنه منسوب بولونیوردی .

صابئیلک ، عرفانی و خرافی ایکی شکل عرض ایتمکدهدر . عرفانی صابئه ده کلدانیه فیلسوف و راهلرینک اینجه فکیرلری کورولمکدهدر . اسلام فیلسوفلری طرفندن ده آلتمش اولان عقول افلاک نظریه سی بونلرک اثریدر . عرفانی صابئیلره کوره وجود بشرکی اجرام ده برر روجه ، تمیز دیکرله عقوله مقدردر . عقولدن هر بری کندینه عائد کره دن عالم ده

اولدقلرینی و یهودیلکدن عدول ایده رک ملکره عبادت اشدکلرینی بیان ایتمکدهدر . امام اعظمه اسناد ایدیلن بر روایتده بونلرک نصارادن برفرجه اولوب (زبور) ی اوقودقلری مرکزندهدر . صابئیلکده یهودیلک و خرستیانلغه عائد بر طاقم افکار بولوندیغه کوره صوک ایکی روایتده منشای برماهیت کوروله بیلیر .

تصرف ایدرلر . اجرام سماویه عبادت اولنلرک حقیقی برر معبود اولدقلری ایچون دکلر معبود حقیقی نزدنده برر شفیع بولوندقلری ایچوندر .

فقط صابئیلکک خرافی شککنده بوايجهلک یرقدر . بالمکس کواکب برر معبوددر . بونک ایچوندرکه صابئیلرک عوام قسمی اورمانلر ایچنده کواکب نامنه هیکلرلر یاپهرق اولنره پرستش ایتک صورتیله برنوع بت پرستلکه دوشمشلردی .

صابئیلکک عربلر آرسنه نه زمان صوقولدیغنی قطعی صورتده تعین ایتک ممکن دکلدر . هر حالده بومذهب عربلرک خارجدن آلدقلری دینلرک اگ اسکیسیدر . جنوب عربلرینک (کونش) ه تعبد ایتدکلرینه دائر اولان روایت ، بومذهب عربستانه صوقولدیغنی زمانه خیلی بر قدم ویرمه مزه مساعددر . جنوب عربلرینک الجزیره دن کلش اولدقلرینی تأیید ایدن و نائق بزه بولنرده کی کونش پرستلکک منشأ و قدیمی ده کوسترکدهدر . فقط شمالی عربلر آرسنده کی نجوم پرستلکی پک اسکی زمانلره قدر چیقارمق ایچون ألمزده هیچ بروثیقه یوقدر . بالمکس بوزمانک میلاد عیسی دن صوکره اولدیغنی قبول ایتدیره جک بر چوق سبیلر وارددر .

شمالی عربلردن صابئی اولدقلری خبر ویریان قبیلهلر ، بنی لخم ، بنی طی ، بنی میسم ، بنی قیس ، و بنی اسد کی بر قاچ قبیله دن عبارتدر . فقط بو بدوی قبیلهلرک صابئه مذهبی تامیله قاورامش اولدقلرینی فرض ایده جک اولورسوق حقیقتدن اوزاقلاشمش اوله جغمزه شبهه یوقدر . بو خصوصده بزه واصل اولان معلومات آنجق بولنلردن بنی لخم (مشتری) یه طی قبیله سنک (بهیل) ، بنی میسمک (دیرانه) بنی اسدکده (عطارده) ه تعبد ایتدکلریندن عبارتدر . حالبوکه مختلف دین و فلسفه لرک خلیطه سی اولان صابئه مذهبی پک قاریشیق و بر بدوینک احاطه ایدمه میه جکی قدر اینجهدر . بونک ایچوندرکه بو قبیلهلرک صابئیلکلرینی عربستانک صنم پرستلکی ایله مزوج و خرافی ماهیتده قبول ایتک ضروریدر . احتمالک بو کوچه قبیلهلر کلدانیه و یا حران طرفلریندن کچرکن یرایلردن عوام قسمک عبادتلرینه شاهد اولمش ، و کندیلری ده بولنری تقلیداً اسکی فه تیشلرینه بر ییلدیزک تمثالی صورتنده تعبد ایتمشلردر . بزه قدر انتقال ایدن بعضی روایتلردن مکه قریشلرینک یالکز صابئه اسمنی ایشیتمش اولدقلری بو مذهبنک ماهیتدن بی خبر بولوندقلری آکلاشیلماقدهدر [۱] .

[۱] عرب تاریخلرنده شوبله بر روایت قید ایدیلکدهدر: «حضرت عمر اسلامه کلدیبی وقت قریش کنجلی کندیسینی لوم ایتمشلردی . حتی بر کون دوکوشمکه باشلامشلردی . صنادید قریشدن (ماص بن وائل سهبی) اورادن کچوردی . غوغالرینک سبینی صوردی . اولزده «عمر صابئی اولمش !»

موسویلك - عربستانه صوقولمش اولان دینلردن اك همی موسویلكدر . بو دین عربستانه خارجدن نفوذ ایدن دینلرك اسکیسی اولدینی کبی تأثیراتی اعتباریله ده اك زیاده شایان تدقیق اولانیدر . موسویلك عربستانه فاسطین - معان طریقله کیرمشدر .

بو طریقله کیرن موسویلك زماناً دها اسکیدر . فلسطیندن سوریه - حجاز آره سنده کی بادییه التجا مجبور اولان یهودیلر واسطه سیله گلش ، تدریجاً اسکی یثرب [مدینه منوره] بلده سنه قدر صوقولمشدر . اسکی عرب مؤلفلری یهودیلرك یثرب حوالیسنه ورودلری پیغمبر موسی دورینه قدر چیقاران بر منقبه قید ایدرلر . فقط بو منقبه یه تاریخی برقیمت ویردیره جك وثائقی مفقوددر: تاریخ، یهودیلرك آنا یوردلری اولان فاسطین دن عربستانه کیدن ایصسز چوللر ده وغر و جگمه لری زمانی آنجی آثوریلر دورینه قدر چیقاره بیلمکده در . بو زمان ایسه ، پیغمبر موسی نك دوری شویله طورسون ، پیغمبر سامانك وفاتندن بیله ایکی بیجق عصر قدر صوکرده در [۱] . نبی اسرائیل حکمدارلری پیغمبر سامانك وفاتندن صوکره تفرقه یه دوشمش ، اون ایکی سبطن یالکیز (یهودا) و (بنیامین) سبطلری سامانك بو یوک اوغلی (رحبعام) ه بیعت ایلمش ، دیگر اون سبط محالفلرك رئیسی اولان (یروبعام) ی حکمدار طائیشلردی . (رحبعام) ی طائیانلر حکمدار سامانك پاتنجی اولان (اورشلیم) ی یعنی (قدس) ی مرکز حکومت اتخاذاشمش ، (یهودا) دولتی نامی آلمشدردی . (یروبعام) ی حکمدار اعلاز ایدن اون سبط ایسه اسکی (سامریه) شهرینی پایتخت یاپه رقه تاریخده (اسرائیلیه) دینان حکومتی تشکیل ایلشدردی . عینی دینه منسوب وعینی عرقدن اولملرینه رغماً بو ایکی دولت بر درلو خوش کچینه میور ، دائمی صورتده بر برلیله مجادله ایدیبورلردی . هرا یکی حکومتکده سقوطنی و یهودیلرك اسارتی انتاج ایدن بومنازعه قبل المیلاد (۷۲۱) تاریخلرینه دوغرو بوس بوتون آرمش ، اسرائیلیه دولتی ، یهودا حکومتی پریشان برحاله کتیرمشدی . مدافعدن عاجز قالان یهودا حکمداری [آخاز] ، او ائنده قدرت وسطوتیله مشهور اولان آثوریه حکمداری ایکنجی [صارغون] دن یعنی [شارو کین] دن استمداده مجبور اولمشدی [۲] . بونک اوزرینه ایکنجی صارغون سوریه نی کچرک (سامریه) [

دیدیلر . خاص بن وائلده وارسون اولسون بر آدم کندینه بر دین اختیار ایش ، سز نه ایستیورسکزه دیهرک اولنری دفع ایتدی» . بومنقبه کوستریورکه قریشلر صابئیلکک نه اولدینی بیلمبورلردی . اونک ایچون اسلامیتی صابئیلک عد ایشلردی .

[۱] پیغمبر سامان ، میلاد عیسی دن ۹۷۶ و یا ۹۶۲ سنه اول وفات ایشدر .

[۲] ایکنجی صارغون قبل المیلاد (۷۲۱-۷۰۵) سنه لرنده حکمران اولشدر .

اوزرينه يورومش ، شهرى محاصره و مصر فرعونيله اتفاقه چالیشان (هوش) ی مغلوب و اسیر ایتمش ، تبعه سنه انواع مظالم یاמש ، یهودیلردن یکریمی بیك کیشی بی اسیر ایدیه رك آتوریه یه کوتورمشدی . ایشه بو ائنده جانلرینی قورتارمغه چالیشان بعضی یهودیلر فلسطین و سوریه نك شرقنده کی چوله قاچمش و عربستانه حدودینه کیرمشلردر .

ایکنجی صارغونك اوغلی و خاتی سناخریب [زین - آخی - ایربا] ایسه فلسطین اوزرینه یورویه رك . [حزقییا] بی مغلوب ایتمش ، یهودیلردن بك چوق اسیر آلمشدی . بو دفعه ده قیلدیج و اسارتدن قاچان یهودیلردن برقم اولکی عرقداشلرینی تعقیباً عربستانه صوقولمشلردر . آتوریه دولتك انهدامندن صوکرده یهودیلر فلسطین ده راحت ایدیه مه مش بابل حکمداری بخت نصر [نابو خودونوسور] ك قهار ضربه سنه اوغرامشلردر . بو فوج ماجرالر ائناسنده تشکیل و اسارتدن قاچان یهودیلر داها امین کوردکری حجازك شمال ضربه سنده کی چوله النجا ایلشلردر . یهودیلرک فلسطین دن عربستانه دوغرو هجرت ایتلرینه سبب اولان تشکیل و مظالم متعاقب عصر لرده دوام ایتشدر . بالخاصه روما ایمپراطورلردن (آدریانوس) . قارشى وقوع اولان قیاملرینك عقامته محکوم قالماسی ، برچوغنك عربستانه چکلمه سنی انتاج ایتشدر [۲] . ایشه بو صورتله عربستانه کیرن یهودیلر فلسطین و سوریه حدودلردن شمالی حجازه قدر تمانی ایدن ساحه یه داغیلمش و بر چوغنی قدیم (یثرب) و (خیبر) حوالیسنه قدر ایلریله یه رك بورالرده بیرلشمشلردی . (یثرب) (و خیبر) جهتلرینه برله شین یهودیلر بورالرده بویوك قولونیلر تاسیس ایتمش ، شمالی عربستان تجارتی آللرینه آلمشلردی . خرسیتیانلک روما ایمپراطوری قسطنطین طرفندن قبولندن صوکره پیغمبر عیسی بی صلب ایدن یهودیلر حقتده مدهش بر دوره تشکیل باشلامش اولدیغندن بو حال یهودیلردن برچوغنك سوریه و فلسطین دن چیقارق (یثرب) ده عرقداشلیرى آره سنه چکلمه لرینی انتاج ایتشدر . بو صورتله یثرب و حوالیسی تدریجاً یهودیلرله طولمش بورالرده (بنی قریظه) ، (بنی نضیر) ، (بنی قینقاع) ، (بنی هدل) ، (بنی سامله) و (بنی زغورا) کبی بویوك قبیله لر تشکیل ایتشدر .

فطرتاً تجار اولان یهودیلر ، یثرب ده بیرلشدکن صوکره ، قدیم یمن - مدین تجارت طریقيله یمنه قدر کیدوب کلکه باشلامش و بو صورتله موسولمانکی جنوبی عربستانه ده صوقولمشلردر

[۱] بخت نصر قبل المیلاد ۶۰۶-۵۳۸ سنه لرنده حکمران اولشدر .

[۲] آدریانوس میلادی ۱۱۷ تاریخنده سوریه و الیسی ایدی . ایمپراطور (ترایان) ك وفاتی

اوزرینه رومیاه کیده رك ایمپراطورلره کچمش و میلادی (۱۳۸) تاریخنده وفات ایتشدر .

یعنی ده حکمران اولان تبابعه نك برآراق موسویلكی رسمی دین اوله رق قبول ایتمش اولدقلری روایت ایدیلکده در . حتی تبابعه دن (ذی نواس) ك نجران خرستیانلرینه ده موسویلكی قبول ایتدیرمك ایچون ظالمانه تدبیرلره مراجعت ایتمش اولدینی مرویدر [۸].

موسویت عربستانك هم شمانه هم ده جنوبنه کیرمش اولدینی حالدیه عربلر آره سنده انتشار ایدمه مشدر . بدایتده (یترب) تام معناسیله بریهودی مستعمره سی اولدینی و (اوس) و (خرزج) قبیله لری بورایه کلدکاری زمان یهودیلرک هککه مونیالقی طانیق مجبوریتده اولدقلری حالدیه یته موسویتی قبول ایتمه مشلدر . عرب مورخلری یمن تباعه سندن بعضلرینك موسویلكی قبول ایدیلکرینی قید ایدیورلر سده بونك یالکیز بعض حکمدارلرله اطرافنده کیلره منحصر اولدینی و عرب قبیله لرینك بودینی حسن تاقی ایتدکاری محققدر . بونك باشلیجه سینی ، موسویلكك ملی بردین اولماسنده آرایه بیلیرز . موسویلك سامی بردین اولقله برابر ، منحصر آینی اسرائیله مخصوص بردیندر . بودینه کوره بنی اسرائیل (یهوا) نك کزیده و عمتاز قوللریدر . باشقه قوملر ، بنی اسرائیله نسبتله آشاغی بر درجه ده در . ایشته بر طرفدن معزور و سرآزاد عربلرک یهودیلردن دون بدرجه ده قالمق وضعیتنه دوشمك ایسته مهملری ، دیگر طرفندن ده برچوق احکام و آیتلرینك بدویلرک حیسانته او یغون اولماسی موسویلكك عربلر طرفندن قبول ایدیله مسنه سبب اولمشدر . فقط یترب یهودیلری بدوی عربلره نسبتله داها مدنی و داها منور اولدقلردن بنی اسرائیله عاڈ

[۸] بوروایتی قید ایدن عرب مورخلرینك افاده لرینه کوره آلتنجی عصر میلادی اوائلنده یمن ده سعیرلرک تختنه جلوس ایدن ذونواس (دمیانس) یهودیلکده بك متعصب اولدیفندن نجرانه صوقولان خرستیانلغی محو ایتك عزمنه دوشمشدی . بومقصدله نجران اوزرینه یورودی . نجرانلر یهودیلکی قبول ایتدکلردن باشده رئیسلی (عبدالله بن الناصر) اولقی اوزره برچوغنی آتش یا نان چوقورلره آتمق صورتیله ایتا ایلدی . مورخلرک بوروایتی نظر اعتباره آلان مفسرلر (سورة بروج) ده کی [قتل اصحاب الاخذودۃ النار ذات الوقود . اذهم علیها قعود . وهم علی ما یفعلون بلؤمنین شهودۃ طوتشمش آتش خندقلری اصحابی کبرسونلر . اولر خندقلری یاننده اوطورر ، مؤمنلره ایتدکلرینی تاماشا ایدرلردی .] آتیلرنده بحث ایدیلن اصحاب اخدودی ذونواس و تبعه سی اوله رق تفسیر ایلشلردر . یته عرب مورخلرینه کوره نجران رؤساسندن (دوس بن ثعلبان) بروایتی بوله رق حبشستانه قاچمش ، (ذونواس) ك نجران خرستیانلرینه یایدینی مظالمی (نجاشی) یه و اونك واسطه سیله ده شرق روما ایمراطوری (زوستین) ه شکایت ایتمش و برده یاریسی یا تمش انجیل کوستره رك تعصیبی او یاندیرمش اولدیعندن ایمراطور نجاشی پی (ذونواس) ك تأدینه مه امور ایلشدر . فقط خرستیانلغك عربستانه حخولندن بحث ایدرکن تشریح ایدیله جکی وجهله بوروایت پكده موثوق کوروله منر .

برچوق مراسم و عادات، برچوق توراتی روایات و حرافات عربلر آره سننده انتشار ایتمش و یونلر ظهور اسلامده اهتدا ایدنلر واسطه سیله اسلامده کیرمشلردر [۱].

ضرسقیانامه . — کلیسامورخلربنه باقیلربرسه نصرانیتک عربستانه دخولی تاریخی برنجی عصر میلادی به قدر چیقارمق ایجاب ایتکده در . حواریوندن (پاولوس) ک غالاتیالیرمه یازدیغی [۲] رساله سننده شو ققره لری کوربیوروز : « اما چنانکه بنی آنامک رحمندن آبران و کندو عنایتندن دعوت ایدن الله بکندی که کندو اوغلی بکا اعلان ایده تا که آنی طائفه لر آره سننده تبشیر ایدیم . تیزیه لحم و قانه طائشامدم و اورشلیمه بندن اول رسول اولانلرمه دوغدم . اما عربستانه واردم وینه دمشقه دوغدم . . . فقط پاولوسک عربستان دیدیکی منطقه نیک سوریه حدودلری و بالخاصه حوران طرفلری اولسی اغاب احتمالدره بوتار یخچلرده بعض عرب قبیله لرینک احوالی به قدر ایلریله دکاری تاریخی معلومدر . کلیسامورخلری طرفندن (پاولوس) ک عربستان ایچریلرینه کیده رک خرستیانلی نشر ایلدیگی یولنده کی ادعای حقیقتندن به قدر او زاقسه برنجی عصر میلادی ده حواریوندن (سن بارتالامی) نیک [۳]

[۱] مجارستان پهودیلرندن اسلامه حائذ تدقیقات و تألیفاتیه آوروپاده بوپوک برشهرت قازانان (غولد زهر)، اسلامک منشائی پهودیلکده آرامغه قالمش، ایتالیا مستشرقلرندن (له تونه قانتانو) ده بوخصوصده کندیسنه پیرو اولمشدر . فقط استناد ایتدکاری خصوصاته نظراً بو ادعا پاک چوروک کور و ایتکده در .

[۲] اصیل اسمی (سائول) اولان پاولوس، میلادک ایکنجی سنه سننده (طرسوس) ده متعصب برپهودی عائله سی آره سننده دوغمش، قدس ده فارزیانیزم برنسیلری دائره سننده تعلیم و تربیه کوره رک قویو برپهودی اوله رق پتشمشدر . بدایتده خرستیانلکک اک مدهش دشمنلرندن بری ایدی . نصرانیتی قبول ایتدکن صوکرده اک متعصب برخرستیان اولمش، یکی دینی آناطولی ده یونانستانده، قبریس ده، پافوس ده نشره چالشمشدر . پافوس ده روما سردارلرندن (سر جیوس پاولوس) خرستیانلی قبول ایتدیرمش و بوزماندن اعتباراً پاولوس نامنی آلمش، خرستیانلکده حواریونی صره سنه کچمشدر . بالآخره رومایه کیتمش، بوراده ده میسیونرلکنه دوام ایلشدر . فقط میلادی ۶۶ تاریخنده روما امپراطوری (نون) ک سؤلرینه ترس جوابلر ویردیکندن مشهور (پاتریس) له برابر اعدام اولونمشدر . (پاولوس) ک رومادن، ماکدونیا ده کی قای شهرندن، قورنطوسدن، اطنه دن، افسوسدن، کریددن، اطالیه دن یازدیغی برطاقم مکتوبلر واردرکه بونلر بالآخره اینجیلرله درج ایدیلشدر . غلاطیه لیرله یعنی بوکونکی (کنغری) شهریه خلقته رومادن یازدیغی برمکتوبده بونلردن بریدر . اعمال رسالده ترجمه حانی محتویدر .

[۳] سن بارتالامی خرستیانلکک اون ایکی حواریونندن بریدر . کلیسا عنعنه سنه کوره خرستیانلی نشر ایچون هندستانه، حبشستانه قدر کیتمش و میلادی ۷۱ تاریخنده (ارضروم) طرفلرنده قتل ایدیلشدر . بعض خرستیان مؤنفلری بونک یتمش ایبی تلیددن بری ارلاز (Nathanael) «

و ایکنجی عصر میلادی ده اعزه دن (سن پانته نوس) ك [۱] یمه کیده رك خرسیتیانلغی نثره جالیشد قلمری حقنده کی روایتلری ده واقعه مطابقتدن او قدر بعیددر .

خرستیانلق عربستانه آنجق دردنجی عصر میلادیدن اعتباراً ، شمالده سوریه و جنوبنده حبشستان کی ایکی طریقه صوقوله بیلیمشدر . سوریه طریقیله عربستانه کیرن خرسیتیانلر ، شرق کلیسا سنده ظهور ایدن مذهب اختلافی اوزرینه امپراطورلق اراضی سنده بارینه میان ارباب اعتزالدی . فی الحقیقه او چونجی عصر میلادی نصف اولنده شرق کلیسا سنده (آریوس) [۲] طرفدن چیقاریلان تثلیث مجادله سنی میلادی ۳۲۷ تاریخنده انطاکیه دسپوطلغندن استانبول پا طریقیله ککن (نسطوریوس) ایله اسکندریه پا طریقی (سن سیریل) آره سنده ظهور ایدن مذهبی منازعه تعقیب ایتمش و بو یوزدن شرق خرسیتیانلغی بربرلینه

اولدغی ادما ایشلردر . سن بارتله می به نسبت ایدیلن برایتیل وار سده خرسیتیانلرجه آفوروز ایدیلشدر .

[۱] سن پانته ن ، بدایتده رواقیوندن ایدی .

[۲] خرسیتیانلغک روما امپراطوری برنجی قسطنطین طرفندن قبول ایدیله سنندن چوق زمان کجه دن شرق کلیسا سنده تثلیث حقنده بو یوک بر منازعه دینه باش کوسترمشدی . مجادله بدایتده مصرده یعنی تثلیث یوردی اولان ام دنیاده ظهور ایتشدی . تثلیثک نزاعه سبب اولان اک مهم نقطه سی (ابن) ك وضعیتک تعینی کیفیتی ایدی . مسئله یی چیقاران ده (آریوس) اسمنده بر راهب دی : بو آدم اسکندریه دسپوطلغنه نامزد ایکن بو موقعدن اوزا فلاشدیریلشدی . (آریوس) ، ابن الهک قدیم اولامیه جغنی چونکه (اب) ك (ابن) دن مقدم اولسی ضروری اولدغنی ایلری سورره ك ابن الهک حدوتی ادما ایدیوردی . حالبوکه بو ادعا ، تثلیثی تشکیل ایدن اوچ شخص السی آره سنده سلسله سراجی ویا مساوات سراجی نظمن ایتک اعتباریله بونلرک ازلیت مشترک سی اساسی یقیور ، تعبیر دیکرله تثلیث بولوغدغنی بر زمان قبول ایدیوردی . آریوسک بو ادعای اوزرینه رقیب اولان دسپوت مسئله حقنده عمومی وعلنی بر مناقشه آجدی . بوسورتله اسکندریه خرسیتیانلری ایکیه آیریلش اولدی . ایکی طرف آره سنده مدھش بر منازعه باشلادی . اسکندریه سککنه سنک بو یوک بر قسمنی تشکیل ایدن یهودیلرله بت پرستلر ، خرسیتیانلر آره سنده کی بو مجادله یی ممنونیتله تماشای ایدیور ، بابا ایله اوغلاک بریاشده اولدغنی سویله یه رك آکله نیورلردی .

امپراطور قسطنطین بدایتده مجادله به اهمیت و بره مشدی . احتمالک کندیسی ده (اب) ك طبعا (ابن) دن مقدم اولدغنی دوشونره ك آریوسک فکرینه متقابل بولونیوردی . فقط منازعه کچیجی برشی اولدی . بالعکس کبتدکجه بو بودی . امپراطور نهایت (نیس) قونسلیانی طویللامنه مجبور اولدی . قونسیل اوزون مناقشه لردن صوکره شو قراری اعلان ایتدی : « مقدس کلیسا مجبور ابن الهک موجود اولدغنی بر زمان بولوندیغنی ، تولدنن اول موجود اولدغنی ، عدمدن ویا الھدن باشقه بر جوهر دن چیقدیغنی ، مخلوق ویا متغیر اولدغنی ، زمانک تبدلاتنه تابع بولوندیغنی سویله یلرلی آفوروز ایدر . » قونسلیک بو کولنج قراریله مسئله حل ایدیلرک منازعه به نهایت ویریلدی . یعنی آریوس و طرافدارلری تشکیل ایدیلدی . . .

خصم مذهبلره آیریلشدی. (نسطوریوس) ک منکوبیتی اوزرینه سوریه‌ده کی طرفدارلرینه قارشلی باش‌لایان تشکیل سیاستی ، بونلردن بر چوغنک عراق دوغرو چکیله رک ایران حدودلرینه التجا ایتلرینی بعضیلرینک سوریه - حجاز آره‌سنده کی بادیه‌یه صوقوله‌رق اورالده منزوی برحیات کچیرمه‌لرینی انتاج ایلشدر [۱] .

فقط یثرب [مدینه منوره] وحوالیسی اوتهدنبری بر یهودی مستعمره‌سی اولدیفندن خرستیانلر ، حجازه قدر کیده‌مه‌مشلردر . خرستیانلر ، حضرت (عیسی) نی صلب ایتمش اولقله اتهام ایتدکاری یهودیلره قارشلی سوونمز بر حرص انتقام بسلیورلردی . یهودیلرک خرستیانلر حقتنده کی حیاتی‌ده عینی‌ماهیتده ایدی . بوسیدن نسطوری پاپاسلری (حوران) ساحه‌سی ایلری کچه‌مه‌مش ، بورالده انشای ایتدکاری صومعه‌لرده قالمشلردی . بونک ایچوندرکه بو طریقه‌له عربستانه کیرن خرستیاناق آیحق سوریه حوالیسنه کلش اولان

[۱] نسطوریوس ، حکمادان (تئودور دو موبسست Theodore de Mopseste) ک افکار فلسفه‌سیله یتیشمش اولدیفندن خرستیانلرک آلمش اولدینی مردم پرستلک شکلنه معارض بولونیوردی . نسطوریوس ، خرستیانلرک ذات‌الوهیته انسان شکلی اسنادایدن عقیده‌لرینی الوهیتی استحقار ماهیتنده کوریلور ، بو عقیده‌یه کفر نظریله باقیوردی . نسطوریوس ، بوتون کائاتی طولدوران و اوصاف انسانی‌یه مشابهدتن مزه اولان برمبدأ طانیور ، وبوکا پرستش ایدیوردی . بناء علیه آرسطو نظریات فلسفه‌سیله اورتودوقس مذهبی تألیف ایتکه چالیشیوردی . بو یوزدن نسطوریوس ایله اسکندزیه باطریق متعصب و جاهل (سن سیریل) آره‌سنده بر اختلاف باش کوستردی . نسطوریوس کلیسانک نظریات فلسفه‌یه ایله مألوف یوکسک صنفی ، سن سیریل ایسه بت پرستلک عقائد و اعتیاداندن آبریلان جاهل کروهنی تمثیل ایدیوردی . سن سیریل ، (مہریم) ک (ام‌الله) اوله‌رقی تعسید ایدیله‌سنی برویج ایدیور ، نسطوریوس ایسه بوکا مخالف بولونیوردی . نسطوریوس ، استانبولک بویوک کلیسا‌سنده ایراد ایتدینی خطابه‌ده « اللهم قادر و قیوم اولدینی سوبله‌دکن صوکره » بویله بر الله والده‌یه مقتدر اولورمی ؟ « دیه باغیرمش ، سن سیریله اعلان حرب ایلشدی . نسطوریوس حیرمه (ام‌الله) دینیلیمه رک (عیسی) نک صفت انسانی‌یه اعتباریله والده‌سی اطلاق ایدیله‌سنی توصیه ایدیور ، عیسی نک انسانی ایله الوهیتی برمعبله اوراده پرستش ایدیلن معبود قدر بربرندن غرقلی اولدینی سویلیوردی .

نسطوریوس ایله سن سیریل آره‌سنده کی منازعه کیتدکجه بو بودی . استانبول پاپاسلری‌ده سن سیریله طرفدار ایدیلر . نهایت ایمراطور (افس) شهرنده برقونسیل طولیلامغه مجبور اولدی . سن سیریل ، ایمراطورک همشیره‌سنی آله ایدهرک سرائک مظاهرتی قازاندی . سوریه پاپاسلری کلکترین قونسیل نسطوریوسی محکوم ایتدی . زواللی آدم آفریقا چولارینه نقل ایدیلدی . طرفدارلری حقتنده تشکیل سیاستی باشلادی . بونک اوزرینه بوفکرده بولونان پاپاسلر فرات نهری بویلرینه هجرت ایدهرک کلدانی کلیسائی تشکیل و ایران دولتی حمایه‌سنه کیردیلر . بعضیلری‌ده سوریه ایله حجاز آره‌سنده کی بادیه‌یه صیغینه‌رق بورالده مزویانه یا شامغه مجبور اولدیلر .

غسانیلرله عراقده کی تخمیلر آره سنده انتشار ایده بیلمش ، حجاز قبیله لری ایچون مجهول قالمشدر .

خرستیانلغک حوران حوالیسنده کی غسانیلرله عراق حدودلرنده کی تخمیلر آره سنده انتشارینکده واسع نسبتده وبوتون طبقاته شامل برشکلده اولدینی آکلاشیلیمقده در .
 بی غسان حکومتنده خرسیتیانلق بیزانسله مناسباتده بولونان امرا ایله ایمپراطورلقله هم حدود منطقه لرده ساکن اولان خلقه انحصار ایتدیکی آکلاشیلیمقده در . بو دوره طاند (دیرحالی) ، (دیرالکھف) ، (دیرھنساد) و (دیرالنبوه) کی معبدلرک موقعلری بوظنی تأیید ایتمکده در . (خیره) ده کی بی تخم عربلری آره سنده ایسه بوساحه داها طاردر . بی تخم حکمدارلرندن آنجق (عمرو بن منذر) ایله اوچونجی نعمان بن منذر (م ۵۸۵ - ۶۱۳) کی براییک پرنسک نصرانیق قبول ایتش اولدینی صورت قطعیه ده معلومدر . تاریخ ، بی تخم آره سنده خرسیتیانلق نشانه سی اوله رق آنجق (عمرو بن منذر) ک والده سی (هند) طرفدن انشا ایتدیریلن (دیرهندالکبری) ایله (نعمان بن منذر) ک کریمه سی (هند) ک یابدیردینی (دیرهندالصغری) نک خرابه لرینی طایمقده در .

بشنجی عصر میلادی اواسطنده خرسیتیانلغک بوحوالی ده (ملکیت) ، (نسطوری) و (یعقوبی) کی بربرلرینه رقیب اوچ کلیسایه آیریلمی ، بودینک انتشارینه بویوک بر حائل اولمشدر . شرق کلیسایه ساجلنده (حیره) ده آنجق (میلادی ۴۱۰ - ۴۲۰) تاریخلرنده براسقف بولندیقی مقیددر . نسطوری و یعقوبی کلیسالری آره سنده کی منازعه مذهبیه آلتنجی عصر میلادی اوائلنده اک حاد دوره سنه واصل اولمش ونهایت نسطوریلرک غلبه سیله نتیجه لشمشدر [۱] . بونک ایچوندرکه عراق وفارس ده کی خرسیتیانلرک اکثریسی کی حیره (عباد) لری ده نسطوریلکی التزام ایشلردر .

[۱] بعضی تاریخلرده کورولن شومنقبه نسطوریلرک غلبه سی سینی آرزوق ایضاح ایده بیلمیر : حیره حکمدارلرندن اوچونجی (منذر) ی خرسیتیانلغه جاب ایتک ایسته ین راهبلر تشویق آمیز خطابه لیر ایراد ایدیورلرکن معینی ارکانندن بری زردینه کلرک قولافنه برشی سوبلیدی . بونک اوزرینه منذر متأثرانه بردوشونجه ده دالدی . راهبلر کمال احترامله تأثری اسبابی صوردیله . اوده « پک مؤسف بر خبر آلدیم . حضرت میکائیل وفات ایتش ... » جوانی ویردی . راهبلر ، « حشمتاب سزی اغفال ایدیورلر . ملکار اولزلر . دیدیلر . بونک اوزرینه (منذر) ده « نه وهت ملکار اولزلر . حالبوکه سز بی اللھک وفات ایتدیگه اقعاهه چالیشیورسکن ! ... » دیررک راهبلری اسکات ایلدی .

خرستیانلغک یمن و جنوبی عربستانه دخولی درونجی عصر میلادی اواسطنه دوغرو اولمشدر . میلادی ۳۴۳ تاریخنده روما ایمپراطوری (قونستانس) ایران علیه بر اتفاق عقد ایتمک اوزره یمنده کی حمیریلر نزدیکه بر هیئت سفارت کوندرمشدی . هیئت میاننده بر یسقیوس ایله متعدد راهبلر بولونیوردی . یهودیلر عینی زمانده دینی بر مقصدله کن بو هیئتک فعالیتنه ممانعت ایتمک چالیشمش لرسده تشبیلر نده موفق اوله مامشلردی . یسقیوس ، حمیر حکمدارندن اوچ کایسا انشاهی ایچون ساعده آلمش ، بونلردن برینی حمیریلرک او وقت مرکز حکومتی اولان (ظفار) ده ایکنجیمی (عدن) ده اوچونجیسی ده بصره کورفی کنارانده انشا ایتدیرمشدی .

فقط یمن داها اول خریستیانلغی قبول ایتمش اولان حبشته مجاور بولوندیغندن قونستانس هیئت کدیگی زمان خریستیانلغ کلیاً مجهول بر دین دکلدی . (فرومنتوس ساموه) اسمنده بر روم پاپاسک غیرتیه خریستیانلغی قبول ایتمش اولان حبشیلر یمن و جنوبی عربستانله پک صیق مناسباتده بولونیوزلردی . حبش نجاشیلرندن (العلی اسکندی) نك میلادی ۳۴۰ تاریخنده بر حیات اولان حمیری حکمداری (هدهاد) ایله مجار به ایتدیگی حقدده بعض کتابه لر بولومشدر . (العلی اسکندی) نك خلفی (العلی عمیده) اسمنده کی نجاشی ده برانس ایمپراطوری قونستانس (قسطنطینوس) ک امر و تشویق ایله میلادی ۳۴۵ تاریخنده یمنی ضبط واستیلا ایلمشدر . خریستیان حبشیلرک میلادی ۳۴۵ - ۳۷۴ تاریخنه قدر یعنی ۲۹ سنه یمن ده دوام ایدن برنجی استیلالری زماننده نصرانیت نجران عربلری آرمسنده انتشار ایلمشدر . فقط حمیریلردن (ملکیکرب یوهنم) میلادی ۳۷۴ تاریخنده تکرار یعنی استرداد ایدنجه خریستیانلغک انتشاری طبیعتیه طورمش ، حتی یهودیلرکی تروج ایدن بعضی حمیر حکمدارلری دورنده خریستیانلغی قبول ایتمش اولان عربلر تنکیله اوغرامش لردر . از جمله آلتنجی عصر میلادی اوائلنده حمیر تحتنه صعود ایدن (دونواس) یهودیلرک ده پک متعصب اولدیغندن نجران خریستیانلغی احیاه قالمش ، ریسلری (عبدالله بن التامر) ی اعدام ومال لرینی یغما ایتدیرمشدر . (دونواس) ک یمن خریستیانلغی احساساتی ، باشده استانبول اولمق اوزره خریستیان عالمی تلاشه دوشورمشدی . تاریخ مذکورده بر حیات اولان (بت آشام) یسقیوسی (سیمه نون) ماجزایی شوصورتله تصویر ایلمشدر: «سبأ حکمداری نجرانه بر معاهده اوزرینه کیرمشدی

حقیقت شهره داخل اولدوقدن سوکره معاهده احکامنه رعایت ایتدی . هر طرفی یعما ایتدیردی کلیسایه انجالیدن پاپاسلرله خلقی اوراده یاقدیردی . بسقفوس (پول) ک میکارینی مزارندن چقارتدی ره رق آنشه آتدیردی

نجران رؤساسندن (دوس بن ثعلبان) بر قولانی بوله رق حبشانه کچد کدن سوکره خونواسک خرسیتانلر حقنده کی مظالمه دأثر بوراده و مصرده بر جوق پروباغاندا یابدقدن سوکره ایستانبوله قدر کیتمش ، ایمپراطور برنجی (زوستین) له استانبول باطریقخانه سفی ده تلاشه دوشورمشدر . نهایت ایمپراطور حبشستان نجاشیسنه یعنی استیلا ایدره ک حیریلردن خرسیتانلغک انتقامنی آلتی توصیه ایتمشدر . نجاشی (آراحیسیس زبیمان) عموجه زاده لرنندن (اریاط بن اضخم) اداره سنده یمنه آلتمش بیک کشیک بر اوردو کوندردی . عرب تاریخلرنده مشهور اولان (ابرهه بن الصباح) ده بو اوردو قوماندانلرندن ایدی . (اریاط) ذونواسک اوردوسنی پریشان ایتدیکندن حیریلرک بو بدبخت حکمداری دکزه آتیله رق انخار ایلدی . بو صورتله جنوبی عربستان میلادی ۵۲۵ تاریخنده تکرار حبشیلرک حکمی آلتنه کیرمش اولدی نجاشی (الیسیاس) طرفندن یمنه والی عمومی تعیین ایدیلن (اسپافیوس) متعصب بر خرسیتان اولدیغندن مذهبی عربلر آره سنده نشر ایتکی مقدس بر وظیفه تلقی ایتمشدی . خطابت و قوه اقتاعیه سیله مشهور اولان (جریمجتوس) اسمنده کی پاپاسی خرسیتانلق حقنده پروباغاندا یایمغه مأمور ایلدی . شرق کلیسا موخلری بو خصوصده شو معلوماتی قید ایدیورلر : « جریمجتوسک خرسیتانانی نشره چالیشدیغی اسناده یمن ده یهودیلک خیلی منشر بولونیوردی . بو ایکی دین حقنده مناقشاندی بولونمق و حق اولانی تعیین ایتک اوزره راهب (جریمجتوس) ایله اجبار یهوددن (هر بان) آره سنده بر مجلس دینی عقد اولوندی . مناقشه اثناسنده یهودیلرک کافه سنه بردنبره عمارتاری اولدی . بو فلاکتدن آنجق (جریمجتوس) ک دطاسی سایه سنده قور تولدیله . جریمجتوس ولینک بو کرامتی یمنیلرک تنصرتی تأمین ایلدی » بو وثیقه ده جریمجتوس ولی یه اسناد ایدیلن کرامتک کلیسا تاریخنده کی شفا ناپذیر کرامت خسته لغتک ایجاباتندن اولان صایقلاما محصولی عد وینیلرک تنصرتی خبرینی ده قید احتیاطله تلقی ایتک ضروریدر . چونکه کلیسا تاریخک ادطاسی وجهله بوتون یمن خلقی تنصرتی ایتمش اولسیدی ظهوری بو استیلادن جوق اوزاق اولمایان اسلامیتک یعنی خرسیتان بولمش اولسی ایجاب

ايدردى . حالوكه بدايت اسلامده جنوبي عربستانده خرسيتيانلغك آنحق نجرانييلر آره سنده منتشر بولوندينى تاريخاً مثبت بر حقيقتدر . حبشيلرك عربستانك ديكر اقسامنده خرسيتيانلغى نشر خصوصنده كى تشبثلرينك نتيجه سنى ده (وقعۀ فيل) بليغ بر صورتده افاده اتمكده در . دور اسلامى به قدر نجرانييلر حدودى كچه مەمش اولان خرسيتيانلق اسلامك ظهورندن سوكره بوس بوتون اهميتنى غائب ايتشدر . باشده (ابن سعد) اولق اوزره عرب مورخلرينك ويرديكى معلوما ته كوره هجرى اوننجى سنه ده نجرانييلر (عاقب بن عبدالمسيح الكندى) نك تحت رياستنده (مدينه) به اون دورت كشيلىك بر هيئت اعزام ايدرك اسلام بيغمبرينك عهد وامانته كيرمش وبرصلاح معاهده سى ياپه رق عودت ايلشدر در .

مصالحه نامه به كوره نجرانييلر بيغمبرك حمايه سى آلتنده خرسيتيانلقلرينى محافظه ايدجك ، بوكا مقابل كند يلرى ده مسلمانلره قارشى مخاصم بر وضعيت آلمقدن توقي وهرسنه بيكى رجب آينده بيكى ده صفر آينده تسليم ايدليك اوزره ايكي بيك لباس ويره جكاردى . نجرانييلر برنجى خليفه ابوبكر زماننده بو معاهده به توفيقاً ديتلر نى محافظه ايتشدر . فقط ايكنجى خليفه عمر الفاروق ، عربستانى غير مسلملردن تطهير ايتديكى زمان خرسيتيانلقد قالمق ايسته ن . نجرانييلر ده عربستاندن چيقمغه مجبور اولشدر در .

مدرس

م . شمس العريمه

